

EBANDELI MOKANDA YA MOBOKO (FONDATION) YA KONDIMA NA BISO

Mokomi: Mama Lorella Rouster, ya MCE
Molimboli: Réverend Jocelyn Kongolo, ya MCE

Notes po Molakisi atanga yango ve moko (na bana te):

NB: Po na baversè ya Bible kotanga: Ezali malamumu ete moto oyo azali kotanga baversè ya Bible na liboso ya classe azala moto oyo ayebi kotanga kozanga mikakatano. Motangi akoki komona mpasi te na oyo makomi ezali koloba. Azali moto oyo esengeli atiya expression (elobeli) ya malamumu na kotanga na ye. Soki motangi ya malamumu akoki kokoma te, Molakisi akoki kopesa devoir na moto oyo ayebi kotanga, pe akoki lisusu komeka lisusu pe lisusu poso moko to mibale liboso classe ezala.

Motangi akoki kozala Molakisi, to mwana ya classe, to mokolo oyo azali koya na classe kaka po na kotanga. Eloko ya motuya ezali ete akoka kotanga malamumu malamumu, pe azala na expression malamumu.

Eleki malamumu ete nana bamema ba Bible na bango moko na classe, soki te, bakoki kokuta ba Bible na classe pe bakoki kofongola pe kotanga yango. Mabongisi oyo ekoki malamumu na ba classe ya ba jeune ya ecole secondaire.

Oyo ekozala pasi te soki bana nnyonso bazali kotanga kaka ya Bible kaka moko. Kasi soki lolenga ya kosala yango ezali te, molakisi akoki kaka kotanga baversè na matoyi na bango. Soki bakoki kozongisa biyano te na mutuna moko, molakisi akoki koloba ete,

“Yoka malamumu,” ebongo, akoki kozongela kotanga eteni ya baversè oyo ezali kopesa na motuna yango.

NB po na mituna, kanisa Bajeune ya Niveau Secondaire: Eyano na ndambo ya mituna (kasi nnyonso te) ezali kobima na ba-etude lokola science pe ba etudes sociales. Soki okoki koteya ba faseur to ban aya mboka oyo bayekoli mingi te, kanisa malamumu mituna nini okoki kotuna. Kutuna te mituna oyo eleki niveau na bango. Mituna ya ba niveau ya bana ya Primaire eleki malamumu po na bana nnyonso.

NB Po na koyimba: Mbala ebele tozali kokoma banzembo oyo bana bayebi mingi te. Koyemba oyo ezali po na kolakisa lisusu action to makanisi oyo bawiti koyekola. Ezali kosalisa bango po na kosimba mateya soki bazali koyemba pe kobina na bageste. Molakisi akoki kobongisa ton pe rythme ya maloba oyo bazali koyemba. Banzembo oyo ezali na rythme ya makasi eleki malamumu. Soki molakisi amoni ete ezali pasi kobongisa ton pe rythme ya nzembo, akoki kopesa eteni oyo ya lesu ne ndimbola oyo ezali makasi na likambo oyo.

NB po na kolaetela devoir ya poso eleki: Na sima ya nima ya lesu ya liboso, poso nnyonso, totié eteni moko ya lesu oyo ezali kotuna lolenge bana bazali komeka kotosa ba lesu oyo bayoki na mposu ewuti koleka. Ezali kopesa bango tango ya kolakisa etenge nini bazali komeka kotosa na baleso ya kala.

Oyo ekoki kozala makambo ya sika po na bango. Boye, tango mosusu bakozala mbangu te kopesa rapport na Ebandeli. Tango mosusu bazali kokanisa te ete ya solo okotuna likambo yango. Kozalela bango na kanda te. Kaka kosambela Nzambe ete babanda kosalela yango. Poso nnyonso, koba kaka na kotuna etenge nini batosaki. Mbala ya liboso oyo mwana apesi eyano, pesa bango lokumu mingi. Na sima ya

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

tango, bana ba kobanda kososola ete olingi bango kaka koyoka pe koyekola, kasi ete olingi pe ete bango babongola bomoi na bango, po na kotosa malakisi oyo bazali koyoka.

Masano ya Revision po na baleso nnyonso:

Makanisi oyo ezali malamumu kosalela na esika nnyonso na baleso, soki esili dezia kosilisa malakisi oyo ezali motuya:

Bacarte ya Revision pe lisano: (Bacarte ezali kolakisa nini Nzambe asalaki mokolo na mokolo tango akelaki likolo na sé, ezali na basashè mosusu ya materiels. Soki ezali te, okoki pe ko dessiner bacarte oyo etalisi yango.)

Pona lolenge ya kosalela bacarte oyo:

- Tiya bacarte na mulongo. Talisa foto. Bana bakolakisa mokolo nini pe nini Nzambe asalaki.
- Balola bacarte po ezali na molongo te. Pesa yango moko-moko na bana. Bana yango baleka liboso ya classe pe balakisa bacarte na bango. Bana batiya yango na molongo.
- Balola bacarte pe lakisa carte moko kaka. Pona mwana alakisa mokolo nini ezali kolakisa, pe nini Nzambe asalaki na mokolo wana.
- Tiya bacarte likolo ya mesa. Mwana moko ay ape atiya yango na molongo. Bana mosusu bajuger soki asali malamumu.
- Pesa bana bacarte moko-moko. Baleka liboso ya classe. Senga mwana moko apona carte oyo ezali Kolakisa nini esalemaki: na mokolo ya misato, etc.

Nzembo ya Revisionn pe lisano:

Lakisa bana nzembo traditionel « O Nzambe asalaki Tata Adam, na mokolo ya mutoba ».

Nzembo yango oyo: O, Nzambe akelaki Tata Adam. Na mokolo ya mutoba. Na mokolo ya sambo, apemaki.

O wale, wale wo, wale, wale wo. Wale wale wo Mwana na Davidi. (Po na lesu oyo tozali kobongola mulongo ya suka koloba elobi « Yé asalaki biso.»)

Na sima ete bana bayemabe nzembo oyo, banda koyembo lolenge oyo:

O Nzambe akelaki moi (bana balakisa mosapi moko)

Na mokolo ya liboso
Na mokolo ya sambo ye apemaki.

O Nzambe akabolaki bamai (bana balakisa misapi mibale)

Na mokolo ya mibale
Na mokolo ya sambo
Ye apemaki.

O Nzambe asalaki bato ná makasa (bana balakisa misapi misato)
Na mokolo ya misato
Na mokolo ya sambo
Ye apemaki, etc.

Leso 1 Nzambe akelaki biloko nnyonso (Mokolo ya libosope ya mibale ya Creation) Ebandeli ch. 1 vs.1-8

Kuyidika na ntwala tango ya classe: Sala bacarte to bapapier 10 ya mai (couleur) ya pembe kino 10 ya mai ya motani. (mutuya ya bacarte ezali tina te. Soko classe na yo ezali na na bana na sé ya bambula 20, kaka obongisa talo to motuya ya bacarte to bapapier oyo okoteya. Bana bakosala bacarte oyo ezali kolakisa etenge Nzambe atiyaki moi molili na esika moko. Soki omoni ete

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

lolenge ya kozuwa bacarte to bapapier ezali te, okoki kokabola bana kolaetela ba couleur ya bilamba oyo balati — ndambo ya pembe soki te ndambo ya molili.

Ntina ya Leso: Na suka ya lesu oyo, bana bakoyeba Nzambe lokola mokeli oyo asalaki makambo nnyonso ya malamumu, ebongo bakopesa ye lokumu nnyonso.

Versè ya Koyekola: *Ebandeli ch 1, vs. 1.*
“Na Ebandeli, ...Nzambe akelaki likolo na sé.”

Kobanda Leso: (Molakisi akoki koyebisa histoire oyo, to bana bakoki kosala yango lokola *théâtre*.)

Mwana na kombo ya Ntoko atunaki tata mituna mingi mikolo nnyonso. «Etenge nini, tata ? Po na nini, tata ? Etenge nini, tata? Po na nini, tata?»

Mokolo moko atunaki tata na ye, « Tata, tata Oyo abotaki yo ezalaki nani? »

«Kombo ya tata na ngai ezalaki Paul, » tata alobaki. Ye azalaki koko na bino bana.

“Kombo ya tata na yé?”

“Mati.”

“Pe tata na yé?”

« Ngai na yebe te kombo ya tata na yé, kasi tata ya liboso azalaki Adam, » yé.

« Kino tata na yé ? »

« Adam azalaki te tata na oyo abotaki yé na mokili oyo. Nzambe, Yé moko moto akelaki Adam.”

“Mmm, Ntoko alobaki. Kino tata na Yé—tata ya Nzambe?”

Tata na Ntoko asekaki. Yé alimbolaki na yé ete, « Nzambe azali na Tata te. Motot moko abotaki Yé te. Nzambe awumelaka seko na seko, kuzanga Ebandeli pe suka. Ezali ete Yé moto akelaki biloko nnyonso oyo ezalaka. »

Ntoko akanisaki mwa luke. Akanisaki mingi. “Etenge nini, Tata?” Yé atunaki. Etenge nini ekoki kosalema etenge wana? Eali likambo monene, Tata. Ezali likambo ya kokamwa!”

Mama ya likambo na Leso oyo na biteni 5:

Leso 1.1 Tangela bana: *Ebandeli ch. 1 vs 1 kino na ch.1 vs. 2a*



1 “Na Ebandeli, tango Nzambe asalaki likolo ná se,

2 Mokili ezalaki na eloko te ezalaki ezalaki ya mpamba ata eloko moko té na kati. Mai ezipaki mikili ti ne se ya mabelé, epai nnyonso zalaki na se ya molili. “Molimo ya Nzambe azalaki kotambola na likolo ya mai.”

Leso 1.1 Kutuna bana ? Lokola oyo—

Niveau Primaire:

- Nani azalaki liboso ya biloko nnyonso oyo mosusu? (Nzambe moko kaka.)



- Nzambe ssalaki nini? (Likolo ná se)
- Mokili ezalaki etenge nini na Ebandeli? (Ya pamba—eloko moko ezalaki te na kati na yango, mabelinga-mabelinga, mai ezipaki mokili mobimba, molili.)

Niveau Secondaire:

- “Likolo” elingi koloba nini? (Biloko nnyonso oyo ezali na likolo lokola moi, sanza, minzoto ná biloko nnyonso ya etege wana, pe esika Nzambe pe Najelu bazalaka – biloko nnyonso oyo ezali libanda ya mokili na biso.)



- Etenge nini tozali kososola mokili, likolo, banjelu, etc., kasi ezali seko na seko te? (Nzambe asalaki yango, ebongo, ezali na Ebandeli. Ezalaki te seko na seko.)

- Soki tolubi maloba oyo, “seko na seko”, elingi koloba nini? (Ezali na Ebandeli te, pe ekozala na suka te.)
- Okoki kolakisa lolenge ya mibale oyo Nzambe akesani na biloko nnyonso mosusu? (1. Nzambe azali seko ne seko, kasi biloko oyo mosusu ezali na tango oyo yango ebandaki. 2. Nzambe akelaki biloko oyo nnyonso mosusu, kasi biloko oyo nnyonso mosusu ezali bikelamu ya Nzambe.)

**Leso 1.2 Kolakisa nini esalemaki:
(théâtre):**



Bana bakanga miso na bango. Bakoki komona te. Molakisi aloba ete, “Na Ebandeli, kaka Nzambe ye moko azalaki. Na Ebandeli, Nzambe asalaki likolo na sé, kasi nnyonso ezalaki molili” Bana botombola maboko, pe loba ete, “Nzambe asalaki lokolo, kasi nnyonso ezalaki molili.”

Leso 1.2 Koyemba pe kobina:



Nzambe asalaki likolo na sé! Kasi nani asalaki Yé? Moto te! Moto te!

Leso 1.3 Tangela bana: Ebandaki ch. 1 vs. 2b

2b Molimo na Nzambe ezalaki kotambola na likolo ya mai.

3 Boye Nzambe alobi : “Kongenga ézala ”Pe kongenga ezalaki.

4 Nzambe amoni ‘tè kongenga ezali malamumu.”

Leso 1.3 Tuna bana boyé – Niveau Primaire:

- Nani atambolaki likolo ya mai? (Molimo ya Nzambe)
- Nzambe alobi? (Kongenga ezala.)
- Eloko nini esalamaki pe na commaete wana? (pe Kongenga ezalaki.)

- Kongenga wana azalaki malamumu to mabe? (Ezalaki malamumu.)
- Nani alobaki ete ezalaki malamumu? (Ezali Nzambe alobaki yango.)

Niveau Secondaire:

- Etenge nini eteni ya suka ya verse 2 ez’o lakisa biso ete Nzambe azali moko, kasi koleka person (moto) moko? (Totanga Nzambe na vs. 1 kasi Molimo ya Nzambe na vs. 2b. Bible elobi po na bango nnyonso mibali na Creation.
- Etenge nini to yebe ete mokili nnyonso ezalaki ya kotonda na mai? (Molimo na Nzambe etambolaki likolo ya mai.)
- Maloba nini ya liboso Nzambe alobaki tango Ye abandaki kokela mokili? (Kongenga ezala.)
- Boni, Bible elobi ete Kongenga oyo ezalaki moi? Boye te. Ezalaki kongenga, kasi moi te. Kaka na verse 16, na sima, tozali kotanga ete Nzambe asalaki moi.

NB: Bato mingi bazali koseka Bible, po ete ezali koloba ete Nzambe asalaki kongenga liboso akela moi. Kasi bato ya science bazali kososola sik’oyo ete kongenga ekoki kozala yango moko, apart moi.

- Etenge nini Nzambe asalaki soki akelaki kongenga ya liboso? (Na liloba na Ye.)
- Nani amonaki kongenga wana ya liboso? (Nzambe ye moko.)
- Eloko nini ya mabe Nzambe amonaki na oyo Ye asalaki? (Eloko moko te. Ye elobaki ete ezalaki malamumu.)

Leso 1.3 Kolakisa nini esalamaki:



Tiya bana na bagroupe mibale, batalana face à face. Groupe ya liboso eloba, “Kongenga ezala!” Groupe ya mibale bafongola maboko pe baloba, “Boye kongenga ezalaki.” Sala yango mbala misato.

Leso 1.3 Koyemba pe kobina:



“Nzambe akelaki kongenga. O yea, O yea. O yea.”

Leso 1.4 Tangela bana: Ebandeli ch. 1 vs. 4b



4b “Pe akaboli kongenga ná molili,
5 Nzambe abengi kongenga "moi," pe abengi molili "butu." Pokwa ekomaki pe tongo etanaki. Wana ezalaki mokolo ya liboso.

Leso 1.4 Kutuna mituna lokola oyo --

Niveau Primaire:



- Nzambe alobaki nini na nini? (Ye akabolaki kongenga na molili.)
- Nzambe abengaki biteni wana nini? (Kongenga pe Molili)
- Nini esalaki mokolo ya liboso? (Kongenga mabala moko na molili.)

Niveau Secondaire:

- Na suka ya mokolo ya loboso, Nzambe akelaki nini? (Kongenga pe molili)
- Bakaboli nini ya liboso Nzambe asalaki? (Kabola kongenga pe molili)

Leso 1.4 Kulakisa nini esalamaki:



Pesa groupe moko ya bana ya classe carte soki te papier ya pembe pe groupe ya mibale carte to papier ya mwindo. Tango yo olobi, “Kabola

kongenga pe molili!”, bana nnyonso ya kele na bacarte ya pembe bakeete kokangama esika moko, ebongo ba tombola bacarte na bang ope baloba, “Kongenga!”

Na sima, bana oyo bazali na bacarte ya mwindo, bakeete kokangama esika moko na esika mosusu. Ba tombola bacarte na bango pe baloba, “Molili!”

Na sima, bana na bacarte ya pembe batombola ba carte na bango lisusu pe baloba “Kongenga!” Ba ya bacarte ya mwindo batombola bacarte na bango lisusu pe baloba “Molili!” Ebongo, bango nnyonso batombola bacarte na bango mbala moko pe baloba, “Mokolo moko!”

Leso 1.4 Koyemba pe kobina:



“Kongenga na molili ezalaki mokolo ya liboso.”

Leso 1.5 Tangela bana: Ebandeli ch. 1 vs. 6-8



6 Nzambe alobi: “Na kati ya mai, esika moko ya monene étikala pamba, ékabola mai na bandambo mibale.” Pe esalamaki se bongo.

7 Nzambe asali esika moko ya monene na kati ya bamai, boye mai mosusu ezalaki na likolo na yango, mosusu ezalaki na se.

8 Nzambe abengi esika yango “Likolo.” Pokwa ekomaki pe tongo etanaki. Wana ezalaki mokolo ya mibale.

Leso 1.5 Kotuna bana lokola boye—

Niveau Primaire:



- Nani alobaki lisusu? (Nzambe. Mokolo n’ango mosusu azalaki te.)

- Nini Nzambe ayebisaki esalama? (Esika na kokabola mai ya sé na mai ya likolo.)
- Nzambe eyebisaki nini na esika wana? (likolo)
- Kokabola wana esalamaki mokolo nini? (Mokolo ya mibale)

Niveau Secondaire:

- Na suka ya mokolo ya mibale, mabele ezalaki etenge nini? (Etikalaki na se ya mai, kasi ndambu mai ezalaki na se, na likolo ya mabele, pe lisusu ezalaki na likolo. Esika moko ezalaki na kati na yango.
- Tokosalela liloba oyo “likolo” etenge na etenge. Ekoki kolakisa nini? (Direction likolo, soki te esika moyi na minzoto ezali, soki te esika Nzambe abikaka. Na Bible pe, ba salelaka maloba ya etenge na etenge. Liloba “lokolo” awa elingi koloba nini?

Leso 1.5 Kolakisa nini esalamaki:



Bana ya classe batombola maboko na bango, ebongo baloba na sima na yo: “Mwa mai na likolo.” Ba pusa maboko na se pe baloba, “Mwa mai na se.” Bafongola maboko na bango makasi pe baloba, “Esika moko na kati-kati.” Batombola misapi mibale pe baloba, “Mokolo ya mibale.”

1.5 Koyemba pe kubina:



“Mai likolo.

Mai na se

Espace (etando) na kati-kati.

Devoir po na bana oyo bayebi Yesu:

Poso oyo mobimba, bana basambela Nzambe oyo asalaki biloko nnyonso. Batonda Ye mingi po na biloko nnyonso ya malam, ya kitoko Ye asali.

Kobenga bana oyo bayebi Ye nanu te:

Soki yo oyebi Nzambe nanu te, kasi olingi koyeba ye, pe soki omilengeli koyamba Yesu Kristo lokola Mobikisi na yo, yebisa ngai na sima ya classe. Na kozala na esengo ya mingi ya kosalisa yo po na yo obika lelo oyo.

=====

SUKA YA LESO

Leso 2 (Mokolo ya 3 ti 4) Nzambe eyebisaki mokili emonana, pe akelaki makasa, moi, sanza, pe minzoto.

Ebandeli ch. 1 vs. 9 kino na 19.

Kobongisa liboso ya tango ya classe: Mema nkona ya avocat, soki pe manga, soki te mbuma nnyonso oyo ezali na nkona ya monene. Mema nzungu, ndambo ya zelo, pe mulangi ya mai. Osalela yango na parti 2.1 ya lesso--Koyimba pe kubina.

Mama ya likambo ya Leso:

Na suka ya lesso oyo, bana ya classe bakoyeba ete Nzambe oyo akelaki biloko nnyonso po na bolamu na biso pe po na lokumu na Ye. Yango wana, ba kotonda Nzambe na motemamoko ya bolingo po na kopambola Ye po na nnyonso.

Verse ya koyekola: Loba lisusu *Ebandeli ch. 1 vs. 1*, ebongo yekola *Ezaya ch. 45 vs. 18*:

“Ezali ‘Yawe moto asalá Likolo, ye Nzambe oyo asalá mokili;

Ye moto abongisá yango pe apiká yango makasi.

Asalaki yango ezala pamba té, kasi po báfandaka wana.

Sik’oyo alobi boye:

‘Ezali ngai moto na zali Yawe;

Nzambe mosusu azali té.

Kobingisa Verse po na bana ya mike:

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nnyonso ya Afrika Edition 2016

“Nzambe...abongisaki mokili ...po bato bafanda na yango.”

Ebandeli ya Leso:

Na likolo, ezali na baplanet ebele oyo ezali mwa moke lokola mokili na biso, kasi moto akoki kovanda kuna te. Mosusu ezala moto mingi. Okozika ba bisika wana. Mosusu ezali malili mingi. Okokoma malili lokola glace kuná. Mosusu ezali na mopepe te. Moto akoki kopema te. Po na nini ezali lolenga wana? Nzambe asalaki baplanet, minzoto, biloko nnyonso! Kasi mokili, Ye asalaki yango po na biso tovanda na yango. (Bana baloba: Nzambe asalaki mokili po biso tovanda na yango!)

Kotala lisusu

- Nini Nzambe asalaki na mokolo ya liboso? (Likolo pe mokili pe kongenga)
- Na mokolo ya mibale? (Esika Kisika na kati-kati ya bamai likolo ya mai pe na se)
- Na Ebandeli ya mokolo ya misato, nini ezalaki kovanda na mokili? (Ata eloko moko nanu te)
- Bomozi ezalaki nanu te! Kasi po na nini Nzambe asalaki mokili? (Po biso tovanda na yango)

Sk’oyo, tokomi na mokolo ya misato.

Kotala soki bana basali devoir ya poso oyo eleki:

Boni, okanisi kokumisa Nzambe na poso oyo eleki po na nnyonso Ye asali? (Molakisi, agangela te baoyo babosanaki kosala devoir, kasi kofeliciter ba oyo bakanisi, ba oyo bameki.) Koba kosala makambo wana!

Mama ya likambo na Leso oyo na biteni 3-

Leso 2.1 Tangela bana: *Ebandeli ch. 1 vs.9 kino na 10*



9 Nzambe alobi: "Mai oyo ezali na se ésangana esika moko, bongo mabelé ya kokauka émonana." Pe esalamaki se bongo.

10 Nzambe abengi mabelé ya kokauka "mokili," pe mai oyo esanganaki esika moko "ebale monene." Nzambe amoni 'tè yango ezalaki malamumu.

Leso 2.1 Kotuna bana lolenge oyo --

Niveau Primaire:

- Mai nini oyo Nzambe alakisaki ete ekeete esika moko? (Mai oyo ezalaki na se)
- Po na nini Nzambe asalaki etenge wana? (Po mokili emonana)
- Nini esalemaki tango Nzambe epesaki ordre wana? (Esalemaki kaka lolenge Ye alobaki.)
- Kombo nini Nzambe apesaki na mabele oyo emonanaki? (Mokili)
- Kombo nini Nzambe apesaki na mai oyo ekangamaki na esika moko? (Ebale Monene)



Niveau Secondaire:

- Etenge nini Nzambe amonaki mosala na Ye—mabe, soki te malamumu, to pe na kati-kati? (Ye amonaki yango malamumu.)
- Etenge nini mosala ya mokolo yoyo ezalaki motuya po na banyama pe bato oyo bafandaka na mokili? (Mokili ezali malamumu po na banyama ebele pe bato, Ebale monene ezali motuya po na banyama ya mai pe ndambu ya banyama mosusu oyo efandi na kati.)

Leso 2.1 Kolakisa nini esalemaki::



(Mwa-théâtre oyo esengeli obongisa mwa biloko liboso.) Tiya zelo na nzungu pe zipa yango na mai kaka mwa muke.) Na tango ya classe, mwana moko akoki kobenda zelo na kati-kati, po emonana lokola mwan-gomba pe mai ezala mopanzi. Oyo ezali etenge Nzambe abendaki mabele po ezala esika moko kino emonana likolo ya mai ya ebale monene.)

Leso 2.1 Koyemba pe kobina:

Mabele, yango oyo! (Lakisa na loboko, yango oyo awa.)



Ebale monene, yango wana! (Lakisa loboko ete, kuna)

Nzambe asalaki yango nnyonso!

O, Nkembo!

Leso 2.2 Tangela bana: Ebandeli ch. Ivs.11-13.



11 Sima Nzambe alobi: "Mabelé ébimisa makasa ya etenge nnyonso; ndunda ya etenge nnyonso, oyo ebotaka mbuma ya kokona; pe banzete ya etenge nnyonso, oyo ebotaka mbuma ya kolia pe ezalaka na mikokoli." Pe esalamaki se bongo.

12 Boye mabelé ebimisaki makasa ya etenge nnyonso; ndunda ya etenge nnyonso, oyo ebotaka mbuma ya kokona; pe banzete ya etenge nnyonso, oyo ebotaka mbuma ya kolia pe ezalaka na mikokoli. Pe Nzambe amoni 'tè yango ezalaki malatnu.

13 Pokwa ekomaki, pe tongo etanaki. Wana ezalaki mokolo ya misatu.

Leso 2.2 Kotuna bana lolengo oyo—

Niveau Primaire:



- Biloko ya pema ya liboso nini oyo Nzambe asalaki na mokili? (Makasa pe banzete)

- Ndambo ya makasa nini oyo yo eyebe? (Bana bapesa eyano.)
- Makasa na banzete nini oyo olingi mingi? Po na nini olingi yango? (Bana bapesa eyano.)
- Mokolo nini Nzambe asalaki makasa pe banzete? (Mokolo ya misato.)

Niveau Secondaire:

- Nzambe asalakite pe makasa pe banzete ekoma ebele? (Ye asalaki yango na etenge ete ba bota mbuma na makasa to pe banzete mosusu.)
- Nini tozali komona na kati ya mbuma oyo ebotaka banzete mosusu? (Nkona. Lakisa nkona omemi.)
- Sorte nini ya makasa pe mbuma Nzambe asalaki? (Ya etenge na etenge.)
- Etenge nini tokoyeba ete nzete ya lolengo moko boye ekoki te kobaluka nzete ya lolenge mosusu? (Yango nnyonso ezali na nkona na kati, oyo ezali kobota kaka nzete ya lolenge wana.)
- Boni, na classe ya science, okoki koyekola etenge nini banzete ezali kosalisa biso? (Banzete ebele ezali malamumu po na kolia, tozali kosalela yango na kotonga bandako, kosala bwato, maboka, etc. Lisusu, banzete ezali kotonga oxygen oyo ezali motuya po na kopema ya banyama pe bato.
 - Nini ezalaki makanisi ya Nzambe po na mokili, Ebala monene, makasa pe banzete oyo Ye asalaki? (Ezalaki malamumu.)
 - Po na nini okanisi Bazwif babandaka mokolo na butu? (Po

Nzambe asalaki molili liboso kino na sima tongo.

Leso 2.2 Kolakisa nini ezali kosalema:



Théâtre: Bana bazali kokona nkona ya avocat, manga, soki te nzete mosusu local. Basololi nini nzete ekosala soki ekoli. Mwana moko akanisa ete ekokoma tomate, mosusu orange soki te anana. Mosusu aloba ete nkona ya avocat ekopesa avocat kaka, po Nzambe na Ebandeli asalaki banzete po ekobota nzete mosusu lokola yango. Tuna bana bango bakanisi nini.

Leso 2.2 Koyemba pe kobina:

Groupe ya liboso: Nzambe asalaki



Groupe ya mibale: bitabe

Nzambe asalaki anana
Nzambe salaki maniok
(Bana babenga mbuma oyo balingaka mingi, ebongo bo bakisa na nzembo.)

Bana nnyonso: Nzambe asalaki makasa pe banzete na mokolo ya misato!

Leso 2.3 Tangela bana: Ebandeli ch. 1 vs. 14 kino na 19



14 Bongo Nzambe alobi: "Bamwinda ézala po na kokabola moi ná butu, pe po na koyebisa tango nini mikolo, mbula, pe bileko ya bafeti ekoki kobanda.

15 Bamwintla yango épela na Likolo po na kongengisa mokili." Pe esalamaki se bongo.

16 Boye Nzambe asalaki bamwinda mibale ya minene : oyo eleki monene po ézala mokonzi ya moi; oyo eleki moke po ézala mokonzi ya butu. Asalaki pe minzoto.

17-18 Nzambe atie yango nnyonso na Likolo po ézala bakonzi ya moi pe

ya butu, éngengisaka mokili pe ékabolaka kongenga na molili. Nzambe amoni 'tè nnyonso wana ezalaki malamau.

19 Pokwa ekomaki pe tongo etanaki. Wana ezalaki mokolo ya minei.

Leso 2.3 Kutuna bana lolenge oyo—

Niveau Primaire:



- Nini Nzambe asalaki na mokolo ya miney? (Mwinda ya monene, Sanza, pe Minzoto, etc.)
- Po na nini Nzambe atiyaki Mwinda ya monene, Sanza pe Minzoto likolo? (Po na koyebisa tango nini mikolo, mbula, pe bileko ya bafeti.)
- Bamwinda nini Nzambe atiyaki po na kongengisa na moi? (Mwinda ya monene)
- Nini Nzambe alobaki po na kongengisa na butu? (Sanza)
- Bamwinda nini mosusu tozali komona ebele na likolo? (Minzoto)
- Nani asalaki minzoto? (Nzambe asalaki nnyonso.)

Niveau Secondaire:

- Po na nini okanisi ete baverse oyo ezali mwa pasi po na kososola to pe kondima?
(1. Po Nzambe asali dezia na likolo na mokolo ya liboso, pe mbala ebele tokanisaka ete moi, sanza pe minzoto ezali parti na yango. Kasi Bible ezali koloba ete Nzambe asalaki yango kaka na mokolo ya minei.)
(2. Po nini Nzambe asali makasa pe banzete dezia na mokolo ya misato, pe makasa pe banzete

ezala bakonzi ya kongenga ya moi.)

(3. Nzambe asalaki dezia kongenga na mokolo ya liboso.)

- Etenge nini okanisi ete tokoki kososola makambo oyo? (Molakisi, ayoka makanisi ya bana pe abakisa makanisi yango soki bana balobi yango te.)

1. Ekoki kozala ete Ebandeli ch. 1 vs. 1 ezali sommaire pe kolimbola na detail elandi yango.

2. Toyebi ete kongenga Nzambe asalaki na mokolo ya liboso ezalaki nini.

3. Makasa pe banzete ezalaki na pasi te kobika mokolo moko kozanga moi, po elobami ete na Ebandeli, Nzambe esalaki kongenga.

4. Bato mosusu oyo bayekoli Bible, bakanisi ete Nzambe asalaki moi, sanza pe minzoto na mokolo ya liboso, pe ete ezalaki parti ya “likolo”

5. Bo moni ete na Ebandeli, nnyonso ezalaki libungu tulu pe kozanga lolenge, lokola mokili pe ezalaki. Kasi, na mokolo ya minei, Nzambe atiaki yango na esika oyo ekomonana na mokili.

- Etenge nini tokanisi ete Nzambe asalaki kokanisa biso dezia na mokolo ya minei?

(Kaka bato balandaka basaison to pe calendrier lokola bambula pe bikeke. Kaka bato bakaniseli mikolo ya bafeti. Nzambe atiyaki kongenga pe sanza pe minzoto na likolo po na kongengisa makambo oyo.)

Leso 2.3 Kolakisa nini esalamaki:



Na kosala bageste, groupe moko ya bana balakisa nzela ya kongenga na moi. Groupe ya mibale balakisa nzela ya sanza na butu.

Leso 2.3 Koyemba pe kobina:



“Nzambe asalaka kongenga po na kokonza na moi”

“Nzambe asalaki sanza po na kokonza na molili.”

“Nzambe asalaki minzoto nnyonso. O, Nkembo!”

Devoir po na bana oyo bayebi Yesu dezia:

Na poso ekoya, bana basambela Nzambe na motema na bango mobimba. Ba sambela te biloko Ye asalaki. Ba lakisa baetenge ya bato basambelaka biloko Nzambe asalá. Ba boya kolanda ndakisa yango.

Kobenga bana oyo bayebi Yesu nanu te:

Boni, oyebi Nzambe yo moko? Boni, oyamabe Mwana na Ye, Yesu Kristo, lokola Mobikisi na yo? Soki oyebi te, yaka na ngai na sima ya classe. Nakozala na esengo ya kosalisa yo.

=====

SUKA YA LESO 2

Leso 3 (Mokolo ya 5 pe 6) Nzambe akelaki banyama ya mai, baeteke, pe banyama

Ebandeli ch. 1 vs. 20 kino na 25

Ntina ya Leso:

Na suka ya leso oyo, bana ya classe ba kososola pe ba kozala na esengo ete Nzambe azali Mokeli ya banyama nnyonso ya etenge na etenge. Yango wana bakosambela na Ye pe bakosenga lisungi na Ye, kasi ba kosambela te biloko Ye asalá. Ba

bakokamwa pe na mayele na Ye na kokela
banyama nnyonso.

Verse ya Koyekola:

Revision ya baverse—Loba lisusu Ebandeli ch. 1 vs. 1 pe Ezaya ch. 45 vs. 18 na lombangu. Yambo senga na mwana moko oyo azali kokanisa na koloba yango. Na sima, bana nnyonso baloba yango to pe batanga yango kaka mbala moki.

Verse ya sika: Teya verse ya sika *Kobima ch. 20 vs. 3 kino na 5a* (“a” elingi koloba ete ezali kaka eteni ya liboso ya verse). Nzambe azali koloba, pe baverse oyo ezali eteni ya liboso ya ‘Commaetements Zomi; ya monene oyo Nzambe apesaki.

3 *“Kokumisa banzambe mosusu té, bobele ngai.*

4 *“Kosala ekeko té po na kokumisa yango, ézala été eloko nini oyo ekokani ná bikelamo oyo ezali na Likolo, awa na se, to na mai oyo ezali na se ya mabele.*

5 *Kofukamela banzambe ya etenge wana té, pe kokumisa yango té, pamba te ngai “Yawe, Nzambe na yo, nazali Nzambe moko ya zuwa..*

Kotala lisusu malakisi ya Leso 1 pe 2:

Bana nnyonso balboa na rythme :
Mokolo ya liboso --Kongenga
Mokolo ya mibale—Bamai ya likolo pe ye se, esika moko na kati-kati
Mokolo ya misato—Mwinda, sanza, minzoto
Mokolo ya minei—Makasa pe banzete
Na sima, pesa molongo moko na moko na groupe moko, baloba pe balakisa yango.

Kotuna soki nani asalaki devoir:

Na poso eleki, nani akanisaki kusambela bobele Nzambe, kasi biloko Ye asalaki te? (Feliciter mwana oyo ameki kosala yango.) Boni, bomoni bato mosus te kosambela biloko Nzambe asalá? Bamonaki bazali

kosambela nini? Kanisa ete Nzambe oyo akelaki biso akoki kozwa ba losambo na biso nnyonso. Bobele Ye akoki.

Ebandeli ya lesu:

(Molakisi, lakisa bafoto ya bikeko, to pona bikeko (bilili) oyo ekoki komonana na esika yo ezali.) Oyo ezali mwa ndambo ya bilili ya bato bazali koboetela pe bazali kobenga po na kosalisa bango. Kasi na lingi kotuna bino, na kati ya bilili oyo, elili nini oyo emisali yango moko? (Ata moko te. Ezali ete bato basali yango nnyonso.) Mwa bili oyo ezali komonana lokola banyama, kasi banyama ezali Nzambe te. Nzambe azali Mokeli oyo akelaki banyama yambo. Asalaki yango na mikolo 5 kino na 6 ya poso wana ya liboso, tango Nzambe asalaki biloko nnyonso.

Mama ya likambo na Leso oyo na biteni mibale --

Leso 3.1 Tangela bana: Ebandeli ch. 1 vs. 20 kino na 23



20 *Bongo Nzambe alobi: “Bamai ya mokili étonda na banyama mingi ya etenge na etenge, pe baeteke épumbwa na likolo.” Pe esalamaki se bongo.”*

21 *Boye Nzambe asali banyama ya somo oyo ezalaka na kati ya mai, pe banyama ya etenge na etenge oyo etambolaka na mai, asali pe baeteke ya etenge na etenge. Nzambe amoni 'tè yango ezalaki malam.*

22 *abenisi yango nnyonso pe alobi: “Bobotana pe bozala ebele, botondisa mokili.*

23 *Pokwa ekomaki pe tongo etanaki. Wana ezalaki mokolo ya mitano.*

Leso 3.1 Kotuna bana lolengo oyo--

Niveau Primaire:



- Nzambe akelaki banyama ya lolenge nini na mokolo ya 5? (Banyama ya mai pe baeteke)
- Maloba ya baverse oyo ezali kolakisa ete banyama ya mai ezalaki etenge moko te, baeteke pe lolenge moko te? (Ebele ya etenge na etenge)
- Boni, banyama ya mai nnyonso ezalaki ya mike mike? (Boye te. Banyama ya mai mususu ezalaki minene minene.)
- Mokolo nini oyo Nzambe esalaki banyama ya mai pe baeteke? (Mokolo ya mitanu)
 - Nzambe abambolaki yango po esala nini? (Ebota ebele pe etondisa mai pe likolo)

Niveau Secondaire:

- Etenge nini Nzambe amonaki banyama ya mai pe baeteke oyo Ye asali? (Ezalaki malam, verse 21)
- Bato ya science bakabuli banyama na bagroupe to milongo oyo ezali mwa lolenge moko. Babengi yango ‘baspecie’ pe ‘ba familia.’ Maloba nini baverse oyo ezali kolakisa ete Nzambe asalaki yango lolenge wana? (Etenge na eteng)

Leso 3.1 Kolakisa nini esalemi:



Bana bakisa bageste lokola bazali kokatisa mai, lokola nyama ya mai. Bayamba, “Nzambe akelaki banyama ya mai”. Balakisa bageste lokola bazali ko pumbwa na likolo. Bayamba, “Nzambe akelaki baeteke,”

Leso 3.1 Koyemba pe kobina kolakisa nini esalemi:



Nzambe akelaki banyama. Matondo, Nzambe!

Nzambe akelaki baeteke. Matondo, matondo Nzambe!

Nzambe apambolaki yango. Matondo, Nzambe!

Ebongo ekomi ebele. Matondo, matondo, Nzambe!

Leso 3.2 Tangela bana: Ebandeli ch. 1 vs. 24 kino 25



24 Nzambe alobi: "Mokili ébimi-sa banyama ya etenge nnyonso, ya zamba pe ya mboka, ya minene pe ya mike." Pe esalamaki se bongo.

25 Boye Nzambe asalaki banyama ya etenge nnyonso, ya zamba pe ya mboka, ya minene pe ya mike; pe amonaki 'tè ezalaki malam.

Leso 3.2 Kotuna bana lolenge oyo--

Niveau Primaire:



- Banyama nini Nzambe asalaki na mokolo ya motoba? (Banyama ya esobe pe ya zamba)
- Boni, Nzambe asalaki banyama ya lolenge moko na lolenge ete banyama ya etenge moko babaluka lolengo mosusu? (Boye te. Yango nnyonso ebotamaki banyama ya libota ya mdenge moko. Ndakisa: Elephant abotaki elephant, kasi poso te.
- Boni, okoki ndakisa ya nyama moko ya zamba? Nyama ya esobe? Nyama ya monene? Nyama ya moke?

Niveau Secondaire:

- Etenge nini Nzambe akelaki banyama?

- Nzambe amonaki banyama nnyonso ya Ye asalaki etenge mimi? (Nyonso ezalaki malamumu.)

Leso 3.2 Kolakisa nini esalamaki:



Bana ya classe basala bageste pe baganga lokola bazali banyama ya etenge na etenge. Na sima, basala lisano. Mwana moko asala bageste lokola nyama moko asalaka. Bana mosusu bameka nini nyama oyo ezali koloba to kolakisa.

Soki balobi malamumu nyama wana ezali nini, bango nnyonso basala bageste lokola nyama wana pe baloba, “Nzambe akelaki [kombo ya nyama yango].”

Leso 3.2 Koyemba pe kobina:

Nzambe akelaki banyama.

Soso –cluck! Cluck!

Mbwa- Woof! Woof!

Njoko—Awoo! Awoo!

(Koba na koloba bakombo ya banyama ebele moko na moko.



Kolakisa lolenge etambolaka pe etege elelaka.)

Matondo, Nzambe po na banyama.

Devoir po na bana oyo bayebi Yesu dezia:

Poso oyo, koboeteli mokolo nnyonso po na ba oyo basambelaka bikeko, oyo basambelaka biloko Nzambe asalaki, kasi basambelaka te Nzambe oyo asalaki biloko yango. Kosambela po na bato ya bamboka pe ya cite na bino oyo basambelaka biteko, pe po na ba oyo na mikili nnyonso oyo basambelaka biteko. Senga na Nzambe été babongola mitema mpe ba pesa Nzambe lokomu po Ye moto akelaki bango.

Kobenga bana oyo bayebi Yesu nanu te:

Mbala mosusu osambelaka bikeko te. Ezali malamumu ete osambela biteko te, kasi boni,

oyeba Mokeli na yo lokola Moninga pe lokola Mfumu? Okoki koyeba Nzambe soki oyamba Mwana na Ye, Nkolo Yesu Kristo, lokola Mobikisi na yo. Kozela lisusu te. Koyamba Yesu lel’oyo. Soki nanu oyamabe ye nanu te, kasi olingi kosala yango lelo, yaka na nagi na sima ya Ecodim pe loba, “Na lingi koyamba Yesu lel’oyo.” Na kozala na esengo ya kosalisa yo.

====

SUKA YA LESO 3

====

Leso 4 Nzambe asalaki baboti na biso ya liboso.

Ebandeli ch. 1 vs. 26-31

Bongisi yambo classe ebanda: Bafoto ya banyama ya etenge na etenge. Osalela bafoto yango 4.1, Koyemba pe kobina.

Ntina ya Leso:

Na suka ya lesu oyo, bana ya classe bakososola ete moto nnyonso azali mutuya po ne biso nnyonso bato, Nzambe asalaki biso na elili na Ye. Yango wana, esengeli tosala na moto nnyonso na etenge ya lozito, atako azali nani to atako asalaka nini na bomoyi na ye.

Kotala lisus baverse pe baleso ya baleso 1-3:

Koloba lisusu nini Nzambe ssalaki na mikolo ya Creation. Salela foto simple oyo ezali kolakisa nini Ye ssalaki mokolo nnyonso. Na sima, bana balboa mbala moko verse nnyonso oyo bango bayekoli. (Lelo tolanda lisus nini Nzambe asalaki na mokolo ya 6, pe toko silisa mokolo yango.) Bana oyo bakoki koloba malamumu malamumu baverse yango, bakoki koloba liboso ya classe. Soki ekoki kosalema, pesa bango makabo ya muke soki basali malamumu, to pe kaka felicitations pe “chapeon!”

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

Kotuna po na devoir ya poso eleki: Na kati na bino, nani abandi kosambela po na bato ya mboka na biso oyo basambelaka biteko? Merci! OK, mosala ya malamumu! Sik'oyo, kanisa kokoba kaka kosambela Nzambe po na bango, po babanda koyeba pe kosambela Nzambe na biso.

Verse ya Koyekola: *Ebandeli ch 1, vs 27*

Boye Nzambe asalaki bato lokola elili na ye, asalaki bango lokola elili ya Nzambe penza, asalaki bango mobali ná mwasi.

Kobanda lesa: Sala théâtre oyo azali kolakisa mwana ya libanda (phaseur). Bana mosusu bazali koseka ye, pe bazali kotsiola ye pe kosala ye na etenge moko ya mabe. Mwana oyo azali mokristo azali komona nini bazali kosala ye, pe ayebisi bango batika makambo wana. Ye alobi, “Bozali kosali malamumu te. Nzambe azali na esengo te lolenge bozali kosala na ye. Boni, bozali kososola te ete mwana oyo pe azali motuya?

Tuna, “Bana, Bible ezali koyebisa biso nini? Etenge nini tosengeli kozala na bato lokola mwana oyo? Boni, totindami kosala mabe na moto po ye alalaka na nzela? To pe po ye azali mobola? To pe po ye azwami na mbeba moko na nzoto na ye? To pe po ye azali komonana ete azangi mayele mingi te? Lelo oyo, tozali komona na Bible, po tina ezali nini ya kolakisa lozito na bato nnyonso.

Malakisi monene ya lesa oyo na biteni 4:

Leso 4.1 Tangela bana: *Ebaeteich. 1 vs, 26-27*



26 Bongo Nzambe alobi: "Sik'oyo tosala bato lokola elili na biso, bázala etenge biso moko tozali. Bakozala bakonzi ya banyama ya ebale, ya baeteke ya likolo, ya banyama ya mboka na ya zamba, ézalaya minene to ya mike."

27 Boye Nzambe asalaki bato lokola

elili na ye, asalaki bango lokola elili ya Nzambe penza, asalaki bango mobali ná mwasi.

Leso 4.1 Kotuna bana longe oyo:

?

Niveau Primaire:

- Na sima Nzambe kosala banyama esili, nini ye asalaki na sima? (Ye asalaka bato)
- Nzambe asalaki batu kokokana na nani? (Na Ye moko)
- Nyama mosus nini Nzambe asalaki kokokana na Ye? (Ata moko te. Kaka Bato.)
- Bato bazalaki kokonza nini? (Banyama pe banyama nnyonso pe baeteke)
- Nani azali lolengo ya mibale ya bato oyo Nzambe asalaki? (Mobali na mwasi)
- Nzambe asalaki kaka mobali na elili na ye, to pe mobali pe mwasi, bango nnyonso mibale bazalaki kokokana na Nzambe? (Bango nnyonso mibale)

Niveau Secondaire:

- Etenge nini bato bakesani na banyame? (Molakisi ayoka makanisi bana.)
- Nzambe azali kaka moko, kasi na verse 26, Nzambe alobaki na pluriel, “bango (bato) bakazala lokola **biso.**” po na nini Nzambe alobaki bongo? Oyo elingi koloba nini? (Ezali kolakisa awa na Ebandeli ya Bible Bosato ya Nzambe—ete Nzambe azali lisusu kaka moko, kasi baperson na ye baleki moko.) Na kati ya bomoko na Ye, ezali pe na bosato.

- Soki moninga ayebisi yo ete Nzambe asalaki mibali na elili na ye, kasi basi te, lolenge nini okopesa eyano? (Nzambe asalaki mobali pe mwasi na elili na ye, lokola vs. 27 ezali koyebisa biso.)
- Elakisi nini koloba ete Nzambe asalaki biso bato na elili ye? (Biso tozali na bomoyi oyo ekokufa te, tokoki kosolola na Nzambe pe kosambeléla ye, tozali na molimo, tozali bakeli ya mike lokola ye moko mokeli monene, etc.)
- Soki bato nnyonso bazali na elili ya Nzambe, esengeli tozala etenge nini? (Na botosi, na bolingo, malamu)

Leso 4.1 Kolakisa nini esalami:



Lakisa bafoto ebele, kasi lakisa yango moko-moko. Soki bafoto ezali kolakisa nyama, bana baloba na lisanga: “Nyama!” Soki bafoto ezali kolakisa moto, baloba na lisanga, “Moto—elili ya Nzambe.” Bafoto yango esengeli elakisa bafoto ya bato ya etenge na etenge.

Leso 4.1 Koyemba pe kobina:

Nzambe asalaki mobali

Ye asalaki mwasi, pe

Nzambe asalaki biso nnyonso

Leso 4.2 Tangela bana: Ebandeli ch. 1 vs. 28



28 Nzambe abenisi bango pe alobi: “Bóbotana pe bózala ebele, boton-disa mokili pe bózala bakonzi na yango. Bozala bakonzi ya banyama ya mai, ya baeteke pe ya banyama nnyonso ya mokili.”

Leso 4.2 Kotuna mituna lolenge oyo :

Niveau Primaire:



- Nzambe asalaki nini po na bango.)
- Nzambe ayebisaki bango basala nini? (Kobota bana ebele)
- Po na nini Nzambe alingaki bango babota ebele? (po bana na bango batondisa bisika nnyonso na mokili, pe po bakonza yango.)
- Nzambe ayebisaki bango bakonza nini? (Bisika nnyonso na mokili, banyama ya mai, baeteke pe banyama nnyonso ya mokili mobimba)

Niveau Secondaire:



- Soki bato baboti ebele, nini lisusu esengeli esalema po na bana na bango batondisa mokili pe kokonza yango? (Esengeli bapanzana po na kotondisa bisika nnyonso na mokili mobimba.)
- Etenge nini toyebi ete bato bazali likolo ya banyama pe banyama? (Esengeli tokonza bango. Mbala mosusu bana bakokanisa pe ete kaka bato ete Nzambe asalaki na elili na ye.)
- Boni, tokoki kokonza banyama pe banyama na lolenge ete banyama pe banyama mosusu esila na mokili (extinction)? (Ee, po Nzambe alingi tokonza bango na etenge moko ya mayele pe na lolenge moko responsable. Na kati na yango ezali kobokola yango na etenge ete banyama pe banyama esila te, kasi ekozala ebele po na kosalisa bana na biso pe milongo ya bato bakolanda bango.)

五

- Etenge nini kokonza mokili pe banyama pe banyama na etenge ya malamu? (Molakisi, yoka makanisi ya bana. Bakoki kolaba biyano lokola ‘tokoki kosenga na Nzambe kobakisa biso mayele,’ to pe ete ‘tokanisa eloko nini bato mosusu bazali na yango bosenga,’ kasi kaka biso moko te.

Leso 4.2 Kolakisa nini esalemi:



1) Groupe ya bana balakisa théâtre oyo eazali kolakisa bango na esengo po baboti mwana. Tuna bana mosusu nini verse oyo ezali kolakisa. (Tobota bana ebele.)

2) Groupe ya bana balakisa théâtre oyo ezali kolakisa bato oyo babokolaka banyama. Tuna soki eteni ya verse oyo ezali kolakisa nini. (Bokonza...banyama pe banyama nnyonso ya mokili mobimba)

Leso 4.2 Koyemba pe kobina:

Nzambe abambolaki bango
Ayebisaki bango kotondisa mokili
Pe kokonza banyama pe banyama nnyonso!

Leso 4.3 Tangela bana: Ebandeli ch. 1 vs. 29 ti 30



Nzambe alobaki lisusu ete:

29 “ Nzambe alobi lisusu: "Napesi bino ndunda nnyonso ya mokili mobimba oyo ebotaka mbuma ya kokona, pe nzete nnyonso oyo ebotaka mbuma ya mikokoli; wana ete bilei na bino.

30 Etenge moko epai ya banyama nnyonso ya mokili, baeteki, pe biloko nnyonso oyo ezali kopema pe kotambola, napesi yango matiti po na kolia." Pe esalamaki se bongo.

Leso 4.3 Kotuna bana lolengo oyo--



Niveau Primaire:

- Bileyi nini Nzambe apesaki na bato na Ebandeli? (mbuma, makasa pe banzete)
- Nani apesaka bilei oyo na baboti biso ya liboso? (Nzambe Ye moko)
- Bileyi nini Nzambe apesaki banyama na Ebandeli? (Makasa nnyonso ya mobeso)
- Keti banyama ezalaki komilia yango na yango na Ebandeli? (Ezali boye te.)

Niveau Secondaire:

- Po na nini okanisi Nzambe apesaki bato ndingisa te ya kolia banyama na ntango wana? (Mbala mosusu ezali liwa ekotaki na mokili kaka ntango bato basalaki masumu. Liboso ya makambo wana, liwa ezalaki te, ata po na bato, ata po na banyama.
- Mbala mosusu, na classe ya science, otangi to oyekoli makambo ya banyama ya kolia banyama mosusu (carnivores) ti banyama ya kolia kaka makasa pe banzete (herbivores). Na Ebandeli, Nzambe asalalaki banyama ezala carnivores to herbivores? (Bango nnyonso na Ebandeli bazalaki kaka kolia makasa.)
- Bascientist mosusu bazali kokanisa ete banyama mosusu, ekoki kozala ete ealaki kolia nyama, po mino na bango ezali ete ekoki kolia banyama. probleme pe lolenge bazali kokanisa?
(Bible elobi ete banyama nnyonso na Ebandeli bazalaki kolia kaka bamakasa. Kaka po mino na bango epesaki bango nzela ya

kolia banyama, boye elakisis te ete basalaki bongo. Ekoki kozala ete Nzambe, lokola amonaka Ebandeli kino na suka, ayebaki ete sima ya masumu ekotaki na mokili, banyama bakoliana bango na bango. Ebongo Ye apesaki bango mino na Ebandeli oyo ezalaki na lolenge ya kolia nyama, atako basalaki bongo te tango yango.

Leso 4.3 Kolakisa nini esalemaki::



Bana basala gestes lokola babuki pe baliye mbuma ya etenge na etenge na esengo nnyonso. Soki ekoki kosalema, pesa biteni ya mbuma mosusu po ete bana balia yango.

Leso 4.3 Koyemba pe kobina:



Mbuma ebele
Nzete ebele
Bamakasa ebele

Biso tolia malamumu. Mmm!
Merci, Nzambe.
Pesa biso bilei.

Leso 4.4 Tangela bana: Ebandeli ch. 1 vs. 31



31 Nzambe amoni 'tè biloko nnyonso asalaki ezalaki malamumu mingi. Pokwa ekomaki pe tongo etanaki. Wana ezalaki mokolo ya motoba.

Leso 4.4 Kotuna bana lolengo oyo:



Niveau Primaire:

- Etenge nini Nzambe amonaki biloko nnyonso asalaki? (Ezalaki malamumu penza.)
- Etenge nini Nzambe amonaki bato Ye awiti kosala—mibali pe basi? (Bazalaki kitoko penza, po et nnyonso Ye Nzambe asalaki ezalaki malamumu penza.)

Niveau Secondaire:

- Bokeseni nini ozali komona lolenge Nzambe amonaki biloko nnyonso asalaki yambo asala bato pen na sina? (Yambo asala bato, Ye alobaki ete ezalaki malamumu. Kasi na sima Ye kosala bato, Ye alobaki ete ezalaki malamumu penza.)

Leso 4.4 Kolakisa nini esalemi:



Sala théâtre oyo: Mwana atala banyama (ye akoki kotala bafoto, to pe akoki kotala mwana mosusu oyo azali kosala ba geste lokola ye azalaki nyama wana) Na nyama nnyonso aloba, “Ezali malamumu-malamumu! Na sima, Ye atala moto, pe Ye aloba, “Ezali malamumu penza!”

Leso 4.4 Koyemba pe kobina:



Nzambe asalelaki biso mokili!
Mokili ya kitoko! O Alelua!

Devoir po na bana oyo bayebi Yesu dezia:

Boni, oyebi moto moko oyo bato mosusu batiolaka? Bazali kosala lokola ye asalamaki te na elili ya Nzambe? Nani moto wana? (Molakisi, koyoka biyano ya bana.)

Po na nini bokanisi ete bazali kosala na ye te na lolenge ya malamumu te? (Molakisi, koyoka nini bana bazali koloba. Na sima, loba ete mbala mosusu bazali kosala ye lolenge wana po babosani to pe bayebi te ete ye azali na elili ya Nzambe.)

Boni, okoki kokanisa moto oyo yo oasli na etenge ya mabe? (Molakisi, koyoka eyano, soki te tika kaka bango bakanisa mutuna wina.) Etenge nini omoni ete okoki kochanger etenge osalaka na ye? Eloko nini okobongola poso oyo?

Soki nonga ezali, benga mwana moko asala lokola bango bazalaki bato oyo. Bana mosus

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

esengeli balakisa na bageste etenge nini bakozala na mwana yango.

Mwana oyo asala yo mabe.

Mwana oyo lokolo ezala na faute (mabe)

Mwana oyo azali kitoko

Mwana oyo azali mayele mingi te

Mwana oyo azali maladi oyo ezali kosala ete akoki kocontrôler mouvement ya nzote.

Mwana oyo azali kobika na nzela lokola phaseur

Mwana oyo azali ndundu

Mwana oyo azali salite pe solo mabe, etc.

(Molakisis, bakisa basituation mosus oyo ozali komona na esika bozali.)

Kobenga bana na Yesu:

Nzambe asalá yo na elili na Ye. Nzambe alingi yo mingi. Ye alingi kozala moninga na yo. Boni, osili komibongisa koyamba Yesu lelo, kozwa lobiko Ye akoki kopesa yo? Soki omolengeli, yaka epai na ngai na suka ya classe. Loba kaka, “Na lingi na yamba Yesu.” Nakozala na esengo ya kosalisa yo.

====

SUKA YA LESO 4

====

Leso 5 Nzambe abambolo mokolo ya kopema.

Ebandeli ch 2 vs. 1-3

Ntina ya Leso: Na suka ya lesu oyo, bana ya classe bakososola ete Nzambe atíé mokolo moko special na poso nnyonso lokola mokolo ya kopema pe kokanisa Ye oyo akelaki biso. Bisu pe, malamu totiya mokolo moko na poso nnyonso lokola mokolo ya kosambela Nzambe pe kopema.

Verse ya koyekola: *Ebandeli ch. 2 vs. 3 2:3 Bongo Nzambe abenisaki mokolo ya sambo, pe akómisaki yango mokolo ya bosantu. Pamba té na mokolo yango ye asilisaki misala nnyonso oyo azalaki kosala, pe apemaki.*

Kotala lisusu baleso 1-4:

Koloba lisus mikolo ya Creation. Salela bafoto ya Leso 4. Bakisa foto ya banyama pe ya bato.

Kolanda devoir ya poso ewuti koleka:

Nani asalaki likambo moko na poso eleki kochanger lolenge bazali kosala na bato oyo bazali lokola bango? Nani akoki koyebisa biso nini esalamaki? Longonia na nnyonso bosali. Bokoba kosala lolenge wana.

Kobanda Leso:

Na théâtre, mwana moko oyo azali kokeete na losambo akutani na mwana mosusu oyo akeeteki na elanga. Mwana oyo auti na elanga abandi koseka mwana oyo auti na losambo. Ye aloba ete bato oyo bakeeteke losambo bazali kaka baton a goi-goi. Mwana oyo auti losambo azongisa ete Nzambe asalaki mokolo moko na posos nnyonso po na losambo pe kopema.

Makambo monene ya Leso oyo na biteni mibale:

Leso 5.1 Tangela bana: *Ebandeli ch. 2 vs. 1 ti 2*



1 Wana ezali etenge Likolo ná se esalamaki, pe biloko nnyonso oyo ezali na kati. 2 Tango Nzambe asilisaki misala nnyonso oyo azalaki kosala, na mokolo ya sambo apemaki.

Leso 5.1 Kotuna mituna lolenge oyo --



Niveau Primaire:

- Nini Nzambe asalaki na mikolo sambo? (Ye asalaki lisusu te, Ye apemaki.)
- Po na nini Ye apemaki? (Ye asilisaki mosala na Ye nnyonso.)

Niveau Secondaire:

- Etenge nini likanisi oyo ya poso ebandaki? (Abandaki na tango Nzambe asalaki mokili, po Ye

asalaki mokili na mikolo sambo -
7.)

- Soki moto ayebisi yo ete bato oyo bapemaka mokolo na kati ya poso bazali kaka bato na goi-goi, nini okoloba? (Nzambe Ye moko apesaki biso mikolo mutoba - 6 oyo asalaki mokolo - 1 na posos nnyonso po na kopema pe kokanisa Ye.)

Leso 5.1 Kolakisa nini esalemaki::



Kotanga misapi: Kosala. Kosala. Kosala. Kosala. Kosala. Kosala. Kotanga mosapi ya sambo: Kopema. Na sima, basala yango. Groupe moko ekoki kotanga misapi, ebongo groupe ya mibale ekoki kosala bageste kolakisa mosala pe kopema.

Leso 5.1 Koyemba pe kobina:



O, Nzambe asalaki Tata Adam
Na mokolo ya mutoba

Na mokolo ya sambo Ye apembaki.

O, wali, wali wo. Wali wali wo.
Wali wali wo, Mwana ya David.

O, Nzambe asalaki Mama Eve, etc.

Leso 5.2 Tangela bana: Ebandeli ch 2, vs.3.



Kotanga malembe-malembe pe na
expresio:

3 Bongo Nzambe abenisaki mokolo ya sambo, pe akómisaki yango mokolo ya bosantu. Pamba té na mokolo yango ye asilisaki misala nnyonso oyo azalaki kosala, pe apemaki.

Leso 5.2 Kotuna bana lolengo oyo --



Niveau Primaire:

- Mokolo nini Nzambe abenisaki? (Mokolo ya sambo)

- Po na nini? (Po na mokolo wana, Nzambe apemaki.)
- Boni, Bible etalisi biso ete Nzambe abenisaki mokolo mosusu pe? (Bongo te.)
- Okanisi nini ezali kolakisa po na nini mokolo ya kopema? (Ezali special makasi pe ezali motuya mingi na miso na Nzambe.)

Niveau Secondaire:

- Nzambe abenisaki mokolo ya sambo. Nini mosusu asalaki po na mokolo wana? (Ye abenisaki mokolo na Ye.)
- Nini esengeli tosala lelo po na kolakisa ete ezali mokolo ya Nzambe? (Kosambela, kotanga Bible, kokanisa Ye.)
- Bato bazali koloba ete kopema ezali mabe, ete bato oyo bazali kopema mokolo mobimba, bazali kaka bato ya goi-goi. Likanisi ya Bible oyo okoki kopesa bato wana? (Ekoki kozala te ete kopema ezali mabe, po Nzambe apesaki biso mokolo wana, pe Nzambe Ye moko apemaki na mokolo wana. Nzambe akoki kosala te makambo ya mabe.)

Leso 5.2 Kolakisa nini esalami:



Bana basala théâtre. Bana mutoba bazali kosala. Moko azali kopema, ko sambela. Mosusu azali kosali lokola ye azali Nzambe. “Nzambe” azali kotala bana mutoba oyo baza kosala. Ye alobi na bango, moko na moko ete: “Mosala ya malam!” Ye azali kotala mwana oyo azali kopema pe kozambela, pe Ye alobi ete:

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nnyonso ya Afrika Edition 2016

“Kopema ya malamumu! Na benisaki mokolo oyo ya kopema, pe na komisaki yango mokolo na ngai.”

Leso 5.2 Koyemba pe kobina:.



Na mokolo ya sambo

Ye apemaki.

Devoir po na bana oyo bayebi dezia Yesu:

Boni, osalelaka mokolo moko na kati ya poso nnyonso po na kokanisa Nzambe pe kotonga boeteko na yo na Ye? Boni, bozali kokutana na bandimi mosusu na poso nnyonso po na kosambela Nzambe? Soki te, okobanda na poso oyo?

Kobenga bana na Yesu:

Tango nnyonso, Nzambe azali kokanisa bolamu na biso. Ezali po na biso ete atiyaki mokolo ya kopema na poso nnyonso. Ye azali kokanisa bolamu na biso kaka po na lelo, kasi seko na seko. Ye apesaki mwana na ye se moko po na kobikisa biso. Soki oyamabe Yesu nanu te, lelo ezali tango ya malamumu kosala yango. Lakisa nagi loboko na yo sik'oyo soki olingi koyamba Yesu lelo. (Mo;akisi, soki mwana moko to ebele balakisi loboko, loba boye:

Nagi na moni loboko na yo (na bino). Na kosambela po na yo (bino) sik'awa. (Sala yango.) Ebongo, na sima tango ya classe esili, na sengi na yo koya kovanda awa na kiti oyo (Lakisa bango esika yango.) Na koya pen a kosalisa yon a koyamba Yesu na motema na yo. (Molakisi, soki bana bakeyi na esika wana, keete kuna pe mema bango na Yesu.)

Leso 6 Nzambe asalaki Adam

(Detail ya koleka na etenge Nzambe asalaki moto na mokolo ya mutoba)

Ebandeli 2 vs. 4 kino na 7

Ntina ya Leso: Na suka ya lesu oyo, bana ya classe bakososola pe bakomona yango mutuya ete biso bato tozali special, ezali te lokola banyama, po biso tozali na molimo ya Nzambe Ye moko apesaki biso.

Verse ya Kolakisa: *Ebandeli ch. 2, vs.7*

2:7 Boye Yawe Nzambe akamataki mabelé, asalaki na yango moto. Afuli ye pema ya bomoi na zolo, bongo moto akomi na bomoi.

Kotala lisusu baleso ewuti koleka: Kotuna: “Nini tosili dezia koyekela na etenge Nzambe asalaki baboti na biso ya liboso?

(Molakisis, yoka makanisi ya bana. Ba koki koloba boye: _

Nzambe asalaki mobali pe mwasi.

Ye asalaki bango na mokolo ya mutoba.

Bato bazalaki eloko ya suka Nzambe asalaki.

Nzambe asalaki biso na elili na Ye.

Materiel supplémentaire okosalela na Niveau Secondaire soki makambo ya mokolo nini ezali mokolo ya losambo (motoba to pe Dimanche) ezali problem na esika ozali.

- Na mokolo nini ya poso oyo lingomba ya liboso ezalaki kokutana po na losambo? (Misala ch. 20 vs.7, 1 Korinte ch. 16 vs.2— mokolo ya liboso ya poso nnyonso)
- Kosangana wana ezalaki kokanisa makambo minene nini oyo esalamaki?

(Matié ch 28 vs.1, Marko ch 6 vs.2, Luka ch 24 vs.1, Yoane ch. 20 vs.1—kosekwa ya Yesu na kufa)

- Bible elobi ete bakristo kojuger bato mosusu te na makambo nini? (Ba-Kolosien ch 2 vs.16—ndenge



Nzambe alobaki ete bazalaki malamumu koleka.
Etc.

Kotuna soki basalaki devoir ya poso ewuti koleka: Oye na losambo lelo! Okanisi été ezali mokolo special ya Nzambe. O yee! Felicitatio! Nani azali na esengo po Nzambe apesi biso mokolo ya kopema pe ya kosambela? Ngai pen a zali na esengo po na yango.

Kobanda Leso: Bokeseni nini ezali na kati ya bato na banyama? Okanisi nini? (Molakisi, pesa ngonga po bana bapesa mabakanisi na bango.) Tosili komona yango dezia na mokapo ya liboso ya mokanda ya Ebandeli, bokeseni moko ya monene. Bato, Nzambe akelaki biso na elili na Ye, kasi banyama ezalaki te na elili ya Nzambe. Na mokapo ya mibale ya mokanda ya Ebandeli, biso to komona bokeseni monene ya mibale. Yoka malamumu po na koyeba yango ezali nini.

Malakisi Monene ya Leso 6 na biteni 3:

Leso 6.1 Tangela bana Ebandeli ch. 2,
vs. 4:

Oyo ezali etenge Nzambe asalaki Likolo ná se,...

Leso 6.1 Kotuna bana lolenge oyo --

Niveau Primaire:

?

- Ba mokabo oyo biso tozali kotanga, ezali kopesa histoire ya nini? (Etenge Nzambe asalaki likolo pe mokili)
- Ezali kolakisa nini po na likolo pe mokili? (Etenge Nzambe asalaki yango)
- Etenge nini likolo pe mokili ebandaki? (Nzambe asalaki to pe akelaki yango.)
- Nani asalaki likolo pe mokili? (Nkolo Nzambe)

Niveau Secondaire:

- Tozali kotanga na mokapo ya liboso etenge Nzambe asalaki biloko nnyonso, ebongo na mokapo ya mibale, tozali kotanga makambo wana lisusu. po na nini koloba yango mbala yay a mibale? Okanisi nini?

(Molakisi, yoka makanisi ya bana. Mutuna oyo ezali motuya, po bato oyo bandimelaka Bible te balobaka, mbala ebele ete mokapo 1 pe 2 ezali lokola ba histoire mibale oyo ezali kobalana te. Kasi, na kati ya Kondima ya Kala, tozali komona principe oyo to pe patron oyo abandaki awa pe tozali komona mbala ebele na sima ete ezali kolandana na kati ya mikanda ya histoire. Senga na bana bakanisa mokapo ya liboso pe ya mibale na sense ya style litereraire, to etenge ya kokoma.)

- Soki bamoni style wana te, limbola yango, ebongo senga bango soki bokoki kolakisa etenge ezali komonana na mokapo oyo ya mibale. Ya liboso, mokomi akoloba histoire na sense ya monene — makambo ya minene (lokola ba graetes lignes). Na sima, akozongela kotalisa ba detail ya koleka ntina koleka motuya, kino akolakisa makambo mosusu oyo ezali lokola badetail. Tuna soki bakoki komona yango awa.
- Mokapo ya mibale ezali te malakisi mosusu, kasi ezali detail ya makambo oyo eleki motuya— etenge Nzambe asalaki moto na mokolo ya mutoba.

**Leso 6.1 Kolakisa nini esalemaki::
Repeter na bageste oyo ezali kolakisa
makambo oyo:**

Nzambe asalaki mokili. (Tiya maboko rond
kolakisa mokili mobimba.)



Pe Ye asalaki likolo. (Ningisa misapi
na likolo.)

Nkolo Nzambe asalaki nnyonso!
(kosala bacercle ya minene na
maboko.)

Leso 6.1 Koyemba pe kobina:



Nkolo Nzambe akelaki mokili (beta
makolo) pe likolo pe! (Tombola
maboko nnyonso mibale.)

Bible ez'oloba yango!

**Leso 6.2 Tangela bana: Ebandeli ch. 2
vs. 5-6**



(Molakisi, verse 5 ezali mwa mulayi.
Pema mwa muke na sima ya virgule,
po na kososola makanisi. Maloba
mosusu negative ezali na kati ya
verse oyo. Loba banegatif oyo
makasi po balakisa etenge nini mokili
ezalaki kokanisa.

*5 Ata nzete moko té ezalaki na
mokili, pe ata lititi moko té ebimaki,
po Yawe Nzambe anokisaki nanu
mbula té, pe ata moto moko té azalaki
po na kokona biloko na mabelé.*

*6 Nzokaete mai ezalaki kobima na se
ya mabelé, pe kopanzana na mokili
mobimba.*

Leso 6.2 Kotuna bana lolengo oyo --

Niveau Primaire:



- Na Ebandeli, na sima ete Nzambe
akelaki likolo pe mokili, nini
ezalaki nanu te -- Biloko misato
ezalaki nanu te? (Banzete pe
makasa, mbula, moto)

- Soki tosololi 'Ebandeli,' tozali
kozongela kokanisa lisusu mokolo
nini? (Yambo mikolo ya misato,
po Nzambe asalaki mai na
mokolo ya misato.)
- Na Ebandeli, etenge nini mokili
ezwaki mai? (Mai ezalaki
kokabola kaka na se ya mokili,
ezalaki kopanzana likolo mokili
nnyonso.)
- Etenge nini oyo ezali na bokeseni
na etenge mokili ezali kozwa mai
lelo? (Lel'oyo Nzambe azali
konokisela biso mbula, kasi na
ngonga wana, ezalaki boye te.)

Niveau Secondaire:

- Boni, otangi mikanda esika
mokomi akokoma makambo oyo
elekaki na ngonga moko, ebonga
na sima, ye akozongisa makambo
oyo esalamaki yambo?
(Ezali etenge moko bakomi
mosusu bazali kokomaki.)
- Boni, okoki koyebisa etenge
mokomi ya mokanda ya Ebandeli
azali koloba yambo maye
masalamaki, ebongo na sima, ye
azongeli kolobela maye malekaki
yambo?
(Mokomi alakisi dezia makambo
ya minene oyo esalamaki na
mikolo 7 tango Nzambe asalaki
na mokili. Ebongo awa na
mokapo ya mibale, ye azongaki
na tango moko na kati ya mikolo
wana. Ye azongi na mokolo ya
mibale, yambo Nzambe asala
makasa.)
- Po na nini okanisi ete mokomi
azali koloba yango po na mbala
ya mibale? (Kopesa badetail
mosus.)

- Bato ya science mosusu bazali na kondima ete makambo nnyonso na mokili esalamaki etenge moko wuta na Ebandeli kino ntango oyo. Tobengaka likanisi wana “uniformitarianisme”, po bandima ete makambo nnyonso oyo ezali uniform to pe etenge moko. Etenge nini baverse ezali kolakisa ete mbuma nnyonso ezalaki etenge moko tewuta na Ebandeli? (Na Ebandeli mbula enokaki te, kasi mokolo oyo, mbula ezali konokaka.)

Leso 6.2 Kolakisa nini esalami:



Na Ebandeli,

“Makasa ezalaki te!” (Mwana alakisa makasa, ebongo ye abwaka yango.)
“Mbula ezalaki te!” (Mwana asopa ndambu ya masai likolo ya bana.)

“Moto azalaki te kotimola mabele to pe kosala elanga!” (Bana nnyonso basala lokola bazali kotimola mabele.)

Leso 6.2 Koyemba pe kobina:



Nzambe akelaki mokili, kasi ezangaki nini?

Moto, o moto, o moto azangaki.

Leso 6.3 Tangela bana: Ebandeli ch. 2, vs. 7



7 Boye Yawe Nzambe akamataki mabelé, asalaki na yango moto. Afuli ye pema ya bomoi na zolo, bongo moto akomi na bomoi.

Leso 6.3 Kotuna mituna lokola oyo--

Niveau Primaire:

- Kombo ya Nzambe mokomi azali kosalela awa? (Nkolo Nzambe)



- Maloba oyo “Mokonji”, elingi koloba nini? (Ye azali moto azali kolakisa biso nini kosala.)
- Nzambe asalaki nini? (Moto)
- Nzambe asalaki moto na nini? (Mabele)
- Etenge nini moto akomaki na pema? (Nzambe olobaki na mopepe oyo epesaka pema na zolo na ye.)
- Boni, Bible ezali koloba ete Nzambe asalaki banyama ya etenge oyo? (Ezali boye te, ezali koloba yango po na moto kaka.)

Niveau Secondaire:

- Bokeseni nini ozali komona na kati ya Nzambe pe moto? (Nzambe asalaki moto, moto azali kaka ya ekelamu oyo Nzambe asalaki; Nzambe azali Mokonji azali ko konza biloko nnyonso, biso tozali bakonji ya muke na se ya bokonji na ye; Nzambe azali kobika mbula na mbula, kasi biso tozalaki na Ebandeli, etc.)
- Nzoto na biso bato esalemaki na nini? (Mabele)
- Bisu tozali komonana te lokola mabele. Ebongo, apart Bible ezali kolakisa yango, etenge nini lisusu toyebi ete ezali ya solo? (Nzoto na biso ekozonga na mabele na sima ya liwa.)
- Bokeseni nini ozali komona na etenge Nzambe asalaki bato pe banyama? (Kaka epayi ya moto ete afulaki mupepe ya pema, kaka moto ete Nzambe asalaki na elili na Ye.)

Leso 6.3 Kolakisa nini esalamaki:



Bana nnyonso basala bageste mbala moko lokola Nzambe azali kosala moto na mabele. Ebongo, basala bageste lokola Nzambe azali kofula mupepe ya pema na zolo na ye. Na suka, basala bageste lokola bazali moto oyo Nzambe asali. Babina pe bakumisa Nzambe po Ye apesi bango mokili ya malamau, ya kitoko.

Leso 6.3 Koyemba pe kobina:

Nzambe afuli mupepe na zolo ya moto. (Bana bafula mupepe.) Foo! Foo!
Mupepe ya pema (Bana bafula mupepe lisusu. Foo! Foo!

Moto akomaki na pema. (Bana babina na esengo.)

Devoir po na bana oyo bayebi Yesu dezia:

Mbala ebele tozalaka na lozito na bato mosusu. Mbala mosusu tozali komona wana bazali bazali bazoba, bato na goi-goi, babola, bosoto, to pe bato ya pamba. Kasi bango nnyonso, Nzambe asalaki bango pe na elili na Ye. Yango wana, moto azali special, moto oyo Nzambe asalaki na elili na Ye, mupepe ya Nzambe ekotaki na kati na ye.

Kosenga Nzambe kolakisa yo etenge nini okoki kosala po na kolakisa lozito na bato nnyonso. Mbala mosusu osengeli kosenga bolinyama na moto na etenge osalaki ye. Kosenga lisungi ya Nzambe po yo obandi poso oyo kosala na bato nnyonso na lozito nnyonso.

Kobenga bana na Yesu ba oyo bayamabe Ye nanu te:

Nzambe alingaka bato nnyonso oyo asalaki. Ye alingi yo. Yesu Kristo, Mwana na Nzambe, azongaki na ezika na ye ya kitoko na likolo, Ayaki kokita awa na mokili,

Akufaki po na kofuta nyongo ya masumu na yo. Asekwaki na liwa; Azali lelo na bomoi. Alingi kobikisa yo lel'oyo, kopesa yo bomoi ya seko na seko lel'oyo.

Boni, olingi koyamba Nkolo Yesu Kristo lokola Mobikisi na yo? Soki ozali ba posa ya lisungi po na kokata likambo oyo, na kozala na esengo kosalisa yo lel'oyo. Yaka kosolola na ngai na sima ya ecodim.

====

SUKA YA LESO 6

====

Leso 7 Nzambe atiyaki Adam na kati ya elanga pe apesaki ye mosala.

Ebandeli ch. 2, vs. 8-15

Bongisa liboso ya ngonga ya classe: Kata biteni ya banzete ya kitoko ya etenge na etenge, monene oyo ekoki ete bango bakomonana lokola banzete ya muke soko oloni yango na mabele.

Ntina ya Leso: Na suka ya lesu oyo, bana bayeba ete mosala lipamboli ya Nzambe apesi biso, oyo Ye apesaki biso yambo masumu ekota, pe mokano na Ye na kopesa biso mosala ezalaki po na bolamu na biso. Esengeli tosala makasi na esengo po ezali mokano ya Nzambe.

Verse ya koyekola: *Ebandeli ch. 2, vs. 15*

2:15 Yawe Nzambe akamati moto yango pe atie ye na elanga ya Eden, po na kokona biloko kuna pe po na kokengelaka yango.

**Revision ya baleso ewuti koleka pe
Transition na lesu ya lelo:** Kotala lisusu mbangu-mangu mikolo 7 ya Creation. Na lesu ewuti koleka, tomonaki etenge Nzambe asalaki moto na mabele. Sik'oyo, Tokomona nini esalamaki na sima na yango.

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

Kotuna po na devoir ya poso ewuti koleka:

Na poso eleki, topesaki bino devoir komeka kosalela na lozito na bato nnyonso, po biso nnyonso, Nzambe asalá biso na elili na Ye. Nani amekaki kosala yango na poso eleki? Nani akoyebisa biso nini ye asalaki? Merci mingi na bino nnyonso oyo bomekaki kosala oyo bino boyekolaki!

Kobanda Leso:

Kosala théâtre. Bana mibale basolola po na musala. Moko na kati na bango aboya kosala. Ye amona lokola mosala ezali makasi, ezali mabe, ezali kopesa soni, ezali te interessant, etc. Mwana mosusu amona été mosala ezali interessant, ezali na litomba ya malamumu, ezali koteya biso makambo ebele, ezali kosalisa biso na baetenge ebele. Mwana ya oyo alingi mosala te, azali kobunda makasi. Azali kolakisa makanisi na ye ya mabe. Azali kosala mosala nnyonso ya aye na malembe-malembe, pe azali kosala yango malamumu te. Azali komonisa na makambo nnyonso et azali na esengo te po na mosala wana.

Mwana mosus, oyo alingi mosala, Azali koyemba tango azali kosala, azali kolakisa esengo, azali kosala na lombangu, azali kosala yango malamumu, pe azali kosilisa nnyonso oyo abandaki.

Tango bana ya classe ke tala pela bana oyo zole ke sala, yula bo, “Keti yo kele malamumu to mabe? Beno banza nini? Po na nini yo kele malamumu (to mabe)? Songa bo: Lel’oyo biso ta mona nini Bible ke tuba po na makambo oyo ya kisalu. Bisu ta mona ndenge nini kisalu yantikaka.

Malakisi ya nene ya Leso 7 na bandambu 3:

Leso 7.1 Tangela bana: Ebandeli ch 2, vs.8-9



8 Yawe Nzambe akoni elanga na mokili ya Eden, na epai moi ebimaka, pe atie kuna moto oyo ye asalaki.

9 Yawe Nzambe abimisi na mabelé etenge nnyonso ya banzete ya kitoko po na kotala, oyo ebotaka mbuma ya elengi po na kolia. Na kati-kati ya elanga atie nzete ya bomoi, ná nzete oyo epesaka mayele ya koyeba makambo malamumu pe mabe.

Leso 7.1 Kotuna bana lolenge oyo --

Niveau Primaire:



- Nani akonaki elanga? (Nkolo Nzambe)
- Nzambe akonaki nini? (Elanga)
- Nzambe akonaki elanga wapi? (na mokili ya Eden, epai ya est na mokili ya Kanan)
- Nzambe atiyaki nani na elanga wana? (Moto Ye asalaki)
- Nzambe akonaki banzete ya etenge nini na elanga yango? (Banzete ya etenge na etenge ya kitoko, oyo ebotaki mbuma ya malamumu ya kolia)
- Kombo ya nzete moko special ezalaki na kati-kati ya elanga yango? (Nzete yango azali kopesa mayele po na koyeba makambo ya malamumu pe makambo ya mabe.)

Niveau Secondaire:

- Makambo nini esengelaki esalama liboso oyo Nzambe atiyaki moto na elanga? (Ye esengelaki asala moto.)
- Bokeseni nini ozali komona kati ya creation ya banzete na mokolo ya misato kino kokona elanga na Eden na mokolo ya mutoba?

(Banzete ezalaki po na mokili mobimba, kasi elanga ya Eden ezalaki elanga special po na bato ya liboso oyo Nzambe asalaki.)

- Bokeseni nini kati ya nzete oyo koyeba makambo ya malamumu pe ya mabe pe banzete mosusu? (Nzambe apesaki kombo ya banzete mosusu te, kasi Ye apesaki kombo ya nzete wana.)

Leso 7.1 Kotalisa nini esalamaki:



Bana ya classe batala banzete ya malamumu, ebongo ba loba ete, “Aaaah! Kitoko!”

Ebongo ba sala geste lokola ba zali kolia mbuma, pe aloba ete, “Aaaah! Elengi!”

Leso 7.1 Koyemba pe kobina:



Nzambe akonaki elanga, na banzete ya kitoko

Nzambe akonaki elanga, na mbuma ya elengi,

Nzambe akonaki elanga po na moto oyo Ye asalaki.

Leo 7.2 Tangela bana: Ebandeli ch. 2, vs.10 -14

(Molakisi, koloba makasi koloba banombre ya bibale oyo akabolaki na ebale ya Eden (Ebale ya liboso, Ebale ya mibale, Ebale ya misato, Ebale ya minei. Bango bana bayebi kotanga malamumu, ebongo okoki kososola verse. Mwana moko atanga phrase oyo etali ebale moko.)



10 Ebale moko ezalaki kobima na Eden pe kopesa mai na elanga. Kobanda wana, ebale yango ekabwanaki na bamai minei.

11-12 Kombo ya mai ya liboso Pishon, yango ezali kozinga mabelé ya Hawila. Mokili yango ezali na or, 12 or moko ya kitoko penza, na malasi pe mabanga ya talo.)

13 Kombo ya mai ya mibale Gihon, yango ezali kozinga mabelé ya Kush.

Leso 7.2 Kotuna bana lolengo oyo:



Niveau Primaire:

- Bibale boni ezalaki na elanga ya Eden, (Ebale moko oyo ekabanaki na bibale minei.)
- Bakombo ya bibale yango ezali nini? (Pishon, Gihon, Tigre, ti Ufrate.)
- Okanisi nini ezalaki ntina ya ebale ya Eden? (Kopesa mai na mokili.)

Niveau Secondaire:

- Ebale Pishon ezalaki kovanda na mokili nini? (okili ya Avila)
- Minerais ya talo nini ezalaki na mokili wana ya Avila? (or, malasi oyo ya delium pe libanga oyo ya talo to onyx.)
- Kombo ya ebale ya mibale ezali nini? (Gihon)
- Ezalaki kozinga mabele nini? (Mabele ya Kush)
- Kombo ya ebale ya misato ezali nini? (Tigre)
- Ebale Tigre elakaki na est ya ya mabele nini? (Mabele ya Asirie)
- Kombo ya ebale ya minei azali nini? (Ufrate)
- Kanisa! Bakombo ya bibale mosusu oyo ezali lokola dezia toyoki yango. Bakombo wana ezali nini? (Molakisi, pesa nzela na bana koloba bakombo oyo bango bauti dezia koyoka. Tigre

ti Ufrate ezali oyo bato bayebi makasi, bo solola na classe lokola histoire.

- Boni, bokoki kokanisa likambo moko oyo esalamaki na histoire, oyo ekoki kochanger etenge mokili pe bibale? (Mai ya Noe. Mbala mosusu na sima mai esili na tango ya Noe, bato bapesaki bibale bakombo ya babele oyo bayebi malamumu yambo Mai yango.)

Leso 7.2 Kolakisa nini esalami:



Tiya bana na molongo. Ya liboso, batambola na molongo, kotalisa bibale moko na Eden. Na sima ya kososola yango na molongo minei kolakisa bibale minei oyo ekabanaki ya ebale ya Eden. Milongo minei ya bana batambola na direction ya etenge na etenge, kolakisa etenge ebale ya Eden ekabanaki kosala bibale minei, kokeete na mikili mosusu.

Leso 7.2 Koyemba pe kobina:



Ebale ebandaki na Eden,,
Kopesa mai na elanga

Mm. Mmm. Mmmmmmm!

Leso 7.3 Tangela bana: Ebandeli ch. 2, vs. 15



15 Yawe Nzambe akamati moto yango pe atie ye na elanga ya Eden, po na kokona biloko kuna pe po na kokengelaka yango.

Leso 7.3 Kotuna bana lolenge oyo:



Niveau Primaire:

- Nani tulaka moto na kati ya elanga ya Eden? (Nkolo Nzambe)
- Nzambe etiyaki moto wapi? (Na kati ya elanga ya Eden)

- Misala nini mibale Nzambe apeski na moto na elanga yango? (Kosala na kati na yango pe kotala yango malamumu-malamumu.)

Niveau Secondaire:

- Elanga ya Eden ezalaki afuluki na banzete pe ya kitoko pe ya malamumu, kasi Nzambe atiyaki moto na elanga wana te kaka kotala kitoko ya banzete. Ye atiyaki moto kuna po na nini? (Kosala—kotala to pe kobatela elanga yango malamumu-malamumu.)
- Oyo ezali mbala ya liboso Bible azali koloba makambo ya mosala. Nani apesaki moto na mosala wana? (Nkolo Nzambe)
- Boni, Nzambe apesaki misala oyo na moto liboso to pe na sima ya masumu ekota na mokili? (liboso ya masumu)
- Oyo ezali kolakisa biso nini? (Mosala ezali mabe te. Mosala ezali malamumu. Ezali etumbu te.)
- Eloko nini Nzambe apesaki na moto? (Mosala ya elanga)
- Ozali kokanisa nini soki moto ayebisi yo ete mosala ya elanga ezali mosala ya lozito te po na bato ya mayele? (Esengeli ezala ya lozito pe Nzambe apesaki yango na moto.)
- Okokanisa nini na moto soki ntina na ye na moboyi na ye ezalaka kokima mosala lokola ya elanga? (Makanisi na ye ezali mabe po ye azali koboya mosala ya Nzambe Ye moko apesaki.)


Leso 7.3 Kolakisa nini esalami:



Tiya banzete ya kitoko na kati mabele lokola banzete oyo ebandi kokola.

Benga mwana ya classe koya liboso, ebongo lakisa ye ete mosala na ye ezali kobokola banzete oyo po ekola malamumu-malamu.

Leso 7.3 Koyemba pe kobina:

 Nzambe apesaki biso mosala ya liboso

R mosala ya malamumu na elanga ya Eden

Matondo Nzambe, po na mosala!

Devoir po na baoyo bayebi nanu Yesu te:

Mosala ezali malamumu. Yango ezali makabo ya Nzambe po na bolamumu na biso. Tango baboti na ye to pe Molakisi na yo ezali kolakisa yo mosala, Kosala yango na motema ya malamumu. Poso oyo, kosala mosala na yo nnyonso na motema ya malamumu kozanga kobotama.

Kobenga bana oyo nanu bayamabe Yesu te:

Na Ebandeli, boboti na biso ya liboso batambolaki na boyokani ya malamumu na Nzambe na kati ya elanga ya Eden. Boyokani yango ebukanaki tango basalaki masumu. Yesu Kristo akufaki pe Asekwaki na bawei po na kozongisa biso na boyokani na Nzambe. Soki nanu oyamabe Yesu te, lel'oyo ekoki kozala mokolo ya lobiko po na yo. Yaka kosolola na nai na sima ya classe lelo. Nakozala na esengo ya kosalisa yo.

===

SUKA YA LESO 7

===

Leso 8 Nzambe amekaki boboti na biso.

Ebandeli ch. 2 Vs. 16 kino na 24

Ntina ya Leso: Nzambe alingi botosi na biso po Alingi biso, pe Alingi kotambola na boyokani na biso. Kasi, Alingi topona kotosa mobimba na biso nnyonso. Akotindika biso

na makasi te na kotosa. Yango wana, Amekaki boboti na biso. Na suka ya lesu oyo, bana ya classe bakoyeba etenge nini Nzambe amekaki bato pe po na nini amekaki bango. Bana bakokola na posa ya kotosa Nzambe, pe bakokata ndai ete bakobanda kotosa oyo Ye akoyebisa bango na maloba na Ye.

Revision ya baleso ewuti koleka—

- Etenge nini banzete ezalaki na elanga ya Eden? (Banzete ezalaki kitoko na komona, pe mbuma ya elengi na kolia)
- Nzete moko nini oyo Nzambe ayebisaki kombo na yango? (Nzete ya koyeba malamumu pe mabe)

Kotuna po na devoir ya poso ewuti koleka:

Na poso eleki, toyekolaki éte mosala ezali likabo malamumu oyo Nzambe apesi biso. Tosengaki bino kosala mosala na bino na motema ya malamumu pe kozanga koyima-yima poso eleki. Nani akoki koyebisa biso etenge nini ameki kosala yango? (Molakisi, pesa nzela na bana na koloba, pe feliciter baoyo bamekaki kosala yango.)

Verse ya koyekola: Ebandeli ch. 2 vs. 16-17

[Leso oyo ezali te lokola baleso ya mosusu na sense oyo—Baverse mibale oyo ezali lokola base ya lesu, baverse yango ezali pe baverse ya koyekola na motema.]

16 Apesi ye motindo boye: "Okoki kolia mbuma ya banzete nnyonso ya elanga,

17 kasi mbuma ya nzete oyo epesaka mayele ya koyeba makambo ya malamumu ná ya mabe, okoki kolia yango té. Mokolo okolia yango, okokufa."

Kobanda Leso:

Nani amoná poupee? Bana ebele balingi kosakana na yango. [Molakisi, lakisa poupee soki okoki kozwa yango.] Nakoki kolinga

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016


poupee oyo, pe nakoki kokanisa lokola poupee yango elingi pe ngai. Kasi yasolo, yango elingi nagi te. Ekoki kolinga nagi te, po ezali na motema te. Ezali te na makanisi na yango moko.

Nzambe asalaki biso bato po tozala te lokola bapoupee, kozanga makanisi, kozanga motema, kozanga etenge ya kokata makambo to pe kopona nini tokosala. Asalaki biso kozala na etenge ya kopona soki tolingi kotosa na Ye, to pe te.

Boni, okoki kopesa mitindu na poupee? Ezali boye te. Poupee ekoki kopona kotosa na mitindu te. Kasi Nzambe apesaki mitindu na moto ya liboso, tata na biso nnyonso. Yoka nini esalamaki na histoire ya Bible.

Malakisi ya monene ya Leso 8 na biteni mibale--

Leso 8.1 Tangela bana: Ebandeli ch. 2 vs.16

 *16 Apesi ye motindo boye: "Okoki kolia mbuma ya banzete nnyonso ya elanga,..."*

Leso 8.1 Kotuna bana lolenge oyo:--



Niveau Primaire:

- Nani apesaki mobeko na moto? (Nkolo Nzambe)
- Nzambe apesaki mobeko wana na nani? (Na moto—moto ya liboso oyo Ye asalaki.)
- Bileyi nini Nzambe apesaki moto na elanga? (mbuma ya nzete nnyonso na elanga yango. Kaka moko Nzambe etiyaki na verse 17)
- Boni, moto azalaki na nzala, to pe azalaki na belei ya kokoka? (Azalaki na nzala te. Azalaki na mbuma ebele ya malamumu oyo akokaki kolia.)

Niveau Secondaire:

- Mbala ebele tozali kotiya moleete na eteni ya suka ya mobeko Nzambe apesaki na moto. Moleete na biso ezali na parti oyo akangaki bango nzela kosala makambo moko. Po na nini okanisi Nzambe abandaki na eteni oyo ezalaki positif? po na nini Nzambe abandaki na oyo bakoki kosala? (Molakisi, Yoka makanisi na bango. Ekoki kovanda kolakisa bolingo pe mawa pe bolamu ya Nzambe. Ekoki kozala kolakisa ete mobeko na Ye ezali pasi te, po Apesaki moto mbuma ebele ya malamumu ya kolia. Ekoki kozala kolakisa ete Nzambe apesaki moto mbuma ebele ya malamumu, kasi Atiyaki mobeko kaka bobele na moko.)
- Bato ebele bakanisi ete Nzambe aboyaki mbuma nnyonso oyo ezali kopesa esengo Verse ezali kolakisa biso nini po na yango? (Nzambe apesaki bango ebele kasi aboyaki muke.)

Leso 8.1 Kolakisa nini esalamaki:



Bana basala bageste etenge Nzambe ayebisaki moto makambo ya banzete ya elanga.



1 Koyemba pe kobina:

Nzambe alobaki na moto: Okoki kolia mbuma oyo nnyonso.

Matondo, Nzambe. Ozali malamumu!

Leso 8.2 Tangela bana: Ebandeli ch. 2 vs. 17



17 "kasi mbuma ya nzete oyo epesaka mayele ya koyeba makambo ya malamumu ná ya mabe, okoki kolia"

*yango té. Mokolo okolia yango,
okokufa."*

Leso 8.2 Kotuna bana lolenge oyo --

?

Niveau Primaire:

- Nzambe apesaki nzela po na moto alia ya mbuma nnyonso ya etenge na etenge ya jardin. Nzete moko nini oyo Nzambe atiyaki mobeko? (Nzete ezali kopesa mayele po na koyeba makambo ya malamumu pe makambo ya mabe)
- Po na nzete oyo ya mobeko, Nzambe ayebisaki moto nini asala te? (Akoki kolia te mbuma na yango.) [Molakisi, awa ezali mutuya ete bana bamona ete Nzambe ayebisaki kaka ete ba LIA te yango. Oyo ezali mutuya po na histoire mosusu oyo tokomona na sima.]
- Nzambe ayebisaki moto ete eloko nini ekosalama soki alié mbuma ya nzete wana? (Akokufa kaka na mokolo oyango wana. Oyo ezali oyo tozali kobenga consequence to makambo ekolanda oyo moto asali. Soki tosali likambo moko, makambo mosusu esengeli kaka kolanda.)
- Okanisi ete mobeko Nzambe apesaki na moto ezalaki pasi? (te, po Nzambe apesaki moto mbuma ebele ya malamumu ya kolia, yango wana azalaki na bosenga ya mbuma wana te.)

Niveau Secondaire:

- Okanisi, po na nini Nzambe amekaki moto na etenge oyo? (Molakisi, yoka makanisi ya bana, kasi tiya makasi ete basosola ete ezalaki po na kolakisa et soki akotosa na Ye. Ezalaki lolenge moko ete soki atosi, akoki kolakisa mobimba ya motema na ye.)
- Soki moto atosi to pe atosi te,

elingaki kolakisa nini? (Molakisi, yoka makanisi ya Nzambe, ebongo yebisa makambo oyo: Soki moto atosaka, elingaki kolakisa ete alingi Mokeli na ye mingi, elingaki kolakisa ete azali kotosa maloba ya Nzambe, ete aponaki pe kolanda oyo Nzambe ayebisaki ye. Kasi, soki atosi te, elingaki kolakisa ete alingaki Nzambe te, ete azali kotosa Ye te pe azali kondima maloba ya Nzambe te. Elingaki kolakisa ete soki alingaki kopona, akolanda makanisi ya ye moko kasi ya Nzambe te. Ezali lokola azali kokanisa ete azali mayele koleka Nzambe. Oyo ezalaki komeka moko ya monene!)

Leso 8.2 Kolakisa nini esalamaki:



Bana mibale basala théâtre ezali kolakisa etenge Nzambe amekaki moto. Mwana moko asala lokola Nzambe pe mosusu lokola moto.

Leso 8.2 Koyemba pe kobina:



Mbuma ya nzete moko esengeli olia te.

Nzete moko kaka.

O moto, ee, yoka maloba oyo ya Nzambe, ee.

Devoir po na baoyo dezia bayebi Yesu:

Etenge moto azali kotosa, ezali kolakisa bolingo na ye po Nzambe. Molimo ya Nzambe azali kolakisa yo sik'oyo nini esengeli kotosa? Senga lisungi na Ye na losambo, ebongo tosa poso oyo na oyo Ye azali kolakisa yo. Tango nnyonso, Nzambe alingi yo kotosa na maloba na Ye. Eteni nini ya Maloba na Nzambe yo eyebi oyo ozali kotosa te sik'oyo? Boni, okobanda kotosa poso oyo?

Kobenga bana na Yesu oyo nanu bayamabe Ye te:

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

Nzambe azali koluka bolingo pe boyokani ná yo. Soki omilengeli koyamba Ye lel'oyo, nakoki kosalisa yo. Yaka na ngai na sima ya Ecodim. Nakozala na esengo ya kosalisa yo.

====

SUKA YA LESO 8

====

Leso 9 Nzambe asalaki Mwasi pe apesi biso libala.

Ebandeli ch. 2 vs.18-25

Kosala yambo: Luka mukuwa ezali kolakisa mukuwa ya banzi ya mobali.

Ntina ya Leso:

Na suka ya lesu oyo, mwana esengeli asosola ete Nzambe asalaki biso mobali pe mwasi, pe Ye moko apesaki biso libala ya mobali moko pe mwasi moko. Yango wana, mwana akotosa kimubali to pe kimwasi na ye, pe atosala libala.

Kotala lisusu malakisi ya baleso eleki:

Koloba lisusu baverse ya koyekola, Ebandeli ch. 1 vs. 27, oyo toyekolaki na Leso 4.

Kotuna po na devoir ya poso ewuti koleka:

Na poso eleki, totunaki soki eteni ya Maloba ya Nzambe nini ezali pasi na kotosa. Nani akoyebisa biso etenge nini Nzambe amekaki moto na kotosa Nzambe na poso eleki?

Verse ya koyekola: *Ebandeli ch. 2 vs. 18 Sima Yawe Nzambe alobi: "Ezali malamumu té moto ázala kaka ye moko. Nakosalela ye moninga oyo akoki na ye po na kosalisaka ye."*

Kobanda Leso:

Bana basala théâtre ezali kolakisa moto oyo alingi kosenga mwana-mwasi na libala. Botambola esika moko, pe bazali na esengo ya mingi. Yebisa bana ete Nzambe apesaki biso bato likabo ya malamumu. Apesaki biso libala ya mobali na mwasi. Lelo tokomona

etenge nini Ye asalaki yango, pe po na nini asalaki yango.

Malakisi ya monene ya Leso oyo na biteni mutoba--

Leso 9.1 Tangela bana: *Ebandeli ch. 2 vs. 18* [Oyo ezali etenge moko na verse bana bayekolaki posi eleki.]



18 Sima Yawe Nzambe alobi: "Ezali malamumu té moto ázala kaka ye moko. Nakosalela ye moninga oyo akoki na ye po na kosalisaka ye."

Leso 9.1 Kotuna bana lolenge oyo:

Niveau Primaire:



- Nzambe alobaki nini po na moto? (Ezali malamumu te moto azala ye moko.)
- Nzambe alobaki akosalela moto? (Azali kosalela ye moto mosusu oyo akokokana na ye po na kosalisa ye.)
- Etenge nini oyo esalisaki moto? (Azalaki kaka ye moko lisusu te, pe azwaki mosalisi.)

Niveau Secondaire:

- Etenge nin mwasi azali lokola mobali? (Ye pe azali moto, ye pe, Nzambe asalaki ye na elili ya Nzambe, lokola tomonaki na Ebandeli ch. 1 vs. 27. [Lakisa carte pe loba verse yango lisusu.])
- Etenge nini toyebi ete kobala ezali malamumu, mobali pe mwasi? (Nzambe alobaki ete ezali malamumu te moto azala ye moko.)

Leso 9.1 Kolakisa nini esalamaki:



Bana basala théâtre. Mwana moko asala lokola azali Nzambe, moko lokola Adam. Adam azali komonana

lokola azali mwa mawa-mawa.
Nzambe atali Adam malamumu, ebongo
Aloba malaba ya Ebandeli ch. 2 vs.
18.

Leso 9.1 Koyemba pe kobina:



Nzambe alobaki,
Ezali malamumu te
Moto atikala ye moko
Na kosalela ye mosalisi oyo akokani na
ye.
Malamumu! Malamumu!

Leso 9.2 Tangela bana: Ebandeli ch. 2 vs. 19-20



*19 Bongo Yawe Nzambe akamataki
mabelé pe asalaki na yango banyama
ya etenge nnyonso pe baeteke ya
etenge nnyonso; amemi yango epai ya
moto po na kotala soki ye akopesa
yangi kombo nini. Pe kombo oyo ye
apesaki na nyama moko moko ezali
kombo na yangi penza.*

*20 Boye moto apesi kombo na
banyama nnyonso ya mboka, na
baeteke, pe na banyama ya zamba.
Kasi moninga oyo akoki na ye po na
kosalisaka ye azalalo té.*

Leso 9.2 Kotuna bana lolengo oyo --



Niveau Primaire:

- Nzambe amemaki nini na moto oyo asali? (Banyama ya etenge na eteng)
- Moto asalaki nini po na banyama? (Apesaki bango bakombo.)
- Na kati ya banyama nnyonso, moto amonaki basalisi boni oyo bazalaki lokola ye moto? (Ata moko te.)

Niveau Secondaire:

- Bowuti kotanga dezia ete Nzambe akati ete akosala nini, ete Ye akosala mosalisi po na moto lokola ye moto. Ebongo, po na nini amemaki banyama yambo asala moto mosusu lokola mosalisi, lokola Ye akati dezia kosala?

(Molakisi, yoka makanisi ya bana. Bible ezali kolakisa biso te po na nini Nzambe asalaki etenge wana, kasi tango mosusu Ye alingaki ete Adam ye moko akoma komona ete na kati ya banyama, basalisi bazalaki te. Tango mosusu Alingaki ete Adam asosola ete moto azalaki bokeseni na banyama. Tango mosusu alingaki ete Adam alinga pe azala na bolingo po na mwasi oyo Nzambe akosala po na ye.)

- Bato mosusu bazali koboya makanisi ete makaku ezali mwa muke lokola bato, pe bato mosusu bazali koloba ete biso tozalaki nanu makaku, yambo tokoma bato. Nzambe asalaki makaku, po Ye asalaki banyama nnyonso. Po na nini Nzambe amemaki makaku te na Adam po na kozala mosalisi na ye?
(Makaku ezali kaka nyama. Nzambe asalaki yangi te na elili ya Ye, ebongo ezalaki te mosalisi ya malamumu po na Adam.)
- Etenge nini toyebi ete makaku echanger te kokoma bato? (Nzambe alobi ete Nzambe asalaki banyama pe Ye pe asalaki moto.)
- Kanisa etenge Adam abengaki banyama to apesaki bango bakombo oyo ekokani. Science ya kopesa bakombo na bingomba ya

banyama pa baplante, tozali kobenga yango “taxonomie.” Ezali difficile mingi. Kombo nnyonso esengeli kozala etenge na yango moko, pe sengeli kolakisi lolenge nyama wana azali, na comparaison na banyama nnyonso oyo mosusu. Adam apesaki bakombo ya liboso, pe ye asalaki yango kaka na mokolo moko. Oyo ezali kolakisa nini po na mayele ya moto ya liboso Nzambe asalaki?

(Azalaki capable ya kosala mosla moko oyo ata bato ya science lelo bakomona pasi na kosala.)

Leso 9.2 Kolakisa nini esalemaki::



Bana bakoki kosala théâtre. Moko asala lokola Nzambe, azali komema banyama ya etenge ya etenge na Adam (mwana mosusu). (Bana oyo bazali kotala bakoki kosala lokola bazali banyama ya etenge na etenge. Adam apesaki nyama nnyonso kombo oyo ekoki po na yango. Na sima, Nzambe atali banyama nnyonso malamumu, koluka mosalisi po na moto.

Leso 9.2 Koyemba pe kobina:



Nzambe atalaki nyama nnyonso Nani to nini ekozala mosalisi ya malamumu po na Adam.

Ata moko te. Ata moko te.

Leso 9.3 Tangela bana: Ebandeli ch. 2 vs. 21-22



21 Bongo Yawe Nzambe alalisi moto pongi makasi. Abimisi mokuwa moko ya mopanzi na ye, pe akangisi mosuni na esika yango.

22 Na mokuwa oyo abimisaki na mopanzi ya moto, Yawe Nzambe asali

na yango mwasi, pe amemi ye epai ya moto.”

Leso 9.3 Kotuna bana lolenge oyo:



Niveau Primaire:

- Makambo mitanu nini oyo Nzambe asalaki na baverse oyo?
 1. Akweyisi moto na pongi ya makasi pe alalaki.
 2. Alongolaki lapanzi na ye moko.
 3. Na esika na Akangaki musuni.
 4. Na panzi oyo Alongolaki na moto, Asalaki mwasi.
 5. Ayaki komema mwasi wana na moto.

Niveau Secondaire:

- Nzambe asalaki moto ya mobali na nini? (Mabele -2:7)
- Nzambe asalaki moto ya mwasi na nini? (Lapanzi ya mobali 2:21-22)
- Boni, Adam azalaki panzi moko na moko na se ya mutuya (nombre) ya oyo ya mwasi?

(Toyebi te, kasi Nzambe alongolaki mokoi po na kosala mwasi. Toyebi te bomi ezalaki na yango na Ebandeli.)

- Lel'oyo, boni, mobali azali na lapanzi moko oyo ezangi?

(Te. Lelo echange ezali kosalama na niveau genetique [na bagenes ya moto] epesami na bana. Par example, atako nakanaki mosapi na ngai, nakobota te bana bazangi misapi.)

- Po na nini bokanisi Nzambe aponaki kosala mwasi etenge wana? (Bible ezali koyebisa biso te, kasi tango mosusu esalisaki mobali, atako mwasi ayebi bazali te mibale na libala kasi moko. Mbala mosus ezali

kosalisa bango kososola ete mobali azalaki na bosenga ya mwasi pe mwasi na bosenga ya mobali.)

- Po na nini Nzambe amemaki mwasi na mobali?

(Po na kolakisa ete Asalaki mwasi po na mobali.)

Leso 9.3 Kolakisa nin esalamaki:



Bana basala théâtre. Mwana moko asala lokola Nzambe, moko Adam, pe moko mosusu mwasi. Molakisi, talisa etenge histoire elekaki, pe bana mosus balakisa nini esalami kaka na bageste kozanga koloba. Saleli nzete to mikwa lokola lopianzi ya Adam.

Leso 9.3 Koyemba pe kobina:



Mwasi o o,o,o,o, o...Nzambe asalaki ye na lopianzi.

Na lopianzi ya mobali. A,a A,a A,a.

Leso 9.4 Tangela bana: Ebandeli ch. 2 vs. 23



23 Bongo moto alobi: "A! Oyo akokani ná ngai penza. Biso náye tozali bobele moto moko; nzoto na ye ezali nzoto na ngai moko. Bakobenga ye 'mwasi', pamba té auti na nzoto na ngai mobali."

Leso 9.4 Kotuna bana lolengo oyo:

Niveau Primaire:

- Tango mobali amonaki mwasi, alobaki nini?

(Oyo akokani na ngai penza. Auti na mokuwa na ngai. Bakobenga ye 'mwasi', pamba te auti na mobali.)

- Po na nini abengaki ye mwasi? (Po auti na mobali.)

Niveau Secondaire:

- Bini, mwasi azalaki mingi lokola mobale, to pe azalaki mobimba na ye etenge mobali azalaki ot lolenge mosusu?

(Atako azalaki etenge mosusu, ye pe azalaki lokola mobali, po autaki na nzoto na ye. Azalaki te lolenge mosusu etenge banyama bazalaki.)

- Bsi boni Nzambe asalaki po na moto mobali?

(Moko kaka.)

- Oyo ekoki kolakisa biso nini pona mokano na Nzambe po na libala? (Mokano na ye ezalaki ete mobali moko abala mwasi moko—monogamie, pas polygamie.)

- Po na nini Nzambe asalaki te mobali mosusu po asalisa moto mobali?

(Bakozala na etenge ya kobota te. Lisusu, ezali komonana ete mwasi ezalaki kokokisa ye na etenge ete mobali mosusu akoki kosala yango te.)

- Oyo elingi kolakisa biso nini po na mokano ya Nzambe po na libala? (Ezalaki kosangisa mwasi na mobali. Ezalaki heterosexualité [kosangisa bato mibale ya genre mibale—Mobali na mwasi to mwasi na mobali.] Ezalaki te homosexualité [Kosangisa bato mibale oyo ezali etenge moko—mobali na mobali to mwasi na mwasi.])

- Moto asalaki eloko moko na mwasi etenge asalaki na banyama. Eloko yango ezali nini? (Apesaki kombo na banyama, pe apesaki pe mwasi kombo.)



- Na tango moto ya mobali amonaki mwasi po na mbala ya liboso, okanisi akokanisa nini? (Molakisi, yoka makanisi ya bana. Biyano ya etenge na etege ezali possible—kokamwa, esengo, etc.)
- Maloba nini ya moto ya mobali azali koyebisa biso ete asosoli ete mwasi azalaki na niveau moko pe ye, moko na ye? (“Oyo azali moto akokani na ngai. Auti na mikuwa na nagi pe mosuni ya misuni na ngai.”)

Leso 9.4 Kolakisa Nini esalamaki:



Bana nnyonso basala bageste pe baloba maloba ezali kolakisa kokamwa pe esengo ya moto mobali, tangu amonaki mwasi na ye na mbala ya liboso.

Leso 9.4 Koyemba pe kobina:

Oyo euti O-o La-la!

Na mikwa na ngai! O-o La-la!

Mosuni na ngai! O-o La-la!

Kitoko mingi! O-o La-la!

Leso 9.5 Tangela bana: *Ebandeli ch. 2 vs.24* Kotanga verse na biteni misatu lokola boye:



24 Nzambe alobi: "Mokili ebimi-sa banyama ya etenge nnyonso, ya zamba pe ya mboka, ya minene pe ya mike." Pe esalamaki se bongo.

Leso 9.5 Kotuna bana lolenge oyo:



Niveau Primaire:

- Nini Nzambe alobaki ezalaki mokano na po na mobali pe mwasi na ye? (Bakotika baboti na bango, bakosangana, bakokoma moto moko.)
- Moto akoki kotika baboti na ye po na nini? (Po na kosangana na

mwasi na ye, akobala pe kobanda fami na ye moko.)

Niveau Secondaire:

- Nini na verse oyo ezali kolakisa biso ete Nzambe azali kosolola po na libala? (Molakisi, yoka makanisi ya bana. Biyano ekoki kozala ya etenge na etenge—Mobali akotika baboti na ye, akosangana na mwasi na ye, bakokoma moto moko, etc.)
- Libala ezali nini? (Kosangana ya mobali moko pe mwasi na ye lokola moto moko, kino na liwa.)
- Mobali oyo ya liboso na mwasi oyo ya liboso, bazalaki ten a baboti, po Nzambe asalaki bango, pe bazalaki bato ya liboso na mokili oyo. Ebongo, po na nini Nzambe alobaki ete moto akotika tata pe mama na ye pe akosangana na mwasi na ye? (Azalaki koloba kaka po bango moko te, kasi po na biso nnyonso oyo tolاندaki bango, po Nzambe abandaki libala na tango wana.)

Leso 9.5 Kolakisa nini esalamaki:



Bana basala théâtre ezali kolakisa lolenge mobali pe mwasi pe bafami pe balinga na bango basepela na tango ya libala, po fami ya sika ebandi.

Leso 9.5 Koyemba pe kubina:

(Limbola Maloba oyo lokola jeune mobali akoki koloba na baboti mokolo ya libala na ye)



Botikala malam, balingani baboti Matondo na nnyonso bosalaki po na ngai.

Malamu! Mwasi na ngai ya kitoko, ya bolingo

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nnyonso ya Afrika Edition 2016

Lel’oyo tozali kosangana pe kokoma moto.

O-o, O-o, O-o!

Leso 9.6 Tangela bana: Ebandeli ch. 2 vs. 25



25 Mobali ná mwasi bazalaki bolumbu, kasi bazalaki koyoka soni té.

Leso 9.6 Kotuna bana lolenge oyo:



Niveau Primaire:

- Bilamba nini mobali pe mwasi na ye bazalaki kolata tango wana, yambo masumu ekota na mokili? (eloko te. Bazalaki bolumbu.)
- Boni, bango bayokaki soni po na kovanda bolumbu? (Te. Na lesa ekolanda, tokoyekola po na nini Nzambe asalelaki bango bilamba.)
- Ba zalaki mobali pe mwasi na ye ya libala. Boni, bato mosusu bakokaki komona bolumbu na bango bazalaki? (Nanu te. Bazalaki bango moko.)

Niveau Secondaire:

- Boni, verse oyo elingi koloba ete biso bato tozali na tina ya bilamba te? (Bongo te. po oyo ezalaki mobali pe mwasi na ye ya libala oyo azalaki bolumbu bango na bango.)
- Lokola bazalaki na tina ya bilamba ten a tango wana, po na nini biso tozali na tina na yango lelo? (Molakisi, yoka makanisi ya bana. Bokeseni ezali kati ya situation na bango pe ya biso lel’oyo ezali mibale: 1. Bato mosusu bazalaki te po na komona bango, kasi lel’oyo bato mingi mosusu bazali.

2. Masumu ezalaki ekoti nanu te na tangu wana, kasi lelo masumu esili kokota na mokili, ebongo bato nnyonso bazali na makanisi pe posa ya mabe.

Leso 9.6 Kotalisa nin esalamaki:



Bana nnyonso basala bageste kozipa eMolakisi na maboko na bango. Tangu ozali koloba, “Bazalaki na soni te,” bango nnyonso balongolaki maboko na eMolakisi na bango bakoki komonana.

Leso 9.6 Koyemba pe kubina:



mobali na mwasi na ye, bazalaki na soni te.

Devoir po na bana oyo bayebi dezia Yesu:

Nzambe alingaki bato na Ye batosa libala. (po na Niveau Secondaire, bakisa likanisi oyo--pe kotosa sexualité na bango moko, kobatela yango kino na tangu ya libala.) Kosolola: Etege nini okoki kolakisa ete ozali kotosa libala? Niveau Secondaire bakisa: Etege nini okoki ktosa kimobali to pe kimwasi na yo?

Kobenga bana oyo bayambá Ye nanu te:

Nzambe akoki kopesa yo makasi ya kotosa libala. Yasolo, akoki kopesa yo makasi kotosa na mibeko na ye nnyonso. Ezali Yesu Kristo oyo akoki kopesa yo makasi oyo. Boni, oyebi ya solo ete osili koyamba Yesu Kristo lokola Mobikisi pe Nkolo na yo? Soki ozali sur, okoki kokata makambo yango lel’oyo. Soki olingi koyeba ya solo, tikala na sima ya classe lelo po nakoki kosalisa yo.

====

SUKA YA LESO 9

====

Leso 10—Nioka akosaki mwasi. Ebandeli ch. 3 vs. 1-5

Kosala yambo:

Mema etape ya nzete pe mbuma na yango, ekoki kosalisa lokola nzete monene. Mema pe elamba monene lokola drap ya mabeso. Po na kobanda Leso, okozala na bosenga ya mulangi ya mai ya bosoto pe ya solo, papier to elamba ya kitoko ya kozipa yango, pe fololo. Okozala na bosenga ya maske ya kitoko (atako ya papier).

Ntina ya Leso:

Na suka ya leso oyo, bana bakososola ete Satan azali moto ya lokuta. Bakososola etenge nini Satan akosaki mama na biso ya liboso, pe bakomona ete asalaki etenge moko na biso lelo. Bakobanda komona mitambu ya Satan yambo bakweya na kati, yambo Satan akanga bango.

Verse ya koyekolaa: *Yoane ch. 8 vs. 44c*

8:44c (Yesu ete,) Tata na bino alingaka. Uta Ebandeli ye azalaká kaka mobomi, pe aboya makambo ya Nzambe; makambo ya solo ezali na ye té. Tango akosaka, lokuta wana eutaka na motema na ye; pamba té azali moto ya lokuta pe tata na yango.

Revisionn:

- Etenge nini Nzambe asalaki mwasi ya liboso? (Na lapanzi ya mobali.)
- Mokano ya Nzambe ezalaki ete mobali avanda na basi boni? (Kaka moko. Nzambe asalelaki ye mwasi kaka moko.)

Kotuna po na devoir ya poso euti koleka:

Nani azalaki na occasion ya kolakisa lozito po na libala na poso eleki? Nani akoki kolakisa biso etenge elekaki? (Molakisi, feliciter mwana nnyonso oyo amekaki.)

Kobanda Leso:

Bongisa théâtre. Satan azali komonana lokola monstre, kasi alati maseke ya kitoko. Asimabe eloko moko epolá pe ya solo ya mabe—mulangi ya mai ya bosoto, to pe eloko lokola yango. Azipi eloko wana ya mabe na papier to pe elamba ya kitoko pe fololo. Azali kokosa bana ya classe. Azali koloba ete amemeli bango makabo ya malamumu, ya kitoko, makabo ekopesa bango mayele. Ekokomisa bango kitoko mingi, pe bakozala na bomoi ya molai. Azali komeka kopesa bango na ntina bazwa yango.

Transitionn na Leso ya Bible:

Lelo tokotanga histoire ya moto na lokuta. Histoire oyo ezali yasolo. Esalamaki kaka etenge histoire ezali koloba. Histoire yango ezuami na Bible na mokanda ya Ebandeli mokapo 3.

Malakisi Monene ya Leso oyo na biteni 3 :

Leso 10.1 Tangela bana: Ebandeli ch. 3 vs. 1



Na kati ya banyama nnyonso oyo /zambe asalaki, nyoka azalaki nyama lekaki na mayele ya kokosa. Atunaki mwasi: "Ya solo, Nzambe apekisi 'tè bólia mbuma ya banzete nnyonso ya elanga té?"

Leso 10.1 Kotuna bana lolenge oyo:

Niveau Primaire:



- Na kati ya banyama, nyama nini ezalaki koleka mayele na mikolo wana? (Nioka)
- Etenge nini toyebi ete nioka oyo ezalaki te kaka nioka ordinaire lokola banioka mosusu? (Nioka oyo alobaki, pe nioka oyo eyaki kokosa mwasi, kobenda ye na kosala mabe.)
- Nioka yango elobaki na nani? (Na mwasi, mama na biso nnyonso.)

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nnyonso ya Afrika Edition 2016

- Nioka etunaki nini? (“Boni, ezali ya solo été Nzambe ayebisaki bino kolia te mbuma ya nzete nnyonso ezali na kati ya elanga?”)
- Boni, ezalaki malamumu kotuna etenge wana? (Te, po Nzambe alobi yango. Esengelami na bato bobele kotosa.)
- Nani asalaki nioka yango? (Nzambe, po Ye asalaki banyama nnyonso pe biloko nnyonso.)
- Okanisi nini na mutuna oyo ya nioka asalaki na makanisi ya mwasi? (Ememaki tembe na motema na ye.)

Tangela bana *Koyebisa ch. 12 vs. 9* lokola verse ya kobakisa po na kolimbola nioka oyo azalaki nani:



9 Babengani Elima monene wana: yango ete ezali "Nyoka ya Kala" oyo ekosaka bato ya mokili mobimba; bábengaka yango Zabolo to Satan. Babwaki yango na mokili, ná banjelu na yango.

Sik’oyo, tuna mituna oyo po na *Koyebisa (Ba-Sekelé) ch. 12 vs. 9:*



- Nani azalaki kosalela nzoto ya nioka po na kokosa mwasi, na etenge ete asosola te nani oyo azalaki kosolola ya solo na ye? (Satan.)

Niveau Secondaire:



- Etenge nini toyebi ete Nzambe asalaki kaka mokili na biso te, kaka biloko tokoki komona te, kasi Asalaki pe milimo lokola banzelu?

(Satan azalaki dezia na elanga, pe toyebi ete Nzambe asalaki biloko nnyonso. *Koyebisa ch. 12 vs. 9* ezali kolakisa biso pe ete Satan azali na banzelu na ye. Nzambe asalaki Satan pe banzelu

nnyonso malamumu, po na kokumisa Ye Nzambe. Kasi Satan alingaki te kotikala na esika Nzambe apesaki ye. Asalaki rebellion koboya Nzambe, pe mwa banzelu balandaki ye. Satan akomaki monguna ya Nzambe pe banzelu ya Nzambe bakomaki ba milimo ya mabe. Esaya ch. 14 vs. 12-17, Ezekiel ch. 28 vs. 3-10).

Tanga *Kolose ch. 1 vs. 16* po kolakisa ete Nzambe asalaki milimo to pe banzelu nnyonso, biloko nnyonso tokoki komona te, lokola Ye asalaki pe biloko tokoki komona:



16 Pamba té, lisanga na ye Nzambe asalá bikelamo nnyonso, oyo ya Likolo ná oyo ya se, oyo emonanaka ná oyo emonanaka té, ézala kutu milimo oyo bábengaka "Bakonzi ya Likolo na se". Nzambe asalá bikelamo nnyonso na Kristo, po ézala ya ye.

Kotuna mituna lolenge oyo po na *Kolose ch. 1 vs. 16:*



- Nani asalaki biloko nnyonso oyo ezali komonana? (Tata Nzambe, na lisalisi ya Yesu)
- Nani asalaki banzelu? (Tata Nzambe, na lisalisi ya Yesu)
- Nani asalaki biloko nnyonso oyo emonanaka pe biloko nnyonso emonanaka te? (Tata Nzambe, na lisalisi ya Yesu)
- Tokoki kolanda mokanda ya Ebandeli. Po na nini okanisi ete ezali kolakisa te boye etenge Nzambe asalaki banzelu, to kokweya ya Satan pe banzelu na ye? (Molakisi, yoka makanisi ya bana ya classe. Yeba ete biyanu ebele ezali possible. Tango mosusu ntina ya Nzambe na

mokanda ya Ebandeli ezali koloba etenge Nzambe asalaki mokili na biso oyo ezali komonana—mokili oyo tozali komona pe kosimba mikolo nnyonso. Na sima, Nzambe asalelaki basakoli (baprophete) na Ye po kolakisa biso mwa muke etenge Ye asalaki biloko oyo ezali komonana te—banzeli pe kokweya ya ndambo na bango.

Tozonga na Ebandeli ch. 3 vs. 1:

?

- Boni, okanisi été Satan azalaki ya solo koluka koyeba nini Nzambe alobaki na bato? To pe, mutuna na ye atunaki mwasi, ezalaki na ntina mosusu? (Satan azalaki te koluka koyeba to pe kososola nini Nzambe alobaki. Ezali komonana ete ayokaki Nzambe tango Azalaki kopesa mobeko wana na moto. Ye kaka alingaki kotiya tembe na makanisi ya mwasi, po andimaki te maloba ya Nzambe.)
- Nioka atunaki na mwasi, "YA SOLO, Nzambe apekisi 'tè bólia mbuma ya banzete nnyonso ya elanga té?" elingi koloba nini? (Solo elingi kolakisa ete makambo ezali lokuta te. Oyo ezali kolakisa ntina ya Satan. Alingi mwasi azala na tembe na Nzambe. Alingi kokanisa ete, tango mosusu Nzambe azali mabe, ezali solo te. Alukaki pe mwasi akanisa ete Nzambe azali mabe, été Ye alingi te bolamu na bango. Alingaki mwasi akanisa ete tango mosusu akoki kotiya motema te na maloba naYe.)
- Okanisi, nini ezalaki faute ya liboso mwasi asalaki? (Ayokaki

maloba ya Satan, oyo azali mokolo lokuta. Satan azalaki koloba lokola ete Nzambe azalaki kokosa ye, kasi ye Satan azalaki mokosi ya makasi.)

- Okoki kokanisa baverse mosusu ya Bible ezali koloba ete Satan azali mokolo ya lokuta? (*Yoane ch. 8 vs. 44; 2 Korinto ch. 11 vs. 14, Koyebisa ch. 12 vs. 9*, na kati ya baverset mosusu. pona mwana moko kotanga baverse oyo pe baverse mosusu oyo bana bakoloba.)
- Satan abalolaki maloba ya Nzambe mwa muke. Tala lisusu suka ya Ebandeli ch. 3 vs. 1, ti elakisi nini Ye abalolaki.(Nzambe ayebisaki ete bango bakoki kolia mbuma nnyonso, kasi kaka mbuma ya nzete moko, bokolia yango te. Satan alobaki lokola Nzambe aboyi mbuma nnyonso.)

Leso 10.1 Kolakisa nini esalemaki:



Bana ya classe basala théâtre. Mwasi moko asala lokola Mwasi ya liboso. Elongo na bana mosusu asala lokola Satan. Bakoki yambo kosimbana bango na bango lokola nioka ya molai. Batambola lokola nioka, balboa ete: "Ssssss." Ba koma Mwasi, ebongo baloba maloba ya koseka, "Ezali ya SOOOOOLO Nzambe ayebisaki bino ete bolia te mbuma nzete nnyonso oyo ezali na kati ya elanga?" Mwasi ayoka, ebongo Ye abanda kokanisa nini nioka alobi. "Hmmmmm..."

L10.1 Koyemba pe kobina:



Nioka alingi yo oboya maloba ya Nzambe
Ah, Mama na biso, eee.

Po na nini ozali koyoka moto na
lokuta wana eeee?

(Mwasi moto apesaki eyano na
Satan.)

Leso 10.2 Tangela bana: *Ebandeli ch. 3*
vs. 2-3



2 Mwasi azongisi: "Tokoki kolia
mbuma ya banzete nyonso ya elanga,

3 kasi po na nzete oyo ezali na kati-
kati ya elanga, Nzambe alobaki:
'Bólia mbuma na yango té, bósimba
yangó pe té, soki té bokokufa."

Leso 10.2 Kotuna mituna lolenge oyo:



Niveau Primaire:

- Nani apesaki eyano na mutuna ya nioka? (Mwasi.)
- Eyano na Ye ezalaki nini? ("Biso tokoki kolia mbuma ya nzete nyonso ezali na kati ya elanga, Kasi mbuma ya nzete wana ezali na kati-kati ya elanga, biso tokoki kolia yango te. Po Nzambe alobelaki biso ete, biso tokoki kolia mbuma ya nzete wana te, biso tokoki kosimba yango pe te, soki te biso tokokufa.")
- Ye abakisaki eloko moko oyo Nzambe alobaki te. Eloko nini yango? (Nzambe alobaki kaka ete bakoki kolia te. Mwasi abakisaki ete bakoki kosimba yango pe te, kasi Nzambe alobaki bongo te.)
- Nzambe apesaki mobeko oyo na mobali yambo Ye asala Mwasi. Kasi ezali komonana ete mobali ayebisaki Mwasi na Ye mobeko wana. Ndenge nini biso toyebi ete Mwasi pe ayebaki yango?

Niveau Secondaire:

- Baverse mosusu ya Bible ekakisi biso ete biso tokoki te kobalola maloba na Ye—bisó tokoki kolongala te to kobakisa te na yango. Boni, oyebi verse oyo ez'oloba ndenge wana? (Koteya ch. 4 vs. 2; Masese ch. 30 vs. 5-6, Koyebisa ch. 22 vs. 18. Bana misato batanga baverse oyo.)
- Boni, Mwasi asalaki malamú na makambo wana? (Te. Ye alingaki koyoka pe kolanda kaka oyo Nzambe alobaki. Tango Ye abandaki kobalola maloba ya Nzambe, ata Ye asalaki yango na makambo ya muke, Ye ezalaki kupesa Satan nzela.)

Leso 10.2 Kolakisa nini esalemaki:




Basi balakisa banzete ya elanga. Baloba ete, "Biso tokoki kolia mbuma ya banzete nyonso ka elanga." Na sima, bakomi na nzete moko na kati-kati ya elanga. Baloba ete, "kasi nzete oyo, biso tokoki kolia mbuma na yango te. BISO PE TOKOKI KOSIMBA YANGO TE. KEBA! KEBA ETE OSIMBA YANGO TE!" Bakende mosika lokola baling te kovanda penepene na yango.

Mibali bazongisa ete, "Mama na biso, obakisi na Maloba ya Nzambe! Nzambe alobaki ata mbala moko te ete biso tokoki kosimba yango te."

Mwana moko asala lokola nioka Satan. Ye ayoka bango, ebongo Ye aseka makasi. Ye aloba ete, "Balola yango! Balola Maloba na Nzambe. Eeee." Yo seka lisusu, koseka moko ya mabe.

Leso 10.2 Koyemba pe kobina:

 Ah, mama na biso, eee.
Kala mingi te okokweya!
Osalami na Maloba ya Nzambe!”

Leso 10.3 Tangela bana: Ebandeli ch. 3
vs. 4-5:



4 Nyoka alobi: "Lokuta! Bokokufa té.

5 Nzambe alobaki bongo po ayebi 'tè mokolo bokolia yango, miso na bino ekofungwama, bokokóma lokola banzambe, pe bokozwa mayele ya koyeba makambo ya malamú ná ya mabe."

Leso 10.3 Kotuna bana lolengo oyo:

Niveau Primaire:



- Eyano ya nioka Satan na Mwasi ezalaki nini? (Lokuta! Bokokufa te.)
- Po na nini Satan alobaki ete ya solo Nzambe apekisi bino kolia kudia mbuma ya nzete moko wana?
(Satan alobaki ete Nzambe eyebaki ete tangu bokilia yango, miso na bango ekofungwama pe bango bakozal lokola Nzambe, po bango bakoyeba makambo ya malamú pe makambo ya mabe.)
- Boni, oyo ezalaki ya solo oyo Satan ayebisaki bango? (Boye te. Ye azalaki koboya oyo Nzambe alobaki, pe Ye azali mokolo-lokuta.)
- Satan alobaki ete Nzambe alobaki lokuta. Kasi ezalaki nani oyo alobaki lokuta? (Ye Satan.)
- Po na nini okanisi Mwasi alingaki oyo Satan alobaki? (Ye alobaki ete bango bakoki kozala lokola Nzambe. Ye ayokoki yango

lokola makambo moko ya malamú.)

Niveau Secondaire:

Bakisa mituna mosusu oyo ekoki kobenda bajeune na kokanisa baverse oyo koleka, lokola yango:

- Ndenge Nini okanisi ete Satan ezalaki na esengo (audace) ya koboya Nzambe directement, pe kobenge Ye lokola mokolo-lokuta?
(Molakisi, yoka makanisi ya bana ya classe. Na kati ya biyano possible ekoki kozala ete Ye amonaki dezia ete Mwasi abandi kotiya tembe na maloba na Nzambe, pe ete Satan azali monguna oyo alingi kobundisa Nzambe, oyo alingi koyiba lokumu pe nkembo ya Nzambe, azua yango po na Ye moko. Kanisa pe ete Yesu alobaki ete Satan azali mokolo-lokuta.)
- Tina ya Satan azalaki kobenda Mwasi ezalaki po Akweya na masumu, pe kobalola makanisi na Ye po na Nzambe. Ndenge nini okanisi maloba oyo ya Satan akoki kobalola makanisi ya Mwasi po na Nzambe oyo asalaki Ye?
(Mokasi, yoka makanisi ya bana. Ezali komonana ete Satan alingaki Mwasi akanisa ete Nzambe alukaki bolamu na bango bato te.)
- Bangindu tatu ya Satan sadilaka po na kubenda Mwasi ezalaki nini?
(1. Miso na yo ekofungwama, 2. Okozala lokola Nzambe, 3. Okoyeba makambo ya malamú pe makambo ya mabe.)

- Ndenge nini Satan asalelaki makanisi oyo misato kobenda biso lel'oyo?

(Molakisi, yoka makanisi ya bana. Tala ete makanisi oyo ekoti na masolo wana: Liboso, Satan alobaki ete Ye akoki kopesa mayele ya sekele oyo bato mosusu bayebi te—lokola na societe ya sekele, par example. Ya mibale, Satan alobaki ete biso bato tokoki kokoma lokola Nzambe. Bareligion ebele ezali koteya ndenge wana, pe atako mangomba mosusu bazali koteya malakisi yango, lokola par example, Lingomba ya Yesu Kristo ya Mikolo ya Suka. Ya misato, biso tokoki kososola makambo ya malamumu pe ya mabe koleka bato mosusu. Bato mingi bazali koloba yango lelo, lokola Nouvel Age pe mangomba ya molimo tangu bango bakweyaki molimo pe makanisi na bango ebungaka. Makanisi oyo nyonso, Satan moto apesaka yango.)

Leso 10.3 Kolakisa nini esalemaki:



Bana balingi kosala théâtre oyo ezali kolakisa ndenge Satan akosaki Mwasi.

Leso 10.3 Koyemba pe kobina:



Nani azali koleka?
Satan ezali lokuta
Koleka bato nyonso!
Satan! lokuta! Satan! lokuta! Satan!
lokuta!

Devoir po na bana oyo bayebi dezia Yesu:
Poso oyo, mwana nyonso amituna mutuna oyo po likanisi nyonso oyo ekokota na motema na yo: Boni, oyebi likanisi oyo

kokenda nzela moko na nyonso oyo nasosoli na Maloba ya Nzambe? Soki ekoki kotambola nzela moko te, ekoki kozala lokola ya Satan?

Kobenga bana oyo bayamba nanu Yesu te:

Tango mosusu dezia okweyisami na mutambo ya Satan. Yesu Kristo kaka oyo okoki kolongola yo. Soki nanu oyebi ete ozali na bosenga na Yesu lel'oyo, zeal nagi na sima ya classe. Nakozala na esengo ya kobondela na yo po oyamba Yesu.

====

SUKA YA LESO 10

====

Leso 11 Boboti na biso ya liboso batosaki te na Nzambe, ebongo bazwaki etumbu ya masumu na bango.

Ebandeli ch. 3 vs. 6-11

Kosala yambo: Mema mbuma moko ya kolia.

Tina ya Leso:

Na suka ya lesu oyo, bana bakososola ete biso bato tozali na bosenga mingi ya kobika, po biso nyonso tosalá masumu, biso nyonso totosaki na Nzambe te. Po na yango, biso tozali musika na Nzambe, pe etumbu po na yango ezali kufa ya seko na seko. Yango wana, ba oyo bakotiya motema na bango kaka na Yesu Kristo, bakobika. Na sima, bango bakobanda kosambela Nzambe ete bandeko mosusu pe babika.

Verse ya koyekola: *Rome ch. 5 vs. 12 & Rome ch. 6 vs. 23*

Rome 5:12: Masumu me kotaka na nsi-ntoto po na mabe ya moto moko oyo Adam, ebongo masumu me kwisaka kunata kufa. Yango

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

wana, bato nyonso ke fwaka po bango nyonso ke salaka masumu.

Rome 6:23: "Pamba té lifuta ya masumu ezali liwa; kasi likabo ya Nzambe ezali bomoi ya seko, na lisanga ya Nkolo na biso Yezu Kristo.

Revision:

Nani ayaki na Mwasi na makanisi oyo ezalaki ya Nzambe te? (Nioka, oyo ezalaki solo Satan.)

Kutuna devoir ya poso euti koleka:

Na poso euti koleka, to sengaki bino kobatela makanisi ya oyo ekotaki na mutu. Nani akoki kokanisa mutuna oyo esengeli bino kokanisa po likanisi nyonso? (Ee, esengeli komituna soki likanisi wana ezali kokende nzela moko na nyonso oyo oyebi etali Maloba na Nzambe.)

Nani akomeka kosala yango? Nani akoyebisa biso nini elekaki? (Molakisi, feliciter ba oyo ngo bamekaki komeka kosala devoir yango.)

Ebandeli ya Leso:

Akisa histoire oyo: Famille moko ekendeki kotala zamba national. Na zamba wana, libulu moko ya molai ezalaki. Bana bazalaki kosakana, kotala kitoko ya zamba wana. Kasi mama amonaki ete mwana moko azalaki kusakana penepene na libulu wana—penepene na yango penza na yango. Ye amonaki ete mwana ezalaki esika ya likama monene. Mama amonaki ete soki ogangi, pe mwana abangi, akoki kotambola nioka-nioka pe akoki kokweya makasi (na libulu). Mama alobelaki ye na maloba moko ya boboto. “Mwana na ngai, yaka awa epai na ngai!”

Suki mwana atosi te, soki atamboli na sima to pe na mopanzi ata mwa muke, mama ayebaki ete mwana wana esengeli kokweya, asengeli kokufa. Boni, mwana wana akotosa? Oyo ezali motuna ya makasi. Kotosa ezalaki

mutuya mingi koleka na tango wana, po mwana alingaki kokufa soki atosaki te.

Transition na Leso ya Bible:

Na mokapo ya misatu ya mukanda ya Ebandeli na Bible, totangaki histoire oyo ezali kolakisa tango ya baboti na biso ya liboso bazalaki pe na likama monene. Lkama yango ezalaki kozanga kotosa. Lokola mwana penepene na dibulu ya molai, baboti na biso ya liboso basosolaki te ete likama wana, atako bango bazalakika kaka na kati na yango. Bango basosolaki te ete etumbu monene esengelaki elanda bango soki batosi te. Esalamaka ndenge oyo:

Malakisi monene ya Leso Oyo na biteni 3:

Leso 11.1 Tangela bana: *Ebandeli ch. 3 vs.6* (Tanga malembe-malembe pe na expresion makasi. Loba makasi baverbe oyo ezali kolakisa nini mwasi asalaki. Ye **amonaki...Ye azwaki...Ye aliaki.**)



6 Mwasi amoni 'tè nzete yango ezali na mbuma ya elengi po na kolia pe kitoko po na kotala, pe yango ezali malamumu po na kopesa mayele. Yango wana akamati mbuma moko pe alei, apesi pe mobali na ye, bongo ye alei yango.

Leso 11.1 Kotuna bana lolengo oyo:

Niveau Primaire:

- Mwasi amonaki ete nzete ezalaki malamumu po na nini? (Po na kolia. Ye abandaki kokanisa ndenge nini ekozala po kolia yango.)
- Ye pe amonaki ete nzete wana ezalaki kitoko po na nini? (Po na kotala na miso.)
- Ye pe amonaki ete nzete wana ezalaki malamumu po na kosala nini? (Po na kopesa mayele)
- Ye azwaka makanisi wana wapi? (Na Satan)

- Ebongo, asalaka nini? (Abukaki mbuma pe aliaki yango.)
- Ye apesaki mbuma wana pe na nani? (Na mobali na Ye)
- Mobali na Ye asalaki nini na mbuma yango? (Ye pe aliaki yango.)
- Mobali na Ye ezalaki wapi tango oyo azalaki koleka? (Emonani ete ye azalaki esikamoko na Ye, to pe musika te.)
- Boni, okoki kokanisa? Nini Nzambe ayebisaki moto po na mbuma wana {ch. 2 vs. 17}? (Bakoki kolia yango te.)

Niveau Secondaire:

- Sens physique oyo Satan asalelaki po na kokende na mwasi ezalaki nini? (Komona.)
- Ndenge nini Satan asalelaki sens oyo po na kobenda Ye? (Abandaki na sens ya komona, po Nzambe alobaki yango na mobeko te. Ye alobaki te ete bango bakokaki kotala nzete wana te. Kasi lokola Ye abandaki kotala kitoko mingi ya nzete wana, Ye abandaki kokanisa kodia yango pe, atako Nzambe atiyelaki yango mobeko.)
- Kanisa yango: Soki omoni nanu te mbuma oyo ozali kolia liboso, ndenge wana, pe ozali kaka kotala yango, okoki koyeba été ezali malamumu po na kolia to pe te? (Ezali te. Mbuma ebele emonanaka kitoko, kasi ezali ngayi mingi, to pe mosusu pe ezali poison.)
- Ebongo, tangu Mwasi amonaki ete nzete wana ezalaki malamumu po na kolia, Wana ezalaki makambo

ya solo, to pe kaka makanisi na Ye? (Makanisi na ye pe ya Satan)

- Boni, Mwasi azalaki komituna to pe ezalaki kaka makanisi na Ye. ezalaki solo to te? (Ezali te. Ye andimaki makanisi na ye lokola makambo ya solo.)
- Nani moto ya liboso apesaki makanisi ete mbuma oyo ezalaki malamumu po na kopesa mayele? (Satan azalaki moto ya liboso. Na verse 5, tozali kotanga ete alobaki na Mwasi, “mokolo oyo bokolia yango, miso na beno ekofungwama, boko zala lokola Ye Nzambe, bokoyeba makambo ya malamumu na makambo ya mabe lokola Ye.”)
- Boni, Mwasi andimaki likanisi wana ya Satan lokola solo to te? (Ee, lokola solo.)
- Ndenge nini Satan asalelaki sens ya komona po na komekama na biso lel’oyo?

(Molakisi, yoka makanisi ya bana ya classe. Biyano biyano ekoki kozala ya ndenge na ndenge, lokola: kokanisa mabe soki tomoni Mwasi ya kitoko to moto alati na ndenge ya kolakisa nzoto na Ye, kotala bafoto to bacinema ya bato bazali kosala makambo sexuel, kotala bacinema to tele ya mabe ya ndenge na ndenge, koyoka posa ya biloko ya moto mosusu, etc. Kotuna bana ndenge nini biloko oyo ekoki kobenda bango na kosala mabe.)

- Ndenge nini Satan akoki kosalela likanisi ete tokoki kokoma lokola Nzambe po na kobenda biso kotika nzela na ye. (Molakisi,

encourager bana kosolula. Makanisi oyo ezali komonana mbala ebele na basecte, bareligion ya mabe, basociete ya kobombana, esika basambelaka bikeko, etc.)

- Na kaki ya culture ya Afrika, ndenge nini Satan azali kosalela likanisi wana? (Discussion.)
- Tala ete Nzambe alobaki ete mokolo bokolia wana, makambo moko ekokweya, kasi Satan, alobaki ete makambo mosusu ekokweya na mokolo wana? Nini Nzambe alobaki nini, pe loba nini Satan alobaki? (Nzambe alobaki ete kokufa, kasi Satan alobaki ete okokufa te.)
- Tango nini babwaka nkona na masumu? (Babwakaki tango bango baliaki mbuma wana.)
- Po na nini yo ezalaki na masumu? (Yo ezalaki na masumu po batosaki Nzambe te.)

Leso 11.1 Kolakisa nini esalemaki:



Bana Basi nyonso na lisanga basala bageste lokola Mwasi. Batala mbuma ya mobeko. Bango batala pe bango bakanisa tangu mingi. Mbuma ebenda bango koleka pe koleka. Na suka bango balia, pe bango bapesa na bana mibali. Bana mibali bazua yango pe balia yango pe. Ebongo, na lisanga bango baganga ete, “A oyo! Bisu tosumaki.”

Leso 11.1 Koyemba pe kobina:



Koyemba pe Kobina na masanga mibale. Lisanga ya liboso ya bana ezali kolakisa Nzambe. Bango bayemba na bana mosusu:

“Kolia te mbuma wana. Kolia te mbuma wana.

Kolia eloko nyonso mosusu, kasi Kolia te mbumba wana.”

Kimvuka ya mibale ya bana ezali kolakisa mobali pe Mwasi ya liboso. Bango babina na cercle pene-pene na nzete moko (mwana moko akoki kosimba nzete kolakisa nzete wana.) Bango batala nzete wana koleka pe koleka.

Bana Basi basimba mbuma pe kolia. Bango bapesa bana mibali pe bango balia.

Tango bango bakolia, bana oyo bazali kolakisa Nzambe azali kolakisa mawa mingi. Bango babanda koyemba “Aii-oyo-oyoi!” Masumu-eee!”

aliaki pe aliaki.

Leso 11.2 Tangela bana: Ebandeli ch. 3 vs. 7-8



7 Tango basilisi kolia yango, miso na bango efungwami, pe bayei koyemba 'tè bazali bolumbu. Bakamati makasa ya nzete ya figi, batóngi yango lokola bilamba pe balati.

8 Na pokwa, tango mopepe ya malili ekómi, bayoki Yawe Nzambe azali kotambola na kati ya elanga. Bakimi ye pe babombani na kati ya banzete.

Leso 11.2 Kotuna bana lolengo oyo:



Niveau Primaire:

- Na sima bango baboyaki mobeko ya Nzambe pe bango baliaki mbuma oyo Nzambe apekisaki, makambo nini elekaka mbangu? (Miso na bango efungwaki.)
- tango miso na bango efungwamaki, nini bango bakisaka noki? (Bango bazalaki bolumbu.)

- Boni, bango zabaki te liboso ya moment wana ete bango bazalaki bolumbu? Bango bakanisaki nini? Ete bango bazalaki kolata bilamba?

(Ee, bango bazabaki ete bango bazalaki bulumbu, kasi na sima ya masumu, bango bamonaki oyo ndenge mosusu. Bango bayokaki soni.)

- Bango bayokaki soni na kovanda bolumbu, ebongo nini bango batongaki po na kozipa nzoto na bango?
(Bango batongaka eloko lokola elamba ya kolata ya makasa ya nzete ya figue.)

- Na sima bango balati bilamba elamba ya makasa wana, bango bayokaki ete nani azalaki kotambola na elanga? (Nzambe)

- Bango basalaki nini? (Bango bamibombaki na kati ya banzete ya elanga.)

- Bango bazalaki kokima nani? (Nzambe)

- Liboso bango bazalaki na esengo ya kotambola na boyokani na Nzambe na elanga. Po na nini bango balingaki te tangu wana komona Ye? (Bango basosolaki ete bango babuki mobeko na Ye, ebongo bango bayokaki soni na miso na Ye.)

Niveau Secondaire:

- Baboti na biso ya liboso, bakanisaki ete soki baliyé mbuma ya mobeko, ekomemela bango makabo ya malam, kasi nini ememelaki bango? (Soni. Boyokani na bango na Nzambe

ezalaki kokatana. Bango bazalaki na esengo lisusu te na kotambola na Nzambe.)

- Baponaki nzela ya mabe, ya libungi tangu bazuaki mbuma ya nzete ya mobeko. Boni, bango baponaki nzela ya libungi lisusu tango oyo? Po na nini? (Ee, bango baponaki nzela ya libungi po bandimaki masumu na bango te, kasi bamibombaki kati ya banzete po Nzambe amona bango te.)

- Kanisa – Boni, ezali mayele? Bango bazalaki komeka komibomba liboso yana Nzambe. Po na nini bango bazalaki te na ndenge kosala yango?


(Nzambe ayebaki nyonso pe Ye amonaka nyonso. Bazalaki komibomba na kati ya banzete ya elanga. Kasi ezala Nzambe asalaki banzete ya elanga wana. Moto akoki komibomba te liboso ya Nzambe, po Ye azali Nzambe! Kanisa verse ya Leso 1.)

Leso 11.2 Kolakisa nini esalemaki:



Sala théâtre ya bana nyonso na lisanga. Bango basala lokola bango bazali na mbuma na loboko. Baloba ete, “Mbuma oyo ezali mobeko.” Na sima bango kolia ndambu na yango. Noki, bango basala lokola bazali na kobanga. Bango bakima, babanda koluka pe koganga banzete. Bameka makasi kozipa nzete na bango na makasa. Na sima, bango basala lokola bango bazali koyoka moto azali kotambola penepene. Bango bakima pe babombana.

Leso 11.2 Koyemba pe kobina:

 “Esengeli kozipa... kaka kozipa...
kaka komizipa soni, o, soni
Esengeli kobomba... kaka bomba...
kaka komibomba
Soni, o, soni
Na sumukaki nasumukaki
Soni, o, soni
To—yemba Koyemba traditionel-
O-o—o-o- Makambo ezali
O-o-o-o Makambo ezali—awa!

Leso 11.3 Tangela bana: *Ebandeli ch. 3 vs. 9-11*



9 Kasi Yawe Nzambe abengi mobali, atuni ye: "Ozali wapi?"

10 Mobali azongisi: "Nayokaki yo ozali kotambola na kati ya elanga, bongo nabangaki pe nabombani po nazali bolumbu."

11 Yawe Nzambe atuni ye lisusu: "Nani ayebisi yo 'tè ozali bolumbu? Olei mbuma oyo napekisaki yo?"

Leso 11.3 Kotuna bana lolengo oyo:



Niveau Primaire:

- Tango mobali pe Mwasi bakendeki kobombona, nani abengaki bango? (Nkolo Nzambe)
- Nzambe atunaki nini? (Ozali wapi?)
- Po na nini okanisi Nzambe otunaki boye? Boni, bamonaki pasi koyeba soki bango bazalaki wapi? (Ezali te. Ye eyebi makambo nyonso, ebongo Ye ayebaki bango bazalaki wapi. Atunaki bongo po

Alingaki moto ekanisa malamumu pe kondima ete makambo ezalaki.)

- Nini ezalaki eyano oyo moto apesaki na Nzambe? (Na bangaki, po nazalaki bolumbu, ebongo nabombanaki.)
- Boni, moto azalaki kobanga liboso po na bolumbu na Ye? (Ezali te. Liboso, Ye ezalaki bolumbu pe Mwasi na Ye, pe bango bazalaki na kobanga te, soni te. Kanisa 2:25.)
- Nini ebaluki sik'oyo, bayoki soni? (Basumuki. Batosi te na maloba na Nzambe.)
- Na sima, Nzambe atunaki mituna mibale mosusu. Mituna yango ezali nini?

(1. Nani eyebisi yo ete ozali bolumbu? Pe

2. Boni, oliyé mbuma ya nzete wana oyo na tiyaki mobeko?)

Niveau Secondaire:

- Boni, emonani ete moto ayebaki maloba na Nzambe tango Alobaki? (Ee, Ayebaki yango.)
- Oyo elingi koloba nini? (Elakisi ete Nzambe atamboli pe Asololi na bango liboso ya tango wana.)
- Okanisi nini ezalaki na motema pe na makanisi ya bato tango Nzambe atunaki bango soki baliyaki mbuma oyo ya mobeko?

(Bango bamonaki lokola Nzambe akangi bango. Bamiyokaki ete bazalaki cupable. Babangaki, soni.

Leso 11.3 Kolakisa nini esalemaki:



Kabola bana ya classe na biteni mibale. Ya liboso etalisi parti ya Nzambe, pe ya mibale, po na kosala théâtre oyo ezali kolakisa Nzambe azali koluka bato pe eyano na bango.

Leso 11.3 Koyemba pe kobina:



Bana bayemba na biteni mibale, ya liboso bayemba lokola Nzambe pe ya mibale lokola moto:

Nzambe: Moto, ozali wapi? Moto yo wapi? Moto: Nazalaki ya kobombana, Nazalaki ya kobombana.)

Nzambe: Oliyé mbuma, mbuma oyo ya mobeko?”

Moto: (Komisimba na kobanga ya mingi lokola Alingaki kosala crize ya motema.)

Soni! O soni! O soni! Mawa!

Devoir po na bana oyo bayebi dezia Yesu:

Boni, tang’oyo, okoki kokanisa bandeko pe bavoisin misato oyo bayebi Nkolo Yesu nanu te? (Bajeune bakoki kokoma bakombo na eteni ya papier. Soki papier ezali te, bakoki kokoma bakombo wana na mopepe na mosapi na bango po kosalela yango po kokanisa. Boni, okosambela Nzambe banda lel’oyo mikolo nyonso oyo oyoki Sango na Yesu, pe okososola yango, pe koyamba Yesu lokola Mobikisi?)

Kobenga bana oyo bayamba nanu Yesu te:

Bible elobi ete bato nyonso batosaki te na Nzambe. Bato nyonso basala masumu. Yo, pe, osala masumu. Nzela ya lobiko ezali kaka bobele moko: nzela ya Yesu Kristo. Ozali na bosenga ya koyamba Nkolo Yesu Kristo lokola Mokonji pe Mobikisi. Soki nanu oyambi ye nanu te, kasi lel’oyo olingi koyamba Ye, na sima ya classe, zela ngai kuna (Molakisi, lakisa esika bana bakoki kokutana na yo.) Nakozala na esengo mingi ya kosalisa yo koya na Yesu lel’oyo.

SUKA YA LESO 11

Leso 12—Baboti na biso ya liboso basali faute, ba mosusu, pe Nzambe apesaki bango etumbu.

Ebandeli ch. 3 vs. 12-19

Kosala yambo:

Kata “makolo” lokola serpent ya papier, ebongo kanga yango na nzete. Okosalela yango na 2C, Kolakisa nini esalamaki.

Tina ya Leso:

Na suka na lesu oyo, bana ya classe bakososola ete makambo ya mawa ekolanda, tango biso totonsi te na Nzambe. Ebongo bango bakotika masumu na bango pe koyamba ngolu ya Nzambe. Bakondima Yesu lokola Mobikisi na bango.

Verse kulonguka: Bingana ch.28 vs. 13

28:13 Moto oyo abombaka mabe na ye, bomoi na ye ebongaka té; kasi moto oyo abimisaka polele mabe na ye pe atikaka yango, Nzambe alimbisaka ye.

Revision:

- Makambo moko ya mabe nini oyo baboti na biso basalaki? (Byokaki lokuta ya Satan, ebongo batosaki na Nzambe te.)
- Ndenge nini bayokaki na motema, na sima bango kosumuka? (Bayokaki soni liboso ya Nzambe.)

Kutuna devoir ya poso euti koleka:

Bokanisa ete, na poso eleki, topesaki bino devoir na Ebandeli po na kosambela poso nyonso po na bato bibale oyo oyebi, ete baya na Yesu.

- Nani asambelaki ndenge wana posi oyo? (Molakisi, luka eyano na bana pe encourager ba oyo bamekaki kosala yango.)

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

- Boni, na kati ya poso eleki, Nzambe apesaki yo tango oyo okakaki kosolola na moko na bango makambo ya Yesu?
- Boni, kati na poso oyo eleki, Nzambe apesaki yo tango ya komona ndenge ya kosalisa moko na bango?
- Boni, apesaki yo ndenge ya kolakisa bondeko na bango?
- Nani akoki kolakisa biso nini elekaki?
- Bakanisa kolanda kaka na kosambela bango Nzambe kino na tango bakoya na Yesu.

Ebandeli ya Leso:

Bana basala théâtre ezali kolakisa mwana oyo atosaka te na tata na Ye, ebongo abandi kokanisa lokuta oyo akoloba po na kozipa masumu na Ye. Azali na mawa mingi, azali kobanga ete tata akokanga ye, pe azali kobanga etumbu, pe azali na soni mingi, etc.

Transition to the Bible Leso:

Lokola mwana na théâtre oyo, baboti na biso ya liboso, batosaki Nzambe te. To witi dezia kotanga ndambu ya makambo ya mabe oyo elandaki masumu na bango. Makambo yango nini? (Bayokaki soni, pe babombanaki. Boyokani ya malamumu na Nzambe ekatanaki. Boni, esili to makambo mosusu ya mabe elandaki? Boni, Nzambe apesaki etumbu? Tika totala nini Bible ezali koyebisa biso. Tofongola mokanda ya Ebandeli ch. 3, vs. 12.

Malakisi ya Nene ya Leso Oyo na biteni 2:

Leso 12.1 Tangela bana: *Ebandeli ch. 3 vs. 12-13.*



12 Mobali azongisi: "Mwasi oyo opesaki ngai, ye moto ayeelaki ngai mbuma yango po nalia; yango wana naliaki yango."

13 Yawe Nzambe atuni mwasi: "Po na nini osali boye?" Mwasi azongisi: "Nyoka moto akosi ngai, yango wana naliaki mbuma yango."

Leso 12.1 Kotuna bana lolengo oyo:

Niveau Primaire:

- Faute ya Mobali ezalaki nini po na masumu na ye? (Mwasi. Mwasi oyo opesaki ngai, ezali ye moto apesaki ngai mbuma po nalia, yango wana na liaki yango.)
- Faute ya Mwasi ezalaki nini po na masumu na ye? (Nioka, Nioka akosaki ngai ete na lia.)
- Na suka ya makambo oyo, nani andimaki faute na ye moko? (Ata moto te.)
- Nani andimaki masumu pe asengaki bolimbisis na Nzambe? (Ata moto te.)
- Boni, ezali pe pasi po na biso lel'oyo kondima masumu na biso? (Ee, biso pe mbango kotiya faute likolo ya bato mosusu.)

Niveau Secondaire:

- Nzambe atunaki nani makambo wana? (Mobali pe Mwasi)
- Na nani Nzambe atunaki makambo wana te? (Atunaki te nioka.)
- Po na nini okanisa atunaki nioka te? (Mbala mosusu po Satan azalaki kosalela nioka, pe Satan azali moto po nkolo lokuta.)
- faiblesse nini bato yango balakisaki? (Mbala ebele biso bato tozalaka noki te kondima masumu na biso, kasi tozali bangu kotiya faute na bato mosusu.)
- Makambo moko ya malamumu oyo esalemaki awa ezali ebandeli to source ya komekama oyo emonani. Ezalaki nani? (Satan.)
- Bato bazalaki koluka baexcuse, kasi nini

Mour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

bango balobaki, ezalaki solo? (Ee. Solo Mwasi apesaki mobali mbuma wana, pe solo nioka Satan akosaki Mwasi.)

- Po ete ezalaki ya solo, boni, elongoalai responsabilite personel na bango? (Ezali te. Etumbu elandaki, moto na moto, po na oyo Ye asalaki, lokola biso ta monaki.)

Leso 12.1 Kolakisa nini esalemaki:



Bana minei (to bagroupe minei ya bana) basala lokola bango bazali Nzambe, mobali, Mwasi, pe nioka. Nzambe atuni mituna, mobali atiya faute na Mwasi, Mwasi akweyisa faute na nioka, pe nioka okoloba kaka “sssssss.”

Leso 12.1 Koyemba pe kobina:



Mobali aloba ete, “Ezali faute ya Mwasi!”

Mwasi aloba ete, “Ezali faute ya nioka Satan!”

Bato nyonso baloba: “Ezali faute na ngai te. Kasi faute ya moto mosusu.” (Balakisa misapi na direction nyonso.)

Ngai te! Ngai te! Ye ee! Ye ee!

Mawa ee! Mawa ee!

Leso 12.2 Tangela bana: Ebandeli ch. 3 vs. 14



14 Yawe Nzambe alobi na nyoka: “Lokola osali boye, nakopesa yo etumbu na kati ya banyama nyonso ya zamba pe ya mboka.

Banda lelo, na bomoi na yo mobimba okobanda kotambola na libumu pe okozala kolia mabelé.

Leso 12.2 Kotuna bana lolengo oyo:

Niveau Primaire:



- Nani azali koloba na verse oyo? (Nkolo Nzambe)
- Azali koloba na nani? (Na nioka Satan)
- Po na nini Nzambe apesi etumbu na nioka? (Po apengwisi Mwasi.)
- Nini Nzambe asalaki na nioka yango? (Alakeli mabe nioka oyo Satan.)
- Boni, kolakelama mabe ya nioka ezali lokola ya banyama mosusu? (Te, oyo eleki makasi mingi.)
- Ndenge nini Nzambe abalolaki ndenge ya kotambola ya nioka? (Esengeli atambolaka na libumu na mabele banda tango yango.)
- Nioka yango asengeli kolia nini? (Mabele. Oyo elakisi ete nioka ekweyaki pe Nzambe alongaki.)

Niveau Secondaire:

- Kanisa phrase oyo, “Na kati ya banyama nyonso, yo moko kaka okozwa etumbu po na makambo oyo osalaki.” Boni, Nzambe alakeli banyama mosusu mabe po na masumu oyo? (Tala Rome 8:22: *Ya solo, toyebi 'tè tii sik'oyo biloko nyonso Nzambe asalá ezali kolela pe komona pasi, lokola mwasi oyo alingi kobota*
- ‘Nioka akolia mabele’ ezali ndenge ya koloba. Okanisi ete elingi koloba nini? Tala pe Banzembo ch 72 vs. 9. “Banguna bakogumbama liboso na Ye. Bato oyo baboyaki bokonzi na ye

bakofukamela ye.” (Elingi kolakisa ete moto alongi likolo na bango, kasi bango bakweyi, bango bakiti, Soni ekangi bango.)

- Oyo ezali koloba nini po na positio ya Satan ya solo? (Ye alongi te, Ye akweyi, Soni ekangi ye.”

Leso 12.2 Kolakisa nini esalemaki:



Kanga “makolo” ya papier na nzete. Mwana moko asimba yango ya kotelema lokola nioka. Mwana mosusu asala lokola Nzambe. Aloba ete, “Okokota na libumu ya mokili to mabele.” Niokana se. Mwana ya misato alongola makolo na yango. Bana nyonso bayebisa yango: “Nzambe alongi yo! Kende kolia putulu ya mabele!” Nioka abima.

Leso 12.2 Koyemba pe kobina:



Nioka Satan, olakelami mabe! Kotambola na libumu! Kokende bikende kende!

Nzambe alongo yo! Kende kolia putulu ya mabele!

Olongi te, te, te.

Devoir po na banaoyo dezia bayebi Yesu:

Po na masumu ya baboti na biso ya liboso, makambo ya mabe, ya pasi elandaki. Baboti balingaki kopesa baraison na bango, kasi Nzambe ndimaka te ata moko.

Makambo ya mabe, ya pasi elandaka masumu tango nyonso. Atako oyamba Yesu lokola Mobikisi na yo, tango mosusu Nzambe azali kolakisa yo makambo moko ya mabe oyo okobi nakosala. Kozela te kino tango masumu wana okomonana na bato. Ndima masumu yango na Nzambe sik’oyo. Senga bolimbisi na ye, pe senga lisungi na Ye pe kotika yango.

Nzambe akoki kolimbisa baraison na biso te, kasi ayokelaka biso mawa mingi po na kolimbisa biso tango tondimi masumu pe tango tolingi kotika yango.

Kobenga bana oyo bayamba nanu Yesu te:

Kasi yo, tango mosusu nanu oyambá Yesu te. Bisu nyonso tosala masumu, lokola Bible olobi na Rome ch. 3 vs. 23. Yo pe osali masumu. Yesu ayaki na se ya mokili oyo, ebongo akufwaki po na kufuta etumbu ya masumu na yo. Pe asekwaki na bawei, ebongo lel’oyo, azali na bomoi. Pe azali esika moko na Tata na lola, pe akoyokana na yo soki obengi ye. Boni, olingi koyamba ye lelo lokola Mobikisi na yo? Soki olingi kobenga ye, koyamba Ye lel’oyo, na kozala na esengo ya kosambela na yo na sima ya classe. (Molakisi, lakisa wapi mwana esengeli akutana na yo.)

====

SUKA YA LESO 12

====

Leso 13 Nzambe alakaki kotinda Mobikisi.

Ebandeli ch. 3 vs. 15

Molakisi, NB: Ebandeli ch. 3 vs.15 ezali verse ya mutuya mingi, pe biloko ebele ya mutuya ezali na kati na yango. Ebongo, tokanisa yango malembe-malembe. Atako ezali verse moko kaka, tokokata yango na biteni minei. Na sima, tokoleka libosos pe koyemba mwa baverse 20 ti 21, ebongo tokozonga na verse 16 na poso ekoya, na Leso 14.

Tina ya Leso:

Na suka ya lesu oyo, bana bakoyeba ete wuta kala, Nzambe alakaki et Mobikisi akoya, akowuta kaka na Mwasi, kasi na mobali te. Nzambe akokisaki elaka oyo na Yesu Kristo. Abotamaki na mwasi ayebi nanu mobali te, pe Nzambe Tata Ye moko azalaki Tata na

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

Ye. Ebongo, bana oyo bayebi Yesu nanu te, bakondima Ye lokola Mobikisi na bango. Bango oyo bayebi Ye dezia, bakosala makasi kosambela po na bandeko na bango oyo nanu babiki te.

Verse ya koyekola: Galatia ch. 4 vs. 4

Kasi tango mokolo oyo Nzambe aiyaki ekokaki, Nzambe atindaki Mwana na Ye, oyo abotamaki na Mwasi...”

Kobangisa yambo:

Luka bafoto mibale, ya Mwasi, pe ya nioka (to luka biloko mutuya ya kodessiner yango). Osalela bafoto oyo na Revision.

Revision:

Lakisa bafoto 3 to dessiner yango na tableau to na na mabele—Foto ya mobali, Mwasi, pe nioka. Etumbu nini elandaki po na moko na moko po na masumu oyo basalaki? (Nzambe alakelaki mabe mokili, ebongo mosala ya mobali ekomaki kolmeke pasi, Mwasi pe akomona pasi koleka na kobota bana, mobali akokonza likolo na ye, pe nioka akotambola likolo ya libumu na ye pe akolia mabele.)

Kutuna devoir ya poso euti koleka:

Na poso euti koleka, tosengaki bino ete mwana nyonso andimela pe atika masumu na bomoi na ye, po etumbu ezali ekolanda yo te pe ekokanga yo te.

- Ndenge nini esalami? Boni, bozali na bosenga ya losambo koleka po na kosalisa yo kozala ya kotingama na makambo wana? (Zala na tango ya losambo po na bana nyonso oyo balingi kotika masumu bomoi na bango.)

Ebandeli ya Leso:

Mbala ebele toyoki ete Nzambe alakaki kala ete Mobikisi akoya. Boni, olingi koyeba nini tango Nzambe apesaki bilaka wana? Boni, olingi koyeba nini penza Ye alakaki?

Transition na Leso ya Bible:

Lel’oyo tokoyekola ndenge nini esalemaki ete Nzambe alakaki Mobikisi oyo akoya. Oyo ezali mutuya mingi, ebongo, yoka malamumu.

Malakisi Monene ya Leso Oyo na biteni 5:

Leso 13.1 Tangela bana: *Ebandeli ch. 3 vs. 15a*



Nakosala 'tè bózala banguna yo nyoka ná mwasi,"

Leso 13.1 Kotuna bana lolenge oyo--

Niveaux Nyonso:



- Nani azali “Nako--ngai” na verse oyo? Nani azali koloba? (Nzambe azali koloba)
- Nzambe azali koloba ete akosala nini kati ya nioka na Mwasi? (Akokomisa bango banguna.)
- Nzambe azali koloba na nani? (Na nioka Satan)

Leso 13.1 Kolakisa nini esalemaki:



Tiya bana ya classe na biteni mibale. Moko azali lokola nioka pe mosusu lokola Mwasi. Sala lokola Nzambe. Sala lokola lokola ozali kobwakela bango balle ya monene, pe ganga, “Nazali kokomisa bino banguna!” Ebongo bagroupe mibale babandi kosala lokola bango bazali banguna. [Kasi bakoki kobunda na nzoto te. Bango baktikala moto na moto na esika na ye. Bakoki kosala bageste pe kolakisa bilongi ya mabe kaka. Kosala bageste oyo ezali kolakisa ete bandimi makanisi wana. Bana oyo bazali kosala parti oyo bazali kaka kolakisa ndenge Satan amekaki Yesu.]

Leso 13.1 Koyemba pe kobina:



Yo, nioka, Satan (Lakisa loboko na loboko ya kimwasi)

Yo Mwasi, a, a, a (lakisa loboko na loboko ya kimobali)

Bokomi banguna. (sala geste lokola ozali kobunda)

Leso 13.2 Tangela bana: *Ebandeli ch. 3 vs. 15b*



... libota na yo ná libota na ye. Bango bakonyata yo na motó,

Leso 13.2 Kotuna bana lolenge oyo--



Niveaux Nyonso:

- Nzambe alobaki ete akokomisa nani banguna lisusu? (libota ya Mwasi pe oyo ya nioka Satan). Na français maloba oyo “libota” ezali “nkona”. Nkona ya Mwasi pe nkona ya nioka. Oyo ezali mutuya.
- Yon a ngai, biso bato tozali libota ya Mwasi **pe ya mobali**. Moyo na biso ebandi tango nkona ya Mwasi ekangamaki na nkona ya mobali. Ebongo biso tozali na mama ya bomoto pe tata ya bomoto. Ezali boye te? (Ee)
- Boni, na histoire nyonso, moto abotamaki, ezali **kaka** mwasi abotaka Mwana, kasi mwana oyo abotami na mobali te? Moto azali **kaka** nkona ya Mwasi? (Ee, soki tondimeli Bible, Yesu Kristo abotamaki na Mwasi, Mama Maria, oyo ayebaki nanu mobali te.)
- Bible ezali kosalela verbe nini awa po na kolakisa makanisi ya nioka po na Mwasi? (Bango bakonyata. Oyo ezali maloba moko ya makasi ezali kolakisa ete bako zala banguna monene.)

Leso 13.2 Kolakisa nini esalemaki:



Yebisa mwana moko kozala Yesu, nkona ya Mwasi, pe moko azala nkona to bana ya Satan. Yesu

akotelema kaka, loboko ya kofongola na bolinglo. Kasi bana ya Satan, bakolakisa kinguna ya makasi na Yesu.

Leso 13.2 Koyemba pe kobina:



Bana ya Satan
Bakolinga Yesu te!
Bonguna ya bango ekozala makasi!

Leso 13.3 Tangela bana: *Ebandeli ch.3 vs.15c*

... Bango bakonyata yo na motó, ...



Français elobi “*Ye akonyataka yo na motó...*” Nkona oyo ya verse oyo ezalio koloba, ezali te bana nyonso ya Mwasi, kasi ezali mwana moko oyo abotami **kaka** na Mwasi. Ezali koloba po na Mobikisi oyo Nzambe akotinda, Yesu oyo akobotama na Mwasi kasi na mobali te.

**Leso 13.3 Kotuna mituna lolenge oyo--
Niveaux Nyonso:**



- Nani azali kolaba na verse oyo? (Nzambe azali koloba na nioka Satan.)
- Nkona ya Mwasi ekosala nini na nioka Satan? (Ekonyata Ye na motó.)
- Nzambe azali koloba éte nani akonyata Satan na motó? (Yesu Mesiya)
- Tango nini Oyo omoni ete Yesu anyataki motó ya Satan? (Tango Akufaki pe esekwaki.)
- Soki moto anyati na lokolo nioka, boni, ekokufa? (Ee, ekokufa.)
- Oyo elingi kolakaisa ete Yesu akoya, Akosala Satan nini? (Yesu akosilisa makasi ya Satan.)


Leso 13.3 Kolakisa nini esalemaki:



Tango oyo bana basala lokola bango bazali Yesu. Basala bageste lokola Satan

azali nioka na se ya makolo na bango.
Baniata makasi motù na Ye. Tango
bazali konyata yango, baganga ete,
“Yesu akufaki na esika na biso! Yesu
esekwi!”

Leso 13.3 Koyemba pe kobina:

 Yoka, Satan!” (Kolakisa mosapi.)
Yesu akonyata yo!

Akoniata, koniata motù na yo.

Koniata, koniata motù na yo

Yoka, Satan!

Yesu akosilisa

Makasi na yo

Ye akolonga yo, O yea!

Ye akolonga yo, O yea!

Leso 13.4 Tangela bana: Ebandeli ch. 3 vs.15d



... Bango bakonyata yo na motù, pe
yo okoswa bango na makolo.”
(français “Okosua ye na makolo.”)

Leso 13.4 Kotuna bana lolenge oyo--

Niveau Primaire:



- Nani azali koloba na verse oyo?
(Nzambe azali koloba na nioka
Satan.)
- Satan pe akosala eloko moko na
Yesu. Nini yango? (Satan akosua
Yesu na lokolo.)
- Soki moto aniati yo na lokolo,
ekopesa yo pasi mingi. Boni, Yesu
amonaki pasi likolo ya ekulusu? (Ee,
bongo!)
- Soki moto aniati yo na lokolo, boni,
ekoboma yo? (Ezali te. Ekopesa pasi,
kasi ekoboma moto te.)

Niveau Secondaire:

Zongela Ebandeli na verse 15 pe
tanga nyonso mbala moko. Salela
ndenge français azali koloba yango,

po na kolakisa ete nkona ya Mwasi
yango ezali moto moko kaka.

- Verse oyo ezali kalaka nini po na
Mobkisi? (Akobotama na nkona ya
Mwasi, Satan akopesa ye pasi
mingi, kasi Satan akosukisa Ye te.
Ye Mesie akosilisa makasi to
molende ya Satan.)

Leso 13.4C. Kolakisa nini esalemaki:



Bana nyonso na lisanga basala lokola
bango bazali Nzambe azali koloba na
nioka Satan. Bango bazali kolobela
yango na Yesu. Bango bazali kolakisa
ye loboko pe koloba, (phrase na
phrase, na sima na yo:)

“Yo Satan okoniata lokolo ya Mesie.
Ha! Ha!

Kasi okoki koniata motù ya Mesie te,
Satan—

Kaka lokolo na Ye!

Okopesa Ye pasi, Satan,
kasi okosukisa Ye te.

Ye akosukisa yo, Satan!

Ye okoniata yo na motù pe akosilisa
makasi na yo nyonso.

Ha! Ha! Ha! Ha!

Leso 13.4D. Koyemba pe kobina:



Satan akoniata lokolo ya Yesu Ai-
oyo!

Kasi Yesu akosukisa ye! Mm. Mm.

**Tango oyo, pe tuna bana lolenge
oyo po na verse ya mvimba:**



- Ndenge nini verse oyo ezali
kolaka ete Mesie to Mobikisi
akoya?
- Nini ezali na kati ya elaka oyo, oyo
ezali extraordinaire? (Mobilisi
akozala kaka nkona ya Mwasi.)
- Soki ezalaki kaka na mokanda ya
Ebandeli yango moko, ndenge nini
tokokaki koyeba ete Yesu akolonga

Satan? (Po Ye akoniata motù ya nioka Satan.)

- Na sima ya kotanga verse oyo, ndenge nini tomoni ete Yesu pe Satan bazali na Bible? (Bazali banguna.)
- Nani akoki kolimbola verso oyo na maloba na ye moko?
- Po na nini verse oyo ezalaki sangu malamumu po na baboti na biso ya liboso pe famille na bango oyo ekobotama na sima?
- Po na nini ezali sangu malamumu po na biso lel'oyo?

Devoir po na bana oyo bayebi dezia Yesu:

Na elanga ya Edeni Nzambe alakaki ete akotinda Mobikisi, pe Mobikisi yango akobotama na Mwasi, kasi na mobali te. Nzambe akokisaki elaka yango tango Ye atindaki Yesu Kristo, mwana na Ye moko, na se ya mokili na biso.

Soki oyebi Yesu lokola Mobikisi na yo, boni, okosambela po ete bato mosusu pe bayemba Ye lokola? Sik'oyo, meka kokanisa bakombo ya baninga to bandeko oyo nanu bayebi Yesu te. Sambela sik'oyo ete babika, pe koba kaka kotiya bango na losambo. (Molakisi, sambela po na ba oyo bayebi nanu Yesu te na esika bino bozalaka.)

Kobenga bana oyo bayamba nanu Yesu te:

Kasi yo moko, boni, osili koyamba Yesu? Oyebi penza ete osili kotiya motema (elikia) na yo Ye lokola Mobikisi na yo? Yesu alakaki, “Moto nyonso oyo akoya na ngai, na koboya ye te” (Yoane mokapo 6 nzela 37b). Soki oyebi ya solo ete nanu oyambi Ye te, okoki kokutana na ngai na sima ya classe lel'oyo? (Molakisi lakisa esika oyo bana bakokutana na yo. Na sima ya ecodim, yo moko kobosana te kokende na esika esengeli bokutana na bana oyo baling koyamba Yesu.)

====

SUKA YA LESO 13

====

Leso 14 Masumu ebebisa mokili mobimba.

Ebandeli 3, vs.16-20

Kosala yambo: Koma tableau oyo ezali koloba, “mokambi ya Famille”. Salela na 14.1 Kolakisa nini esalamaki. Kata pe banzete ya ndenge na ndenge pe mema cantine ya zelo. Memu ndambo banzete to pe makasa mosusu ya mabe. Osalela yango na 14.2 ‘Kolakisa nini esalamaki.’

Tina ya Leso:

Na suka ya lesu oyo, bana bakososola ete masumu ezali kobenda makambo ya pasi mingi na bomoi na bango mobimba. Masumu ya bobuti na biso ya liboso ebisaki mokili mobimba. Yango wana, bango bakososola te ete Nzambe amemeli biso makambo ya mokili, kasi bango bakososola ete ezali nde masumu esali yango.

Verse ya koyekola: Masese ch. 19 vs. 3

Bato mosusu bazali kolukela bapasi na makambo na bango ya buzoba, ebongo na sima bazali koyekela Nkolo Mfumumu Nzambe kanda?

Revision:

Na poso ewuti koleka, toyekolaki elaka moko ya mutuya mingi po na Mobikisi oyo Nzambe alakaki ete akoya. Nani ye wana? (Ye akozala nkona ya mwana kaka. Akobotama na libumu ya Mwasi oyo nanu ayebi mobali te.) Nini Mobikisi yango akosala na nioka Satan? (Akoniata motù na ye po na kosilisa makasi na ye.)

Kutuna devoir ya poso euti koleka:

Boni, okokoka kotiya na losambo ba oyo nanu bayebi Yesu te? Banani bato yo okotiya na losambo? (Molakisi, na tango ya losambo, bana bakoki kosambela nan a

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

babungi ya ba famille na bango, mboka na bango, Ekolo na bango, ya Mokili mobimba.)

Ebandeli ya Leso:

Bana mibale basala théâtre. Bazali kosolola bapasi pe mabe ya basango ya mokolo wana. Ba bandi kotanga ba mabe mingi ya mokili oyo. Moko na bango abandi koyima-yima ete ezali Nzambe moto azali kopesa biso bampasi oyo, po Ye moto asalaki mokili oyo ya mabe. Mwana mosusu aloba ete mabe euti na biso bato po tozali kobila na ndenge moko ya mabe. Na sima ya théâtre, tuna bana mituna oyo:

- Boni, Nzambe asalaki mokili ya se mabe? (Ezali te. Ezali sik'oyo mabe, kasi na ebandeli, Nzambe asalaki yango malamumu. Kanisa *Ebandeli ch. 1 vs. 31.*)

Transition na Leso ya Bible:

Bible ezali kolakisa ndenge nini Nzambe asalaki mokili oyo malamumu. Ezali kolakisa biso pe ndenge nini masumu ebebisa yango. Lel'oyo tolingi koyekola ndenge nini masumu ebebisa mokili oyo ya biso. Tobandi na mokanda ya *Ebandeli ch. 3 vs. 16.*

Malakisi Monene na Leso Oyo na biteni minei--

Leso 14.1 Tangela bana: *Ebandeli ch. 3 vs. 16*



16 Pe Yawe Nzambe alobi na mwasi: "Okobanda koyoka pasi mingi na tango ozali na zemi pe na tango ya kobota. Ata boye, okozala kaka na posa ya mobali na yo, pe yé akozala mokonzi na yo."

Leso 14.1 Kotuna bana lolenge oyo--

Niveau Primaire:

- ? • Nani azali koloba awa? (Nzambe)

- Na baleso ewuti koleka, Ye dezia apesaki etumbu na nani? (Na nioka Satan, vs. 14)
- Awa Azali koloba na nani? (Na Mwasi)
- Mwasi akomona pasi tango nini? (Tango akokumba zemi pe kobota bana)
- Mwasi akokumba zemi ya nani? (ya Mobali na ye)
- Nani akosala famille? (Mobali)

Niveau Secondaire:

- Pasi oyo ekokoma mingi ezali pasi ya lolenge nini? (Ekoki kozala lokola pasi ya kobota, pasi ya mwana kokufa na kati ya libumu to na sima ya tango muke kaka. Ezali pasi ya mabe oyo bana bakosala bango na bango tango bakobunda pe kokokana lokola suka po na masumu, etc.)
- Mobali akokonza Mwasi. phrase oyo elakisi nini? Tala pe *Efeze ch 5, vs. 28-29, 31-33.* Tanga baverse oyo:

28 Ndenge wana mibali pe balingaka basi na bango lokola nzoto na bango moko. Mobali oyo alingaka mwasi na ye, azali komilmga ye moko.

29 Ata moto moko té amiyinaka, kasi bato nyonso baleisaka nzoto pe babatelaka yango. Kristo asalaka ndenge moko po na Eklezya.

31 Ekómamá boye: "Yango wana mobali atikaka tata na ye ná mama na ye, pe asanganaka na mwasi na ye; boye bango mibale bakomaká se moto moko."

32 Maloba oyo ebombá sekele moko ya monene; nalobi yango po na Kristo pe Eklezya.

33 Kasi ezali pe po na bino: mobali nyonso na kati na bino álinga mwasi na ye

ndenge ye moko amilingaka; pe mwasi nyonso atosha mobali na ye.

(Elingi kolakisa ete mobali azali motambwisi to motò ya famille, esengeli alinga pe abokola Mwasi na ye ti famille na Ye lokola Yesu alingaka pe abatelaka lingomba.

Leso 14.1 Kolakisa nini esalemaki:



Pona bana misato kolakisa nini esalemaki:

Moko asala lokola Nzambe. Alakisa mwana bapasi Ye akomona po na masumu na Ye.

Ya mibale ezali Mwasi. Na sima “Nzambe” alobi na ye, Okobanda koyoka pasi mingi na tango ya kobota.

Ya misato kele mobali. Na sima Nzambe alobi na mobali ete mobali akozala mokonji ya Mwasi, ye akosimba elembo ya oyo tobengi “Mokonji ya famille.”

Leso 14.1 Koyemba pe kobina:

Ah, Mwasi!



Masumu amemeli yo pasi

Pasi ya mingi

O, o. o. o!

Leso 14.2 Tangela bana: Ebandeli ch. 3,



vs. 17 kino na 19a

17 Bongo alobi na mobali boye: "lokola ondumaki maloba ya mwasi na yo, pe oliaki mbuma oyo napekisaki yo, nakopesa mabelé etumbu po na mabe oyo osali.

18 Yango ekozala kobimisela yo banzete ya nzube pe matiti ya mabe. Na bomoi na yo mobimba okobanda kolia kaka biloko oyo bilanga na yo ekobota. Po na kozwa yango, okobanda komona pasi.

19 Pe kobima motoki na elongi...

Leso 14.2 Kotuna bana lolenge oyo--

Niveau Primaire:



- Nani azali koloba awa? (Nzambe)
- Azali koloba na nani? (Na mobali)
- Po na nini mobali ezali kozua etumbu? (Po akokelaki maloba ya Mwasi na ye koleka maloba na Nzambe)
- Nzambe elakelaki mabe po na masumu ya mobali? (Mokili mobimba)

Niveau Secondaire:

- Ndenge nini bomoi ya Nzambe ebongoli mokili ndege mosusu? (Ekomaka koleka pasi kobalola mabele to kosala bilanga, pe mabele ebandaki kobota banzete pe makasa mosusu ya mabe.)
- Bansete ezalaki makasa oyo epesaka pasi, oyo moto akolinga te na elanga na Ye. Bato lel'oyo bazali kowela makasa nini ya mabe lokola oyo? (Molakisi, yoka biyano. Bana bakoki koloba makasa oyo epesaka pasi soki moto asimbi yango, makasa ya poison, makasa oyo ekolaka makasi na lolenge ete makasa mosusu ya malamuzi ezala na pasi na kokola, etc.)
- Kanisa na maloba oyo “*oko banda kobima mutoki.*” Mosala na kati ya elangato jardin ezalaki libamboli oyo Nzambe apesaki bango uta na ebandeli. Bokeseni nini na mosala yango na sima ete Nzambe alakeli mokili mabe? (Makasa ebongwanaki na ndenge ete esengelaki mosala monene po bilei ekola.)

Leso 14.2 Kolakisa nini esalemaki:



Mema banzube to banzete mosusu ya mabe. Bomba yango na se ya mesa. Sala théâtre. Mwana moko asala lokola Nzambe. Atanga ba etumbu ya masumu ya mobali.

Atango na koloba ete, “Nazali kolakela mabe mokili mobimba po na makambo oyo yo osali, bana mosusu babimisa banzete yango. Bana mosusu sala bageste lokola bazali kosala makasi-makasi, pe bapamisa molonge oyo ezali kobima na ba elongi na bango po na mosala oyo bazali kosala.

Leso 14.2 Koyemba pe kobina:



O, moto!
Masumu na yo esali oyo mokili ezali komona po na mabe na yo
Mosala na yo ekuma makasi-makasi
O, O, o!

Leso 14.3 Tangela bana: Ebandeli ch. 3 vs. 19b



Tii tango okozonga mabelé, pamba té ozali mabelé pe okozonga kaka mabelé."

Leso 14.3 Kotuna bana lolenge oyo--

Niveau Primaire:



- Moto oyo azalaki koloba azali kaka kokoba na koloba lisusu. Nani wana azali koloba? (Nzambe)
- Azali kokoba na koloba na mokili ndenge-moko. Pe azali koloba ba nani? (Na mokili, na mobali)
- Na verse oyo, Nzambe azali kolimbola makambo moko ya sika oyo nanu esalama nanu te na mokili. Pe azali koloba. Pe azali koloba nini? (Kufa ya nzoto.)

- Kufa ezali kolanda nini? (Masumu)
- Tango nzoto ya Adam ekufaki, nzoto na ye ezongakaki na nini? (Na mabele.)

Niveau Secondaire:

- Nini Nzambe alingaki koloba tango azali koloba ete, “Ozali putulu ya mabele”? (Nzambe asalaki moto na mabele -- Ebandeli 2vs.7.)
(Nzambe asalaki nzoto ya bato na putulu (mabele), ebongo tango biso tokokufa, nzoto na biso ekozonga na mabele.)
- Ndenge nini bomoyi ya biso bato elingaka kozala soki moto asalaki masumu te?
(Ezali komonana ete mbele tokufaka te. Kufa elingaki kozala te. Kufa ezalaki te na ebandeli, kasi ekotaki po na masumu.)

Leso 14.3 Kolakisa nini esalemaki:



Mema molangi ya zelo. Mwana moko atanga ba etumbu ya masumu, ch 3 vs. 19. Tango az’otanga, “Ozali mabele,” tiya ndambu ya zelo na loboko ya mwana nyonso. Basimba yango. Na sima, bango nyonso baloba “Okozonga na putulu”, pe babwaka zelo yango na mabele.”

Leso 14.3 Koyemba pe kobina:



Ai, moto!
Masumu ememi kufa!
Ai, moto!
Mawa, mawa!

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

Leso 14.4 Tangela bana: Ebandeli ch. 3 vs. 20



20 Adamu apesi mwasi na ye kombo Eve, elakisi Bomoi, po ye azali mama ya bato nyonso.

Leso 14.4 Kotuna bana lolenge oyoï—

Niveau nyonso:



- Nini azalaki kombo ya mobali ya liboso oyo Nzambe asalaki? (Adam. Verse oyo ezali mbala ya liboso Bible esaleli kombo yango. Liboso Bible ezalaki kaka kobenga Ye “moto” to “mobali.”)
- Adam ezalaki na boyokani nini na Mwasi Eve? (Eve ezalaki Mwasi na Ye, Adam mobali ya Eve. Bango bazalaki na libala.)
- Kombo nini Adam abengaki Mwasi na Ye? (Eve.)
- Ndimbola ya kombo wana ezali nini? (Mama ya bato nyonso.)
- Na kati ya bato awa na se lel’oyo, boni bauti na Adam pe Eve? (Biso nyonso, bato nyonso ya mabota nyonso, pe ya bikolo nyonso.)

Leso 14.4 Kolakisa nini esalemaki:



Bana basala théâtre. Bana Basi nyonso basala lokola Eve. Bango batuna, “Nani okobenga ngai?”

Mibali nyonso basala lokola Adam. Bango bazongisa ete, “Nakobenga yo Eve, po yo ozali mama ya bato nyonso.”

Leso 14.4 Koyemba pe kobina:



Adam abengaki Mwasi na Ye Mama Eve
Mama ya bato nyonso
Mama na bi-iso! Mm-mm.

Devoir po na bana oyo bayebi dezia Yesu:

Boni, bozali kokanisa bana oyo basalaki kobunda na ebandeli ya lesu ya biso? Moko azalaki kotiya faute na Nzambe po na mabe pe baprobleme nyonso ya mokili na biso lel’oyo.

Biso tomonaki ete Nzambe asalaki mokili na biso malamumu, pe ete Ye asalaki bato malamumu mingi. Ebongo, ndenge nini ya solo mamabe pe baprobleme nyonso abandaki?

Mokili ezali kobeba po na baboti na biso ya liboso basalaki masumu. Lel’oyo, mokili ezali kobeba mingi po na masumu ya bato. Ata zelo ya mokili yango moko ezali ya kolakela mabe po na masumu.

Soki ozali koyoka moto azali kitya faut na Nzambe po mokili ezali kobeba, sunga ye kokanisa ete Nzambe asalaki mokili malamumu. Ezalaki biso bato nde tobebisaki yango po biso toboyaki kolanda nzela ya Nzambe.

Kobenga bana koyamba Yesu

Masumu ebebisi bomoi na yo, pe. Kasi Yesu akoki kobongisa lisusu. Yesu akoki kobikisa masumu na yo nyonso. Pe akoki kopesa yo motema ya kitoko.

Kobika ekoki kotikala ya pasi, po biso tozali kobika awa na mokili oyo elakelami mabe. Kasi Yesu akoki kozongisa boyokani kati na yo na Nzambe.

Soki oyambi Yesu nanu te te lokola Mobikisi na yo, Boni, okoyamba Ye lel’oyo? Tango oyambi Ye, akopesa yo bomoyi ya sika kati na ye.

Soki olingi koyamba Yesu lel’oyo, kende kuna (lakisa esika oyo olingi kokutana na bango), pe nakoya kosolula na yo.

====

SUKA YA LESO 14

====

Leso 15—Nzambe ateyaki bato nini na kozanga boyokani na Ye.

Ebandeli ch. 3 vs. 21 kino na 24

Kosala yambo: Koma basigne (bilembo) misato: Moko loba ete, “Tata Nzambe,” ya mibale ete “Mwana na Nzambe,” ya misato ete, “Nzambe Molimo Mosantu.”

Tina ya Leso:

Na suka ya lesu oyo, bana ya classe bakoyeba ete boyokani na biso na Nzambe ebukanaki po na masumu, kasi Nzambe apesaki nzela na biso tokoka koya kozonga na Ye. Nzela wana ezalaki kopesa makabo ya makila ya nyama ya malamumu kasi oyo ezali mabe te.


Oyo ezalaki kolakisa ete, na sima, Ye akofungola nzela oyo biso tokoki kozonga libela na boyokani na nzela ya Yesu Kristo, oyo akopesa likabo ya makila ya kitoko oyo ekokaki pe oyo Nzambe andimaki.

Ebongo, bango bakokima banzambe mosusu pe basangisi mosusu, po bango bakoya kaka na Nzambe na nzela ya mwana na Ye Yesu.

Verse ya koyekola: *Ba-Ebré ch. 9 vs. 22b*

Pe soki batangisi makila té, Nzambe azalaki kolimbisa masumu té.

Koyemba:

 Nini ekoki kosukula? Kaka makila ya Nkolo Yesu. (Banzembo ya Boyokani)

Yaka na Nkolo Nzambe

Na kombo ya Yesu (Ton: Go in & out the windows.) (Banzembo ya Ecodim: ‘Yaka na Yesu Kristo’)

Revision:

- Tango nini kufa ekotaki na mokili? (Ekotaki tangu Adam ti Eve basalaki masumu.)
- Nani azali mama na biso nyonso? (Mama Eve, Mwasi ya liboso, azalaki mama ya bato nyonso.)

Kutuna devoir ya poso euti koleka:

Na poso eleki, nani ayokaki moto koyima-yima na Nzambe po bango bamonaki ete makambo ya mabe na bango emonanaki, oyo ezalaki Nzambe asalaka yango? Boni, osalisi Ye kokanisa ete Nzambe asalaki mokili oyo malamumu, ebongo ezali biso moto tobebisaki yango na masumu na biso moko?

Ebandeli ya Leso:

Soki ozalaki na ndenge ya komona mbala moko bapasi nyonso oyo ezali kaka na mboka oyo, okanisi ete okomona nini? (Nzala, maladi, kufa, mawa, kozanga mosala, kobunda, bafami oyo ebukani, kozanga lozito, kofingana, ba mabe pe bapasi ya ndenge ya ndenge.) Soki ezalaki na ndenge yo omona mbala moko bapasi nyonso oyo ezali na mokili mobimba, yo okomona nini? (Mbonge, bitumba, lokuta, koyiba, biloko ebele, ebele. Pasi ebele.)

Transition na Leso ya Bible:

Na lesu oyo, tokoyekola probleme ya koleka makasi oyo bato bamoni wuta ebandeli kino tangu oyo. Eleki makasi. Atako maladi to pe nzala to kufa ezali te makasi lokola probleme wana.

Ee, kino tokomona nini Nzambe asalaki po na kosalisa biso na probleme wana ya makasi-makasi. Tozali kolanda mokanda ya Ebandeli lisusu lel’oyo na mokapo ya misato, nzela ya kotanga 21.

Malakisi Monene ya Leso Oyo na Biteni 3:

Leso 15.1 Tangela bana: *Ebandeli ch. 3 vs. 21*



*21 Yawe Nzambe asali bilamba ya
poso ya nyama po na Adamu ná
mwasi na ye, pe alatisi bango yango*

Leso 15.1 Kotuna bana lolengo oyo:

Niveau Primaire:



- Nini Nzambe asalaki po na Adam na Mwasi na Ye? (Ye asalelaki bango bilamba ya poso ya banyama, ebongo Ye alatisaki bango.)
- Bilamba Nzambe asalelaki bango, ezalaki ya nini? (Poso to baposo ya banyama)
- Ndenge nini Nzambe ezwaki baposo wana? (Esengeli ezala ete Abomaki banyama wana.)
- Boni, kino sik'awa totangi tango nini abomaki banyama wana? (Ezali te. Oyo ezalaki mbala ya liboso. Liwa ekotaki kaka po na masumu ya bato.)
- Boni, ndenge nini tokokanisa ete Adam na Eve bamekaki komizipa na sima bango kosala masumu [Ebandeli ch. 3 vs. 7]? (Bango bamekaki komizipa makasa ya figue, oyo ezali moko ya banzete.)
- Tango Nzambe alatisaki bango yango, nyama ekufaki. Mabe nini nyama wana esalaki po esengeli ekufa? (Ata mabe moko te. Ekufaki na esika ya bato, pe po na masumu ya bato.)
- Makila ya nyama esopanaki, nyama oyo esali mabe te. Po na nini? (Po na kosalela poso lokola elamba po na kolatisa bato.)
- Probleme nini Nzambe ezalaki kokanisa, tangu Ye abomaki nyama wana? (Probleme ya bulumbu ya bato.)

- Kala mingi te na sima makambo wana esalamaki, tokomona ete bato bayebaki dezia ete Nzambe alingaki bango komema makabo ya makila. Boni, okanisi ete Nzambe apesaki nyama wana makabo ya makila, pe Ye ayebisaki bango ndenge nini kopesa makabo wana, tangu Ye abomaki nyama kosalela bango bilamba?

(Ee, biso ebele oyo toyekoli Bible tomoni yango ndenge wana. Esengeli ezala ndenge wana, po bango bayebaki ete bango esengeli bapesa makabo ya makila.)

- Kana oyo ezalaki makabo ya makila, nini probleme Nzambe ezalaki kuyidika, na zulu ya kinkonga na bango?

(Probleme ezali ete boyokani na Ye ebukanaki. Makabo ya makila ezongisaki bato na boyokani na Ye.)

Niveau Secondaire:

- Po na nini okanisi Nzambe andimaki te makasa ya bafigue oyo bango moko asalaki lokola bilamba?

(Baraison ekoki kozala misato: 1. Bilamba ya makasa ya bafigue ekokaki te kozala makasi lokola poso ya nyama.

2. Nzambe alingaki te pe ete bango basosola ete bango bakoki te kozipa mabe na bango. Kokabana na bango na Nzambe ezalaki monene na ndenge ete bango moko bakoki kobongisa yango te. Makambo oyo ezalaki nene na ndenge ete kaka Nzambe akokaki kobongisa yango. Ye

asalisaki bango kososola yango na ndenge Ye moko asalelaki bango bilamba ya baposo.

3. Etumbu ya masumu na bango ezalaki kufa. Nzambe alingaki bango na Ebandeli basosola ete, wana tango Ye aponi ekoki, Ye moko akotinda makabo ya kitoko, ya kokoka. Ye asalisaki bango kososola makambo wana na ndenge ya bango bamonaki Nzambe Ye moko kosopa makila ya nyama po na kozipa masumu na bango.

- Na mokapo ya minei, tokomona ete fami ya Adam eyebaki ete Nzambe andimaka makabo ya bato kaka soki bango bapesi makabo ya makila. Bato ebele oyo bayekoli Bible, bazali kondima ete Nzambe ayebisaki bango ndenge nini kopesa makabo ya makila kaka na tango Ye abomaki nyama po na kolatisa bango. Nini ozali komona na Bible oyo ekoki koloba ete oyo ezali ya solo?

(Na mokapo ezali koya bango bayebaki makambo wana dezia.)

- Ndenge nini makabo ya makila ya nyama emonanaki lokola foto ya mbeka ya kitoko, ya kokoka oyo Nzambe akopesa tangu Ye atindaki Mwana na Ye?

(Nyama wana esalaki mabe te, lokola Yesu asalaki mabe te; nyama ekufaki na sika na biso, lokola Yesu akufaki na esika na biso; makila ya nyama epanzanaki, ndenge moko makila ya Yesu esopanaki; nyama akufaki, ndenge moko Yesu akufaki; Nzambe abomaki nyama,

lokola Nzambe atindaki Mwana na Ye.)

Leso 15.1 Kolakisa nini esalemaki:



Bana nyonso basala bageste ndenge nini ezalaki tango Nzambe ayebisaki Adam pe Eve ete nyama oyo esali mabe esengeli ekufa na kisika na bango po na kozipa masumu na bango.

Leso 15.1 Koyemba pe kobina:



Makasa ya figue ekoki te, Adam

Nyama ekufi po na yo

Makila esopanaki

Lata elamba ya poso

Elamba Nzambe asalelaki yo.

Leso 15.2 Tangela bana: Ebandeli ch. 3 vs. 22



22 Yawe Nzambe alobi: "Sik'oyo moto akómi lokola moko na kati na biso, pamba té ayebi makambo ya malamú ná ya mabe. Ezali malamú té ália mbuma ya nzete oyo epesaka bomoi, po soki alei yango akozala na bomoi seko."

Leso 15.2 Kotuna bana lolenge oyo--

? Niveau Primaire:

- Nani azali koloba? (Nkolo Nzambe)
- Tala malamú! Nzambe azali koloba na nani? (Tata Nzambe azali koloba na Mwana-Nzambe pe na Nzambe Molimo mosanto. Ye alobi ete, "moto akomi lokola BISO".)
- Nini moto akoyeba, na sima ya kolia mbuma ya nzete ya koyeba makambo ya malamú pe makambo ya mabe? (Ye akoyeba makambo ya mabe pe ya malamú.)

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

- Na sima bango kolia, Nzambe alingaki kokanga bango nzela ya kolia mbuma ya nzete nini? (Na nzete oyo ezalaki kopesa bomi ya seko na seko.)

Niveau Secondaire:

- Ndenge nini tokoki koloba ete verse oyo ezali kolakisa bosatu ya Nzambe? (Pronon “biso” elakisi ete moto oyo az’oloba azali na kati ya groupe wana oyo bazali kosolola, ezali pluriel.)
- Po na nini na ebandeli yo ozalaki te na probleme ete bato bawumela seko na seko, kasi na sima ya masumu, ekomi probleme? (Soki owumeli seko na seko na masumu, pe masumu ekokoma ebele-ebele. lisusu, masumu ememi kufa, ebongo, ekoki kozala te ete owumela seko na seko.)
- Kanisa moto na histoire oyo okomona mabe mingi. Nini ekosalema soki moto wana akozala seko na seko? Ekozala malamumu? (Molakisi, yoka makanisi ya bana.)

Leso 15.2 Kolakisa nini esalemaki:



Bana misalu basala lokola Nzambe na théâtre. Moko asimba signe (elembo), “Tata Nzambe,” moko mosusu asimba “Mwana-Nzambe,” pe moko ya suka asimba “Nzambe Molimo mosantu.” Tata Nzambe tanga verse oyo na bamembre mosusu ya Bosato ya Nzambe, pe bango nyonso baningisa motù elakisi ete bandimi.

Leso 15.2 Koyemba pe kobina:



Bato bakoki kobika kobika te ya seko na seko

Soki bango nyonso basali yango,

Mabe ekoleka mingi. Eee, mabe ekoleka mingita luta mingi.

Leso 15.3 Tangela bana: Ebandeli ch. 3 vs. 23 ti 24



23 Bongo Yawe Nzambe abengani moto na elanga ya Eden, po akende kosala mosala na mabelé oyo asalela ye.

24 Sima ya kobengana ye, atiaki bakengeli oyo babengaka ba-Sheriben, penepene ya elanga ya Eden, na epai moi ebimaka; bango bazalaki kobalolabalola bambelé ya móto po na kopekisa 'tè moto moko té ákóma penepene ya nzete oyo epesaka bomoi.

Leso 15.3 Kotuna bana lolenge oyo--

Niveau Primaire:



- Nini Nzambe asalaki po moto alia te ya mbuma ya nzete oyo ekoki kopesa bomoi? (Nzambe kulaka Ye na elanga.)
- Nini ezalaki mosala ya moto na sima ya kobima na elanga ya Eden? (Kobalola mabele.)
- Maloba nini elakisi ete Nzambe apusaki moto kotika elanga? (Nzambe **abenganaki** Ye.)
- Boni, bato bazalaki na ndenge ya kozonga lisusu na elanga ya Eden? (Ezali te.)
- Nini ekangelaki bango nzela? Nzambe atiyaki mwanjelu chérubain na mbelé oyo ezali kopela moto po na kokangela bango nzela.)
- Mbelé yango ezalaki ndenge nini? Ezalaki kopela moto, pe ezalaki kobalolabalola po kopekisa kopusana na nzete yango.)

Niveau Secondaire:

- Apart ndenge ya kokota na elanga ya Eden, nini mosusu bato babungisaki tango basalaki masumu? (Babungisaki pe boyokani na Nzambe, yango ekatanaki. Elanga wana ezalaki liboso esika Nzambe ezalaki kotambola na pokwa nyonso. Na sima ya masumu, Nzambe atambolaka na boyokani to na kimoninga lisusu na bango te.)
- Bakoko na biso nyonso basosolaki ete Nzambe ezalaki, kasi bango bamonaki lokola Ye ezalaki musika ti bango. Ndenge nini histoire oyo ya Bible ezali kolakisa biso ebandeli ya makanisi wana? (Ezali kolakisa ndenge boyokani na Nzambe ekatanaki. Soki bakoko ya kala bakanisaki kozonga na Nzambe bango moko, bakomona chérubain wana ná mbelé wana oyo ezalaki kopela moto. Biloko yango ezalaki ete bakanisaka tangu nyonso ete bakomi mosika na Nzambe po na masumu na bango. Ndenge ya kozonga bango moko na Nzambe ezalaki ata muke te.)
- Kokabana ya bato na Nzambe ezalaki probleme koleka makasi ya bato bamonaki. Po na nini omoni oyo ezali solo? (Bapasi nyonso oyo elandaki yango, pe ndenge ya kobongisa yango bango moko, ezalaki te.)
- Ekozala pasi te na Adam kokanisa ete Ye akoki kozanga ata muke te na Nzambe po na masumu na Ye. Kasi Nzambe asalaka nzela po bato bazonga na Ye. Nzela yango nini? (Makabo ya makila.)

Leso 15.3 Kolakisa nini esalemaki:



Bana nyonso basala lokola bango bazali ba chérubain oyo bazali kopekisa nzela ya kokota na elanga.

Bango basala lokola bango bato basimbi mbelé oyo ezali kopela moto. Baloba lokola lokola mbelé wana ez'osala- Zzzz. SSSSS. Ziiiiing. Whooooosh, etc.

Leso 15.3 Koyemba pe kobina:



Ndenge ya kozonga na elanga ya Nzambe ezali te
chérubain akangi nzela
Bango bakokota lisusu te.
Boyokani na bango na Nzambe ekatami
O-o-o! Mawa!

Devoir po na bana oyo bayebi Yesu dezia:

Atako boyokani na Nzambe ekatani penza, Nzambe asalelaki biso nzela ya kozonga na Ye. Ye apesaki biso bikeko te lokola nzela ya kokende na Ye. Ye alobaki te ete moto mosusu akosangisa biso. Ezali te. Ye asalaki nini?

Ye ayebisaki bakoko na biso ete bapesa makabo ya makila. Na sima, Ye atindaki Mwana na Ye Yesu Kristo lokola likabo kitoko, oyo ekoki. Privilege monene nini koya na Nzambe na kombo na Yesu Kristo!

Na tango wana, moto akoya lisusu kozonga na Nzambe na nzela ya bikoko te. Kozonga lisusu ten a nzela ya basantu to na nzela ya banzelo to na nzela nyonso mosusu.

Nzambe azali na esengo ete tozonga na Ye ata muke te na kombo ya Yesu Kristo. Tango ozali kosambela poso oyo, okoya na Nzambe na kombo to na nzela ya Mwana na Ye Yesu Kristo?

Kobenga bana oyo bayamba nanu Yesu te:

Boni, oye na Nzambe na nzela ya Mwana na Ye Yesu po'okobika? Boni, oyamba Ye po

**L1 Mokanda ya EBANDELI I Mokanda ya Moboko (Fondation) ya Kondima na Bisu
MALEMBE MALEMBE—Baleso ya Bible oyo esengeli bana basala pe kokanisa –Lokasa 65**

Ministères pour Chaque Enfant (MCE) ekomi pe ebimisi baleso oyo po na lingomba ya Yesu na Congo MCE—Mission Mukristo po na bana nyonso ya Afrika Edition 2016

na kobkisa yo tp pe po na kosokola motema na yo na masumu nyonso?

Soki oyebaka Ye malamumu-malamumu te, kasi lel'oyo olingi koyeba, kende na esika wana na sima ya classe. (Molakisi songa bana wapi bakoki kokutana na Yo ete bosambela.) Na koya pen a kozala na esengo ya kosalisa yo.

===

SUKA YA LESO 15, PE SUKA YA
BALESO NYONSO

===

Molakisi, felisitation (Longonia!) Yon a classe na yo bino bosilisi Eteni ya Liboso ya Mokanda ya Ebandeli. Baleso mosusu

ya mutuya mingi ezali kolanda. Zongisa sachet oyo pe okoki kozwa sachet ya mibale na Centre de Materiel. Soki okoki kozwa yango te sik'oyo, salela poso moko po na kotala lisusu malakisi ya monene ya baleso oyo osili kosala.

Molakisi, na yamba kozongisa baleso oyo na Centre de Materiel, tala malamumu ete biloko nyonso ezali na kati ya sachet—bafoto nyonso, baverse nyonso, pe baleso oyo otangisaki. Soki balakisi nyonso bazongisi materiel nyonso, biso na MCE tokozala na ndenge ya kosalisa bino nyonso koleka malamumu.

Matondo mingi, pe Nzambe abenisa yo !